

THEOLOGIA.

N. 456



35417

I

2406

X. L. 142.



# DEFENSIO

Beatissimæ Virginis DEI Genitricis

## MARIÆ

Contra nostræ tempestatis Hæreses:

In qua

### SPECIALIS CULTUS

ET

### INVOCATIO EJUS,

*Manifestis Argumentis*


## EVINCITUR;

*Omnium usui salutari, non solum  
ad tuendam aut discendam hac in parte  
Veritatem Catholicam, sed & ad fructuosè Con-  
cionandum, piè meditandum, eruditè differendū*

*&c.*

## ACCOMMODATA

Per P. GODEFRIDUM HANNENBERG SOC: JESU.





CALISSII,

Typis Clari Collegii Societatis JESU. |

Annò post Virginis partum 1728.

*Coll. Cracov. S. P. M. ex dono P. Paulo Zamblyk.  
Soc. 16. Dec. 1734.*

  
*Venite! atq; omnes mentibus pu-  
ris, intaminatisq; labiis, gloriosè  
laudemus illam Emmanuelis inte-  
meratam, ac super omnes Virgi-  
nes purissimam Matrem; Sacrifi-  
cia DEO ex illa nato, per Ean-  
dem offerentes. S. Sabbas in Me-  
næis Græcis 3. Janu: Ode. 9.*

  
35. 417  
T



# FACULTAS.

JOANNES JUSKIEWICZ  
Præpositus Provincialis Socie-  
tatis JESU per Poloniam.

CUM Opus, quod inscribitur: *De-  
fensio Beatissimæ Virginis &c.* Au-  
thore R. P. Godefrido Hannenbergh,  
aliquot ejusdem Societatis Theolo-  
gi recognoverint, & in lucem edi pos-  
se probaverint, Potestate mihi facta ab  
A. R. P. Nostro Michæele Angelo  
Tamburino, Societatis Nostræ Præ-  
posito Generali, Facultatem concedo  
ut Typis mandetur, si iis, ad quos  
pertinet, ita videbitur. In cujus Fi-  
dem, has Literas manu mea firmatas  
& Sigillô, dedi. Ostrogii die 25 Ja-  
nuarii Annô Domini 1728.

JOANNES JUSKIEWICZ

m. p.

# APPROBATIO LOCI ORDINARII.

**L**ibrum, cui titulus, *Defensio Beatissimæ Virginis DEI Genitricis Mariæ contra nostræ tempestatis hæreses*, ab Admodum R. P. Godefrido Han-  
nenberg Soc: JESU Collegii Calissien-  
sis Rectore, magno labore, industria,  
& summa sedulitate, conscriptum, cū  
nihil Fidei orthodoxæ, bonisq; mo-  
ribus contrarium contineat, quinimo  
malleus contra hæreticos, & moti-  
vum summæ Devotionis ad DEUM,  
Viaq; Salutis æternæ consequendæ,  
dici mereatur, Luci publicæ & Prælo  
mandandum esse, censeo.

Calissii 1728. 23. Junii.

JOANNES GAŁCZYNSKI  
à Celsissimo Principe, Illustrissimo Excellentissimo  
D. Domino THEODORO POTOCKI Archi-Epi-  
scopo Gnesnensi, Legato Nato Regni Poloniæ &  
M. D. Lithvaniæ, Primate, primoque Princi-  
pe, Librorum Censor.



B E N E D I C T Æ  
In Mulieribus  
V I R G I N I  
S A N C T I S S I M Æ D E I G E N I T R I C I  
M A R I Æ.

**M**aternis tuis advolvor plantis,  
Virgo Beatissima, & exile O-  
pusculum hoc, totis præcordio-  
rum affectibus, Honori tuo dedico sub-  
mississime. scio quidem (ut meritò fate-  
tur Joannes Damascenus Orat: de As-  
sumpt:) nullam hominum linguam,  
nec Angelorum Mentem, Te sat di-  
gnè laudibus efferre posse, per quam  
Domini Gloriam perspicuè intueri  
nobis datum est; quia tamen DEO,  
Tibiq; gratum est, quod pro viribus  
fit,

fit, atq; ex amore & Zelo, probaq;  
offertur voluntate: proinde & ego,  
*indignus quamvis, toto tamen corde ti-*  
*bi prostratus Servulus tuus, quantum*  
*pro modulo meo colligere valui, hosce*  
*Laudum flosculos, audeo Vestigijs tuis*  
*substernere. Suscipe, o Domina! o Ma-*  
*ter piissima! Suscipe tenue istud in De-*  
*fensionem Honoris Tui obsequium. Su-*  
*scipe Virgo Prudentissima leve hoc Mu-*  
*nusculum, & misericordes oculos tuos ad*  
*me convertens, benigno vultu respice.*  
*Monstra te esse Matrē omnibus, bonō ani-*  
*mo præsens Opus evolventibus. O Clemens!*  
*o pia! O dulcis Virgo Maria! Ora*  
*pro nobis Deum nunc & in hora mortis*  
*nostræ. Amen.*

G. H. S. J.



# SYNOPSIS TRACTANDORUM IN HOC OPERE.

Honor & Cultus specialis, ac Invocatio Beatissimæ Virginis DEI Genitricis Mariæ, contra modernas Hæreses,

1. *Defenditur* manifestis S. Scripturæ locis. à numero marginali 1. ad numerum 29.
2. *Defenditur* 10. Rationibus Theologicis: videlicet 1. Specialiter colenda & invocanda est B. V. Maria, quia est DEI Genitrix, Mater Christi. à n. 30. 2. Quia per id Christus JESUS summopere glorificatur. à n. 38. 3. Quia nemo plus obsequii Christo Salvatori nostro exhibuit, nemo plus adversitatis cum eodem sustinuit, quàm Maria. à n. 46. 4. Quia est Mater nostra. à n. 55. 5. Quia nullò unquam vel minimò peccatò fuerat inquinata. à n. 58. 6. Propter plenitudinem Divinæ Gratiæ & Sanctitatis. à n. 67. 7. Propter excellentissimam Gloriam in Cœlo. à n. 72. 8. Propter specialem excessum Fidei & Charitatis in via. à n. 74. 9. Quia omni virtutū genere fuerat ornatissima. à n. 78. 10. Quia est Virgo purissima ante in & post Partum. à n. 83.
3. *Defenditur* Testimoniis SS. Patrum, & continuo Ecclesiæ Christi etiam antiquissimæ, tam Latinæ quàm Græcæ usu. Ubi 1. declaratur, B. V. Mariam esse post Christum

Christum summopere colendam. à n. 90.  
 2. Nunquam satis dignè à nobis lauda-  
 ri & coli posse. à n. 93. 3. Cultores  
 & Laudatores ejus, singulariter Donis  
 Cælestibûs præmiari. à n. 94. 4. *Salve*  
*Regina* &c. vindicatur &c.

4. *Defenditur* Praxi, zelo, pietate, ac devotione  
 piissimorum Imperatorum, Regum, Prin-  
 cipum, Exercituum, ac Civitatum. à n.  
 iii. ad n. 154.
5. *Defenditur* Ex tot luculentis Miraculis ad In-  
 vocationem ejus à DEO patrari solitis. à  
 n. 155. ad 198.
6. *Defenditur* Lumine rectæ rationis vel in ipsis  
 Dissidentibus moderatioribus, imo Gen-  
 tilibus & Machometanis, nec non Judæis  
 relucente. à n. 199. ad n. 203.
7. *Defenditur* ex eo, quòd ad Cultū hunc & Invo-  
 cationē B. Virginis, Dæmones contremi-  
 scant, & fugentur. à n. 204. ad n. 210.
8. *Defenditur* per hoc, quòd Veritas ista à scelera-  
 tissimis nonnisi hominibus, manifestis  
 hæreticis, & Christi hostibus fuerit olim  
 oppugnata. à n. 211. ad n. 223.
9. *Defenditur* exinde, quòd aliter oppugnari ne-  
 queat, nisi per calumnias & impudentiā.  
 à n. 224 ad n. 229.
10. *Defenditur* ex eo, quòd DEUS Irrisores &  
 contemptores hujus veritatis, toties se-  
 verissimè puniverit. à n. 230. ad n. 243.






# DEFENSIO PRIMA

## B. VIRGINIS MARIÆ

*In qua Cultus & Invocatio Ejus ex Scriptura S.  
evincitur.*

§. I.

### De CULTU B. V. MARIÆ.

I.  Peciali, & inaudito à Sæculis  
modò, tota SS. Trinitas, Pa-  
ter, Filius, & Spiritus S. præ-  
missa per Archangelum Ga-  
brielem Salutatione huma-  
nissima, *Ave Gratiâ plena &c.*

*Luc: 1.* (qualem Cultum nulli unquam Patriar-  
charum, aut Prophetarum, exhibitum legi-  
mus) Mariam Virginem honorificavit. *Fecit*  
*Mibi magna qui potens est, & Sanctum Nomen Ejus. Ex-*  
*altavit humiles, concinit ipsa* *Luc: 1. v. 49.*  
Adeo Virginem hanc humillimam exaltavit Pa-  
ter æternus, ut in Matrem Filii sui adoptave-  
rit; exaltavit DEI Filius ut è Summo Cælo in  
Præcordia ejus sese demiserit; exaltavit Spiri-  
tus S. ut eidem gratiosissimè obumbraverit. Et

A

hoc

hoc Divinæ Magnificentiae præsupposito mysteriō, plura Sacrarum Literarum arcana penitiùs expendamus. Si Pater Cælestis eximio illos profecturus erat Honore, qui Filio suo in Carne degenti ministrârunt: *Qui mihi ministraverit, honorificabit eum Pater meus*, inquit Salvator Ioan: 12. v. 26. Quomodo non honorificavit Matrem Filii sui, quæ ministravit à primo vitæ diluculo usq; ad Occasum; à præsepio usq; ad tumulum? Nec solùm ministravit, sed & genuit & educavit. Si Dei Filius honoraturus erat eos, qui audientes Verbum, secuti sunt eum, ut diceret: *Vos, qui secuti estis me, sedebitis in Regno meo super sedes duodecim* Mat: 19. v. 28. Quomodo non super omnes sedes & Angelorum Choros extollenda Mater, quæ toto vitæ mortalis decursu secuta est eum, & quidem usq; ad Crucem; nec solùm secuta, sed & gestavit in utero, portavit in Gremio, manibûsq; suis in præsepio & tumulo reclinavit. Nec audiebat duntaxat, verùm etiam *Conservabat omnia Verba ejus in Corde suo* Luc: 2. v. 61. Si Spiritus S. per Ecclesiasticum ad debitas Parentibus Laudes persolvendas hortatur omnes: *Laudemus Viros gloriosos & Parentes Nostros in generatione sua* Eccl: 44. v. 1. Multò magis ad id obsequii, Pretiosissimæ tribuendum Parenti, stimulat, quæ mundo pariens Salvatorem, vitam nobis peperit sempiternam. Et si juxta DEI Mandatum, ejusmodi honorandi sunt Parentes, per quos vitam adipiscimur corporalem;



Speciali profectò cultû illa prædicanda est Mater, unde vitam habemus Spiritualem.

2. Verbò, Pater, Filius, & Spiritus S. extraordinariò & admirabilî modò B. Virginem Mariam honorificant: & terræ Vermiculus, Saccus Stercorum, esca vermium, terrenus homo, perversa quorundam opinione dementatus, infasciatus, excæcatus, Eandem colore non dignabitur?

3. Quis non videt, quàm profundò Cultû Angelus Gabriel, & quidè non politicò aut civilî, sed verè religiosò (cùm nihil ineptius fingi possit, quàm Angelos, cerimonias merè politicas, aut complementa quædam phantastica exhibere hominibus) veneratus sit B. Virginem? En! cum quantâ Emphasi Salutationem instituit: *Ave gratiâ plena Dominus tecum, Benedicta tu in mulieribus. Luc. 1.* Quasi dicat: Aliis DEI amicis, aliquid de Gratia ejus participare conceditur; Tu Gratiâ plena. Aliis Deus cælestia largitur dona; Tecum ipse est Dominus. Laudabiles quidè, ut fortis illa Judith, formosa Ester, humilis Rebecca &c: inveniuntur Mulieres; sed tu benedicta inter omnes. Cui unquàm hominum sic locutus est Angelus? Cùm autem turbari, & in præsentia Angelî trepidare inciperet, *Cogitaretq; qualis esset ista Salutatio*: proprio Eam compellat Nomine, & suavissimè Consolatur: *Ne timeas Maria, invenisti enim Gratiam apud DEUM: Ecce Concipies in Utero, & paries Filium, & vocabis Nomen ejus IESUM &c.* Hæc de partu Filii castissima inaudi-

ens Virgo, adhuc magis metuit & miratur in-  
 quiens: *Quomodo fiet istud, quoniam Virum non co-*  
*gnosco?* Verum Angelus totum eidem perhu-  
 maniter explicat mysterium: *Spiritus S. Super-*  
*veniet in te, & Virtus Altissimi obumbrabit tibi Sc:*  
 Quasi diceret: ne timeas Maria! Virginitas tua  
 manebit integerrima. Non ut aliæ mulieres,  
 ex voluntate Carnis, neq; ex Voluntate Viri,  
 sed ex Spiritu S. concipies. Eris semper Virgo,  
 & simul Mater. Sicut Vellus Gedeonis rorem,  
 ita tu æternum DEI Verbum, hac hora in vi-  
 scera tua recipies.

4. Iam dijudicet quivis æqui rectiq; ama-  
 tor, num hæc Beatissima Dei Genitrix, quàm  
 ipse Angelus tam submissè salutavit, tam miri-  
 ficè laudavit, tam gloriosè inter omnes Bene-  
 dictam prædicavit, non sit pariter millies à  
 nobis salutanda, omniq; laudum genere cele-  
 branda? Consideret, num homines ejusmodi, qui  
 eam honorare detrectant, aut contumeliis o-  
 nerant, audentq; dicere vel scribere, *Ave Maria*  
*fort!* idipsum ab Angelo bono, & non potius  
 malo didicerint?

5. Nemo prudens vel subdubitare potest,  
 Sanctam illam, venerabilem, & grandævam  
 Mulierem Elisabetham, cùm pauperculam, ju-  
 venculamq; Virginem Mariam sese invisentem,  
 tanta cum veneratione susciperet, (profectò  
 non merè politicâ ac Civili, sed Religiosâ &  
 Spiritualî: non enim ob Excellentiam quan-  
 dam, mundanam, verùm propter eximia Dei  
 Dona, exhibita) ut elata voce exclamaret: *Be-*

*nedita*



*nedicta tu inter Mulieres. & Benedictus Fructus Ven-  
eris tui! & unde hoc mihi, ut veniat Mater Domini  
mei ad me? Luc: 1. v. 42. Id ipsum ex speciali  
Spiritus S. Instinctu fecisse. Vel ipse uterò ad-  
huc clausus & infans Joannes, ad Divinæ Ma-  
tris præsentiam exultavit præ gaudio, quasi po-  
pulte flexo exhibiturus Reverentiam. Ecce enim  
(inquit Elisabeth v. 44.) ut facta est vox saluta-  
tionis tuæ in auribus meis, exultavit in gaudio Infans  
in utero meo. Si itaq; tanta Virgini Mariæ facta  
est veneratio propter Christum quem gerebat  
in utero; Ergo à fortiori exhibenda propter  
eundem, quem peperit mundo.*

6. De posteris quoq; Generationibus i-  
psamet Virgo Sanctissima in suo Cantico di-  
lertè enuntiat: *Respexit humilitatem Ancilla sue  
Ecce enim ex hoc, Beatam me dicent omnes generatio-  
nes. Luc: 1. v. 48. Quæ Generationes? quæso: Pro-  
cul dubio Christianæ. Si itaq; Prædictio ejus,  
utpote Spiritû S. plena, impleri debet, sequi-  
tur, Generationes illas, quæ Virginem Mari-  
am colere, laudare, & Beatam prædicare, re-  
luctantur, non esse verè Christianas. Verbò qui-  
cunq; ad has, de quibus B. Virgo vaticinata est,  
referri desiderat Generationes, eam magnifi-  
cet, collaudet, atq; Beatam celebret, necesse  
est. Qui verò secùs fecerit, illi se potius ingra-  
tissimæ Bethleemitarum turbæ, quæ Dei Ge-  
nitricem, cùm partui esset proxima, ab ædibus  
suis, ipsoq; Diversorio (non erat ei locus in Di-  
versorio. Luc: 2. v. 7.) excluserat, noverit ag-  
gregandum.*

7. Iple Mundi Salvator etiam quamdiu mortales inter degebat, singulari honore Matrem suam condecoravit. Venerabatur eam, priusquam Evangelij opus inchoâset, adeo, ut fieret Subditus ei: *Descendit & venit Nazareth, & erat subditus illis Luc: 2. v. 51.* Venerabatur sub primum operis sui initium in Cana Galilææ, quia ad preces ejus, horam quodammodo patrandi Miracula, anticipando, (quam aliàs distulisset, ni Mater rogâset) aquam in Vinum converterat. Joan: 2. v. 8. Venerabatur in ipso Prædicationis Evangelicæ progressu. Lucæ enim II. Postquam Phariseos, Prodigia sua in dubium, sinistrumque sensum vocantes, & virtutem profligandi Dæmonia, Arti magicæ iniquissimè tribuentes confutâset, Pia quædam exclamavit Mulier v. 27. *Beatus Venter qui te portavit, & Utera, quæ Suxisti.* Tum Dominus: *Quia imò beati qui audiunt Verbum Dei & custodiunt illud.* Solent quidè B. Virginis Adversarii, id ipsum contra Honorem ejus injuriosè detorquere, sed quàm cassò molimine mox videbimus. Præfata liquidem Salvatoris Verba Correctionem denotant Epitaticam, quæ allatas Virginis laudes non minuit sed ampliavit. *Quin imò Beati, qui audiunt Verbum DEI & custodiunt illud:* Quasi dicat: Tu beatam præcisè ex eo prædicas, quia me portavit in Utero. &c. & quidem ordinariò, aliisq; Matribus (ut tu arbitraris) consuetò modò; nec observas, quòd audiendo & custodiendo Verbum Dei, se dignam ut fieret Mater mea, reddiderit. Quin imò hac de causa

la Bea-



la Beatam dixeris. Si enim beatiùs est, audire & custodire Dei Verbum, quàm humanò modò generare aut enutrire Prolem; si, universaliter loquendo, Beati illi, qui audiunt, & custodiunt Verbum Dei; Beatissimam profectò ex eò laudaveris, quia audiebat semper & *Con-*  
*servabat omnia Verba mea, conferens in corde suo*  
*Luc. 2. v. 19.*

8. Tandèm venerabatur Christus Pretiosissimam Matrem etiàm moriens in Cruce. Postquàm enim pro Mundi Salute totum fudisset Sanguinem; postquàm Peccatoribus pænitentiam agentibus veniam, Latroni dedisset Paradysum, Dilectissimo Discipulo suo Joanni, quem in ultima Cæna pectori adnoverat, velut maximam Gratiam reliquit Matrem Suam: *Ecce Mater tua*: injungens, ut eidem, obsequiò prorsùs Filiali, tanquàm propriæ Matri, succurreret. Quò procedendi modò, nos quoq; implicite edocuit, universale honorandi Parentes Mandatum, etiàm Christi Matrem, per quam Salvatorem accepimus, respicere.

9. Addo, Christum Dominum, cunctas Passionis tempore, Iudæorum injurias in se pro Redemptione Generis humani suscipientem, sic coluisse Matrem suam, ut non permiserit, eandem Cruci suæ assistentem, contumeliâ aliqua oppugnari à Iudæis. Tametsi id ipsum hodie ex abyssò inscrutabilium Judiciorum suorum, exspectans pænitentiam, (sed usquequò Justè Judex!) in tot perversis dissimulet Christianis. Jam.

## OBTRUDUNT ADVERSARIJ.

10. *imo.* Christum ipsum parum honorasse, quin *imo* Sprevisse Matrem suam, eandem, *Mulierem*, compellendo: Exem: Causâ in Cana Galilæe Joan: 2. v. 4. *Quid mihi & tibi est Mulier?* Et in Cruce Moriens: *Mulier ecce Filius tuus* Joan: 19. v. 26. Respondeo, Veritatem illam Catholicam, quam & inferius elucidabimus, nimirum, quod Cultus & Invocatio B. Virginis, haud aliter nisi cum Injuria ipsimet Salvatori illata, oppugnari queat, etiam in præsentî reddi manifestam. Quis sanæ mentis Christianus audebit hiscere, Christum (qui non venit solvere Dei Legem sed adimplere) quartum Decalogi Præceptum de honorandis Parentibus, transgressum fuisse, & Matrem non tantum non honorasse, sed & sprevisse? Si proindè minimè transgressus est, igitur memorata Salvatoris Verba, sicut & omnia similia, diminutionem honoris B. Virginis nequaquam significant.

11. Sciendum itaq; est, Christum Dominum inter loquendum, consuetudinem habuisse utendi Verbis ad Severitatem compositis, non blandis, non mollibus: Loquebatur enim *Quasi Potestatem habens.* Marci 1. v. 22. Et ideo, quoties publicè perorabat, etiam Matrem, *Mulierem* compellabat, ut manifestaret aliis, se humanis non duci Respectibus, sed Matris quoq; Supremum Dominum & Deum esse. Nec sine

fraude.



fraude, memoratâ instituitur obtrusio. Quamvis enim vox hæc, *Mulier*, Idiomate Germanico, *Weib*, paulò duriùs sonet, nequaquam tamen in Hebraico, aut Syriaco: (quo usus est Dominus) cùm Linguâ hac, Fæmina etiam honoratissima, *Mulier* nuncupetur. Adeoq; Christus & Magdalenam, quam toties mirè dilaudaverat, benignissimè post Resurrectionem suam affatus, *Mulierem* vocavit: *Mulier quid ploras?* *Joan: 20. v. 15.* Perlibenter alias S. Augustini expositionem, præsertim ubi subobscurè differit, aut prima saltem fronte, opinioni suæ ad speciem favere videtur, licèt immeritò jactitant Adversarii: Igitur & hîc acceptate Augustinum: sic enim præfatum Scripturæ Locum explicat: *Mulierem vocat Christus, ut declaret, Virginem esse illamulierem, de qua olim Pater æternus ad serpentem, Inimicitias ponam inter te & Mulierem.*

12. Unde patet, dictum illud: *Quid mihi & tibi est Mulier? nondùm venit hora mea. Joan: 2. v. 4.* nullatenus reprehensionem quandam contemptivam Matris denotare: Nam si B. Virginis Postulatum reprehensibile fuisset, Dominus profectò eidem non satisfacisset: ast satisfecit, immediatè post aquam in Vinum convertendo; Verùm admonitionem duntaxat salutarem & cautelam, nec propter Matrem sed adstantes, eosq; qui audituri erant, institutam. Præfatis enim Verbis cunctos docere voluerat, se non solum Mariæ sed & Dei Filium esse, nec in operibus ejusmodi; quæ agebat ut Salvator Mundi, qualia erant e. c. patrare Miracula & Prodigia,

Prodigia, congregare Discipulos, prædicare &c: se ab arbitrio & voluntate Matris pendere, aut talia ob respectum merè humanum facere. *Quid mihi & tibi est Mulier? nondum venit hora mea: Quasi dicat: In his, ut Prodigia faciam, vel quandò faciam, nihil mihi tecum, aut à te, quoad virtutem & Potestatem; nec tuò subjectus sum arbitrio: Talia siquidem non tanquàm Filius hominis, nec intuitu consanguinitatis, sed ut Filius Dei facio. Et hoc sensu intelligendi sunt loqui, Athanasius, Augustinus, Gregorius Nissenus, objurgationem hic aliquam, scilicet improprie talem, & merè propter eos, qui adstabant, factam suspicientes.*

13. Simile quid habetur Mat: 12. v: 47: 48. *Cùm Christum perorantem nonnulli interpellarent dicentes: Ecce Mater tua, & Fratres tui foris stant, quærentes te. Respondit Dominus: Quæ est Mater mea, & qui sunt Fratres mei? mox subiunxit: Quicumq; fecerit Voluntatem Patris mei qui in Cælis est, ipse meus Frater, & Soror, & Mater est. Ac si diceret: Vos Matrem, Consanguineos, & humanam Originem exprobratis mihi, exinde falsò inferentes, me Dei filium non esse. Vos de me præcisè secundum Carnem, non autem Spiritum judicatis: ex operibus Patrem potius meum, qui in Cælis est, agnoscite, ejusq; voluntatem, quam vobis prædico, implete. Non carnalem amicitiam aut cognationem, dum Evangelium prædico, quæro, sed Spiritualem, quæ in hoc consistit, ut voluntatem Patris mei facia-*



faciatis. Veram esse Matrem meam, aut Fratrem, ultra vos est, nec pendet à vestro arbitrio. In sensu nihilominus improprio, Fratrem, Sororem, Matrem agere potestis, si voluntatem Patris mei qui in Cælis est, faciatis. Et de hoc solliciti sitis, hoc, ut consequamini, toto conatu inquirete.

14. Eadem significatione visus est, etiam sibi ipsi Potestatem (qua revera præditus erat) negasse, Mat: 20. v. 23. ad Discipulos inquiring: *Sedere ad dexteram meam vel sinistram, non est meum dare vobis, sed quibus paratum est à Patre meo.* Et Luc: 2. v. 49. Dolenti sciscitantiq; Matri, Fili, *quid fecisti nobis sic? dolentes quærebatimus te, reposuit: Quid est, quod me quærebatis? nesciebatis, quia in his, quæ Patris mei sunt, oportet me esse?* Id est: Ne miremini, si vestra facultate minimè requisita, mansi Hierosolymis, Opus enim Patris mei ad salutem humani Generis pertinens, exequi debui: in quo humanum non specto Imperium aut obsequium. Sicut autem hæc non propter Matrem (cui Mysteria ejusmodi aliunde bene perspecta fuerant: *Mater ejus conservabat omnia Verba hæc in Corde suo Luc: 2.*) verum propter eos, qui aderant; ita & illa Ioan: 2. *Quid mihi & tibi est Mulier?* dicta sunt. Quemadmodum & illud Ioan: 11. v. 41. *Pater, gratias ago tibi, quia audisti me; ego autem sciebam, quia semper me audis; sed propter Populum, qui circumstat, dixi, ut credant, quia tu me misisti:* ideo protulerat, ut homines circumstantes crederent, se non tantum Hominis, sed & Dei Filium esse.

15. 2do. Stupens in sua quasi Evangelica Harmonia Calvinus objicit, dicens: *Mirus Patūs stupor, quòd in Mariæ honorem cantillent hæc Verba, Beatus venter qui te portavit. Luc. ii. v. 27. quibūs tamen disertè refellitur eorum Superstitio. In agendis enim gratiis, Muliercula Vocem decerpunt, ommissa correctione, videlicet, Quinimo Beati, qui audiunt Verbum Dei, & custodiunt illud. Sed Correctionem hanc, Inclytæ Dei Matri multum gloriosam esse Num: 7. ostendimus. Ad fastum verò Calvinī retundendum, sufficit S. Justinus, antiquissimus Ecclesiæ circa An: Christi 130. Doctor, qui Quæst. 136. ad Orthod: præfata Domini Verba, eodem modo, prout superius declaravimus, explanat: Non ita locutus est Dominus, quasi Matrem privaret honore debito, sed ostendit, qua Maternitate beatior dici debeat Virgo. Nam Dei Sermonem audire & exequi Virtus est, animæq; pura, quæ tota ad Deum Spectet. Et quia non quamcunq; feminam elegit Deus, sed omnium Fæminarum virtutibus excellentissimam, propterea Christus volebat, ob hanc Virtutem prædicari Matrem suam, per quam virtutem illa affecta est, ut Virgo Mater fieret.*

16. Sunt & alii, qui de memorata paulò aliter differunt Sententia: Nimirum sic: Mulier hæc Christum quidem propter Sanctitatem & Sapientiam, plurimum æstimaverat, purum nihilominus hominem, ac proinde naturali & consuetò aliis Matribus generationis modò, à Maria progenitum fuisse, arbitrabatur. Cum itaq; diceret: *Beatus venter qui te portavit,*



tavit, Nomine Beatitudinis, solatium & felicitatem merè temporalem, quam Parentes è Filiis habere solent honoratis, intellexerat: Ideoq; Christus, quin imo beatos, qui audiunt Verbum Dei & custodiunt illud, meritò pronuntiavit.

17. 3tio, Varios Scripturæ Textus conflant ineptissimè. Exem: causâ; *Soli Deo honor & Gloria* 1. ad Tim: 1. &c. Sed quis adeo hebes, ut prima statim fronte non intelligat, ejusmodi Sententiis, Honorem Divinum, id est propter Summam Excellentiam, & tanquam Supremo rerum Domino, primoq; Principio & Fini ultimo, soli Deo tribui? Quòd autem, hoc minimè obstante, etiam hominibus cultus aliquis Religiosus, id est propter supernaturalia Dei Dona, quamvis longè inferior concedi possit, nemo prudens dubitaverit: cùm & idem Paulus qui scribit 1. ad Tim: 1. *Soli Deo honor & gloria*, dicat ad Rom: 2. *Gloria & honor omni operanti bonum.* Advertendum tamen hic est, memoratam Objectandi methodum non esse omnibus Adversariis communem. Sunt, qui fraudulenter profitentur, se honorare Virginem Mariam, tametsi re vera honorent minimè. Nos colimus, nos veneramur Eam (exclamant) eatenus, quatenus credimus, Dei Matrem esse. Respondeo, qui id non credit, is nec credit Christum Deum esse, consequenter non est Christianus. Verùm non sufficit credere. Si Credis, quòd sit Dei Mater, igitur ut Matrē Dei glorifica. *Servus enim Sciens, & non faciens vapula-*  
bit

*bit multis: Luc: 12. v. 47. Quodsi credens Christum Deum esse, eundem præterea non coleres ut Deum, nonne verificaretur illud: Cum cognovissent Deum, non sicut Deum glorificaverunt, sed evanuerunt in cogitationibus suis, & obscuratum est insipiens cor eorum ad Rom: 1. v. 21. Proportionatè de B. Virgine Dei Genitrice discurrendum. Quid fieret illi, qui diceret, Ego Principem hunc agnosco Regem meum esse, alium tamen præterea honorem nequaquam eidem exhibebo: Satis, quòd talem profitear? Quid non fiet iis qui in Religione Christiana B. Virginem profitentur Deiparam, cultû nihilominus Religiosô prosequi reluctantur?*

## §. 2.

## DE INVOCATIONE B. V. MARIÆ.

18: Misericordissimam Dei Genitricem piè ac fructuosè invocari, ut oret pro nobis Deum & Christum Filium Suum, atq; per Eam efficaciter impetrari posse, quod petitur, manifestè ex Evangelio Ioan: 2. v. 4. &c: Ubi Dominus ad interpositionem ejus, aquam in vinum converterat, colligimus. Licet autem visus sit ab initio tergiversari, dicens: *Quid mihi & tibi est Mulier? nondum venit hora mea:* eo, quòd B. Virgo, Rem difficillimam, Anticipationem videlicet manifestationis & publicæ Miraculorum patrætionis desiderasset, id tamen, nullatenus repulsam denotat. Hîs siquidem auditis, immediatè post, conversa ad Ministròs



nistros Mater (quasi infallibiliter sciret preces suas exaudiendas) v. 5. iunxit: *Quodcumq; dixerit vobis, facite. Et dicit Iesus: Implete Hydrias aquâ &c.* Si itaq; Christi Mater, in hac mortali vita, tam facile etiam difficillima impetrare à Filio, ac proinde tam utiliter invocari poterat; multò magis in Cælesti Gloria constituta. Proinde S: Bernardinus Senensis Tom: 3. Sermon 9. Art: 3. *Virgo Mater se cunctorum hominum Matrem pietatis agnoscens, sollicita pro Filiis, ad Dei Filium intercessit, dicens: Vinum non habent. Si hoc Viatrix existens, quid cum regnat in Patria? Si hoc apud Filium temporali Morti subiectum, quid cum mortem superavit?*

19. Et, si Angelus Domini oravit pro Populo: *Domine Exercituum, usquequo non misereberis Ierusalem? Zach: 1. v. 12. Et Tobia 12. v. 12. Ego obtuli Orationem tuam Domino, inquit Angelus Raphaël. Si Intercessionem Angeli ad Deum, desideravit Job, inquit c. 33. Si fuerit Angelus loquens pro eo, unus de millibus, miserebitur ei, & dicet, libera eum.* Quomodo id ipsum non potiori Jure, huic Sanctissimæ tribuendum Matri, quam vel ipse humili Salutatione veneratus est Angelus? *Ave Gratiâ plenâ, Dominus tecum.* Si Jacob moriens & Filiis suis benedicens, Invocationem sui & Patrum Suorum svaserat dicens: *Invocetur super pucros istos Nomen meum, Nomina quoq; Patrum meorum Abraham & Isaac, ut crescant in multitudinem Gen: 48. v. 16.* Si Petrus Apostolus pollicitus est, se post Obitum suum, curam Fidelium habiturum: *Dabo au-*

*tem operam & frequenter habere vos post obitum meum, ut horum memoriam faciatis. 2. Petri 1. v. 15. Qua fronte id B. Virgini negabitur? si 2. Machabæorum c. ultimo, Judas in Visione quadam Oniam Pontificem, & Hieremiam Prophetam, qui jam obierant, orantes pro Populo viderat. Si Joannes Apoc: 5. vidit Seniores 24. in Cælo procidisse coram Throno Dei, Habentes phialas plenas odoramentorum, quæ sunt Orationes Sanctorum: quis adeo excæcatus, ut non advertat, idem quoque à Beatissima Dei Genitrice, nobis præstari posse? Et ad has duas Scripturæ Instantias, quid respondeant, non habent Adversarii, nisi illud consuetum, Libros Machabæorum & Apocalypsim non esse Canonicos. Quamvis autem figmentum hoc unice ad eludenda Catholicorum Argumenta inventum, abunde jam in Libris nostris convultum sit, interim tamen sufficiat, præfatos Codices, Fide dignissimos, & disertos, quisnam antiquitus de Sanctorum Invocatione, Fideles inter sensus fuerit? Interpretes esse; ac consequenter, suppositis tot aliis manifestis Scripturæ Locis, haud perfunctorie Veritatem nostram confirmare.*

20. Tandem si homines adhuc mortales, orare pro aliis Deum & exorare valent, cur non illa Benedicta inter omnes? Et, si invocando Mortales (ut toties Paulus ipse fecerat: ut Deus ipse Job: 42. v. 8. hortatur, *Ite ad Servum meum Job, ipse orabit pro vobis, faciem ejus aspiciam, ut non imputetur vobis stultitia*) nulla Mediationi



diationi Christi fit injuria, nec aliis contravenitur Scripturæ locis; multò minùs per Invocationem Sanctorum in Cælesti Gloria existentium. Cùm & illi sint membra ejusdem Ecclesiæ, & una Christi Intercessione nitantur: quidquid enim nobis p̄tunt, á Deo per Christũ petunt. Quod autem Sanctis concedi debet, id potiori Jure illi, quæ Christi, adeoq̃ omnis Christiænæ Sanctitatis Mater est, tribuendũ. Et ad hæc, nihil prorsus, quod vel minimam veri speciẽ præferat, respondere valent Prædicâtes

21. Illud quoq̃ animadversione dignum existimo, quòd Christus Dominus Miracula & Sanitates crebrò fuerit operátus die Sabbato, ut videre est Mat: 12. in homine habente manum aridam: & Luc: 13. ac 14. in Muliere inclinata, & hydropico; & Ioan: 5. in languido 38. Annorum: & Ioan: 9. in Cæco nato &c: Licèt autem id variis ex rationibùs fecerit, e.c. ut se Sabbati Dominũ esse, posseq̃ diebus Festis, aliis benefacere, declararet; tamen etiã hæc locũ hábet; quia videlicet prævidebat, Sabbatum ab Ecclesia, quæ Spiritu S. regitur, perpetuo cultu B. Virgini fore addicendum, hac ratione volebat Dominus præsignare, se ad invocationem & intercessionem Genitricis suæ, multa Miracula & Beneficia concessurum hominibus. Et sanè hoc quoq̃ significatum videtur in Fluvio illo Palestinæ, qui Sabbaticus est dictus, quòd die tantũ Sabbati fluat. De quo Josephus lib: 7, de Bello Judaico c. 24. Flumen hoc ipse Vespasianus admiratus est. Nec Christianus ar-

bitrari potest, mirabile istud post Christi Ascensionem, in honorem Sabbati Judaici confirmandum, à Deo servatum fuisse.

22. Pariter considerabile est, quod toties Scriptura Christum, Filium hominis, id est Mariæ, appellet, quoties beneficentiam ac Misericordiam ejus specialiter exaggerat. Sic Act: 7. habetur. *Ecce video Celos apertos, & Filium hominis stantem à Dextris Dei.* Et ad Gal 4. *Misit Deus Filium suum factum ex Muliere.* Et Luc: 1. Elisabeth: *Benedictus fructus Ventris tui.* Et Marci 6: Communiter ab hominibus *Filius Mariæ* nuncupatur. Cur, quoties Misericors Dominus describitur, mentio fit Matris? Res hæc non sine Mysterio est. Quasi indicare voluisset Spiritus S. si Christum, experiri misericordem ac beneficum, cupitis, Mentionem & Invocationem Matris faciatis.

## OBTRUDUNT ADVERSARIII.

23. *imo.* Hujusmodi Scripturæ Textus: *Invoca me in die tribulationis*, inquit Dominus Psal: 49. v. 15. Sed re vera non ad rem. Sicut enim ex talibus non sequitur, Invocationem & Orationem hominum in hoc sæculo degentium, esse rejectam, ita à fortiori nec Sanctorum. Præsertim cum Jacob moriturus, id ipsum etiam sibi in altera vita non negaverit, dicens: *Invocetur Nomen meum super pueros istos, & Nomina Patrum meorum.* Memoratus itaq; Sacri Codicis locus, nihil aliud vult, quàm Deum solum, tanquam



tanquam omnis Boni Authorem, qui virtute propria potest & solet hominibus benefacere, invocandum esse. Quo non obstante poterunt etiam Sancti, præsertim illa Sanctorum omnium Regina, ut apud eundem Dominum Nostrum intercedat pro nobis, invocari: maximè, cum per id principaliter ac specialissimè ( ut mox luculentius declarabimus ) ipse invocetur Salvator.

24. 2do. Ordinarium illud adversus Invocationem Sanctorum in communi: quo Lutherus nimis patrocinator Epicuro, somnum quendam Animabus corpore solutis iniquissimè appingebat, omneq; Ecclesiæ militantis cum Triumphante Commercio pernegans, illum Symboli Apostolici Articulum, *Credo Communionem Sanctorum*, clandestinè opprimebat. Nimirum, Sanctos in Cælo, adeoque & B. Virginè, nostras in terris ignorare necessitates. Verum quis prudenter inficiabitur, Deum, qui toties in Scriptura Res absconditas remotissimasq; Prophetis suis manifestaverat, easdem Sanctis revelare posse? & defacto revelare; sicut facit Angelis in Cælo existentibus, juxta illud Luc: 15. *Gaudium erit in Cælo super uno Peccatore penitentiam agente.* Porro Animæ Sanctæ sunt sicut Angeli Dei. Mat: 22. v. 30.

25. Dicitur quidem Isai 63. de Israhælitis gravissimè contra Deum delinquentibus: *Abraham & Isaac nesciunt vos*, sed hoc sensu, quo Christus ipse dicturus est Reprobis, *Nescio vos* Mat: 25. v. 12. Id est, non agnosco, non reputo vos

pro meis. Per quod carentia non notitiæ sed affectûs denotatur. Deinde protunc Abraham & Isaac nondum in Gloria fuerant Cælesti, sed in Lymbo Patrum. Addo: Beatissimæ Virgini Mariæ, adhuc in Mundi hujus miseria constitutæ, altissimum Incarnationis Verbi Mysterium, non solum Angelus nomine Dei annuntiaverat, sed & percontanti, *Quomodo fiet istud?* disertè explicuit abscondita. *Quomodo* igitur existenti in Gloria, preces Nostræ non poterunt innotescere? Et si innotescunt, quomodo non interpellabit pro nobis? Nisi fortè maternæ quis detrahere velit bonitati, & Virgini huic plus tribuere charitatis in terrenis Nuptiis (Joan: 2.) quàm in Cælestibus.

26. 3tio. Mandatum aliquod colendi & invocandi Christi Matrem, expressum in Scriptura, prætendunt Adversarii. Verùm Respondeo 1. Sano, ut cibum sumat, non esse opus Præcepto, secus Infirmo. Ita pariter mens sana non eget Mandato ad id, quod honestum sibiq; perutile apparet. 2. Satis quoq; Mandati in illo Universalis Decalogi Præcepto, *Honora Patrem & Matrem*, suspicimus. Si enim colenda Mater propter vitam, quam contulit corporalem, multo magis Maria propter Spiritualem. 3. Toti in hoc intenti Evangelistæ & Apostoli suo tempore fuerant, ut homines ante omnia, ad Fidem in Christum & agnitionem Redemptoris, scriptis & dictis pertraherent. Qua supposita, censebant supervacaneum

neum esse, calamô inculcare Christianis, ut Christi Matrem (quam Elisabeth, quam ipse Angelus tanta Veneratione prosequitur in Scriptura) colerent, aut ad Intercessionem ejus, in necessitatibus suis, fiducialiter confugerent: cum id Lumen rectæ Rationis, absq̃ aliis monitis, abunde persvadeat.

27. Multa tamen de Virgine hac, & quidem non vulgaria, dum Vitæ Christi Mysteria referunt, suis Monumentis tradiderunt Evangelistæ. Salutationem videlicet ab Angelo, & colloquium ejus cum eadem, Elogia magnifica à Gabriele & Elisabeth, Spiritu S. dictante, prolata: Canticum illud *Magnificat*, mysteriis refertissimum, ab eadem Virgine pronuntiatum, ejusq̃ partum Virgineum, & jugem Christi Sequelam, non tantum in infantia, ac deinde ad Annum usq̃ trigesimum; sed etiam dum apud Judæos concionaretur, & tandem usq̃ ad Crucem: juxta quam, Animô stetit fortissimô, &c: Et pleraq̃ alia, ex quibus insignes Virtutes ejus, donaq̃ præclarissima Divinitus sibi collata facilè colliguntur. Sed cæteris prætermisiss, quòd sit Mater Jesu, unum est, in quo, veluti in radice & Virtute continetur, quidquid tantæ Matris Dignitatem consequitur & ratiocinando infertur à Theologis.

28. Ex dictis hætenus patet, quàm iniquò ab Adversariis odiò habeatur Salutationis Angelicæ Recitatio: nec ab alio Spiritu malevolentiam hanc instillari hominibus, nisi tum



Diaboli resistentis Angelo Gabrieli, tum Nestorii Hæretici, Veritati Catholicæ refragantis. Prima siquidem Pars, *Ave Maria Gratiâ plena Dominus tecum, benedicta tu in Mulieribus, & benedictus Fructus Ventris tui JESUS*, habetur in Evangelio, dicta ab Angelo & Elisabeth. Altera verò videlicet: *Sancta Maria Mater Dei, ora pro nobis peccatoribus, nunc & in hora mortis nostræ Amen*, ab Antiquissima Ecclesia est adjecta. Et quàmvis longè ante Concilium Ephesinum, Anno Christi 431. habitum, in usu fuerit; ab illo tamen potissimum tempore, quo Nestorius, Christi ejusq; Matris hostis (qui Virginē Mariam Dei Genitricem vocare renuebat) in præfato Concilio damnatus est, omnibus linguâ & cordibus celebrari cæpit; ita ut ubiq; per Orbem terrarum, in Scholis & Ecclesiis, in Oppidis & Civitatibus, in Compitis & plateis resonaret: *Sancta Maria Mater Dei, ora pro nobis peccatoribus*. Quamquam non tantopere mirandum, quòd Sectarii Salutationem averferentur Angelicam, cum notum sibi sit, etiam Albigenses circa Annum 1212. institutâ Deiparæ jussu, per S. Dominicum orandi formulâ, *Rosariò* videlicet, profligatos fuisse.

29. Pari levitate Litanias B. Virginis Lauretanas aspernantur; cum tamen vocabula ibidem Virgini Matri, sano sensu tribui solita, in antiquissimis Christianitatis Doctoribus reperiantur. Exempli causâ: S. Ephræm de Deipara (circa Annum 370.) sic affatur eandem: *Ave lignum vitæ, gaudium, & voluptas: Ave Paradise*

*dise deliciarum, totiusq; amenitatis & immortalitatis.*  
 S. Augustinus Serm: 17. de Natali Dom: (circa  
 Annum 390.) vocat *Aulam Dei Virginalem.* S.  
 Chrysostomus Orat: de Annunt: (circa An: 380.)  
*Civitatem Dei*, inquit in Persona Dei ad An-  
 gelum: *vade ad animatam Civitatem, id est Virgi-*  
*nem Sanctissimam, de qua Propheta: Gloriosa dicta*  
*sunt de te Civitas Dei.* S. Bonaventura in Spe-  
 cul: c. 8. *Cæli portam: Non est hic aliud, nisi Domus*  
*Dei & Porta Cæli.* Georg. Nicomed: Orat: de  
 Oblati. Deiparæ, illud Jsaïæ 29. ad illam refert:  
*Indicavit eam Liber obsignatus, quem nullus legit, præ-*  
*ter eum, qui obsignavit &c: &c:*



## DEFENSIO SECUNDA

### B. VIRGINIS Mariæ

*In qua Cultus & Invocatio ejus, Rationibûs Theologicis,  
 Sacrà Scripturâ, antiquissimæ Christianitatis Sensu,  
 & lumine rectæ rationis nixis, evincitur.*

#### §. I.

*Specialiter colenda & invocanda est B. V. Maria,  
 quia est Dei Genitrix, Mater Christi.*

30. Sanctissimam Virginem verè & pro-  
 priè Deiparam esse, quatenus Salvatorem no-  
 strum Deum verum Mundo peperit, veritas est  
 Catholica, in Concilio Ephesino & Chalcedo-  
 nensi, Contra Nestorianam impietatem defi-  
 nita: juxta illud Elisabeth Luc: 1. *Unde hoc mihi,*  
*ut Mater Domini mei veniat ad me? Et Angeli,*

*Quod nascetur ex te Sanctum, vocabitur Filius Dei.*  
Et Apostoli ad Gal; 4. *Misit Deus Filium suum*  
*factum ex Muliere.*

31. Hinc autem sequi, Pretiosissimam Matrem, speciali Cultu & Veneratione prosequendam esse, testantur Angelus & Elisabeth, hac de Causa *Beatam, Benedictam inter Mulieres*, collaudantes. Quapropter Evangelista Matthæus C. i. Genealogiam Christi describens, volensq; cunctas Mariæ Laudes quasi in Synopsim compingere, illud exaravit, unde facile, gloriosa quæquæ de hac Virgine inferre valeamus, inquit: *De qua natus est Iesus, qui vocatur Christus.* Antiquus Ecclesiæ Doctor S. Ephræm (qui circa Annum Christi 370.) Sermonem de Laudibus Sanctissimæ Dei Genitricis Virginis Mariæ, postquam eam vocasset, *Gloriam Prophetarum, Praconium Apostolorum, Honorem Martyrum, Coronam Virginum, Letitiam Sanctorum omnium*, appellat quoq; *Splendorem Moysis.* Quare? Sicut enim Moyses Splendorem in vultu suo, ex diuturno cum Deo Colloquio conceperat; ita Virgo Mater, non solum ex continua cum Filio Dei Sermocinatione (*conservabat omnia Verba in Corde suo Luc. 2.*) verum ex proxima conjunctione cum eodem, in Utero, in gremio, in Templo, in crucis patibulo, in Sepulchro, grandem, cunctisq; laudibus nunquam satis explicabilem Splendorem participaverat. Ut proinde S. Epiphanius (post tertium Christi sæculum) Serm: de laudibus Mariæ, tenuitatem suam merito incusaverit dicens: *Miser ego sum,*  
*quæ*



qui effulgentes Splendores Deiparae, & admirandum Propitiatorium, verbis consequi tentavi. O infelicem Conditionem eorum! qui licet Biblia, in quibus Verbum Dei Scriptum continetur, veneratione & colant, Librum tamen Vitae, Librum Generationis Iesu Christi, unde Verbum Dei vivum & Incarnatum prodit, colere reluctantur.

32. Sed unà cum Cultu, etiam Invocationem ex proposita Veritate eruamus. Si juxta sanæ rationis Legem, Matrem, quæ nos genuit, & enutrivit, seu ad vitam perduxit temporalem, honorare (ut supra vidimus) obligamur, quidnâ Matrem illam, quæ in Christo vitam nobis peperit æternam? Rectè hic Origenes in Joannem: *Omnis verè Christianus Filius est Mariae*. Jam, si ipsius Naturæ instinctu compelluntur parvuli, ut urgente necessitate, nutrimentum & panem perquirant apud Matrem, & ingruente Patris irâ, refugium sumant ad Eandem, quis non fatebitur, Rationis naturalis, supernaturali lumine illustratæ esse, in necessitatibus nostris ad Matrem hanc suavissimam, ejusq; Patrocinium recurrere?

33. Si Fæderis Arcam, qua Manna, Legis tabulæ, & Virga Aaronis servabantur, Deus ipse in tanta veneratione esse voluit, ut eam Ex 25. v. 11. 20. Aurô mundissimâ, & Cherubinorum Alis operiendam statuerit; quanto in honore non habenda *Arcâ illa Spiritu S. deaurata* (ut B. Virgo in hymno Græco apud Buileonem nuncupatur) quæ Panem de Cælo vivum,

vum, ipsummet Legislatorem & Summum Sacerdotem Visceribus suis complexa est? Et si super inaninatam veteris Testamenti Arcam, locandum erat Propitiatorium, Exo: 26. v. 34. Multò magis, per Interpositionem hujus Novæ, quærenda apud Deum & Christum est Propitiatio. Ut proinde S. Methodius Martyr Orat: in Hypapant: Deiparam, *Arcam vivam & animatam, ac velut Propitiatorium in terris.* S. quoq; Epiphanius superiùs citatus, *Admirandum Propitiatorium*, merito appellaverint. Si benedixit Dominus Obededom propter Arcam 2. Reg: 6. v. 12. Quomodo non benedicet nobis propter Mariam?

34. Si Iratus est Dominus & percussit Ozam super temeritate, eò, quòd Manum ad Arcam extenderit 2. R. 6. v. 7. Quomodo non indignabitur illis, qui manum & calamum extendunt contra eam, quam Epiphanius Orat: in laudibus Deiparæ, vocat *Arcam Gloriæ Spiritualis*, Beatissimam Virginem Mariam? Si Philisthæos inter, *Confusio mortis magnæ facta est* 1. R. 5. v. 5. eò quòd Arcam Domini Idolo suo Dagon cœquassent; Quid non fiet illis, qui Matrem Dei suis Uxoribus comparant, ejusq; Invocationem, Idololatriam calumniantur? Si superbissima illa Michol sterilitate percussa est, 2. R. 6. v. 16. eò, quòd despexisset Davidem, ante Arcam processionaliter exultantem; quomodo plectendi sunt illi, qui Honorem *Arcæ Sanctæ & indissolubili* (sic B. Virginem Sermone 6. de Ascen: compellat Chrysostomus) exhibitum, irrident sacrilegè, & de-

& despiciunt? Considerent homines ejusmodi, per Animæ Salutem obsecro! quæ dico: Si Deus terram, in qua Moyſi apparuit, venerandam eſſe præceperat: *Solve calceamentum de pedibus tuis, locus enim, in quo ſtas, terra Sancta eſt, Exo: 3. v. 5.* Si vel Scabellum Pedum ſuorum coli debet. *Pſal: 98. v. 5.* Quod ens ratione præditum, ampliùs deſiderabit Mandatum colendi Virginem, in cujus Utero & Gremio Dei Filius Sedem ſuam fixerat?

35. Poſtquam Animosa illa Judith Holofernem Capite minuiſſet, benedixerunt eam omnes unanimi conſenſu: *Tu Gloria Jeruſalem, tu letitia Iſràel, tu Honorificentia populi noſtri; quia feciſti viriliter, & confortatum eſt cor tuum, ed quòd Caſtita-tem amaveris. Judith: 15. v. 11.* Poſtquam Virgo Maria, Grandem illum Mortis & Inferni Debel- latorem Chriſtum JESUM, Mundo enixa, & hoc ipſo in Veſtigio, caput antiqui contrivit ſerpentis, adhuc inter Chriſtianos, reperiuntur homines, qui Eam laudibus efferre deſtantur, & ſimilia in honorem ejus concinnata Encomia, Cultum Idololatricum impiiffimè proſcindunt! Quia Debora (Judic: 5.) Populum ſuum ab hoſte liberaverat, dicta eſt *Mater in Iſràel.* Maria Salutem toti Mundo peperit, non tamen ut Mater ab ingratiſſimis filiis honoratur! Quoniam Eſther *Invenit Gratiam in conſpectu Regis Aſſveri c. 2. v. 9.* ideo, & intercedere pro Populo, & Salutem eidem impetrare valebat. Licet autem ipſe teſtetur Angelus de Maria: *Inveniſti Gratiam apud Deum Luc. 1.*



v. 30. Talis nihilominus reperitur Populus, qui Eam nec intercedere pro Nobis apud Deum, nec impetrare, quæ petimus, posse, injuriosè arbitratur! Attendite! auscultate! quomodo Athanasius circa Annum Christi 325. Sermone de Deipara disserat: *Ex eo, quia ex te prodiit Rex, Dominus ac Deus noster, hac de causa factum est, ut omni gratiâ abundares.*

36. Infero igitur & concludo: si ex eo, quòd Virgo Maria sit Dei Genitrix, sequitur, Eam omni abundare gratiâ: Ergo habet & Gratiam, necessitates, precesq; nostras cognoscendi, & Gratiam Intercedendi pro nobis, & Gratiam impetrandi à Deo, quæ nobis sunt necessaria.

## OBTRUDUNT ADVERSARIJ.

37. Et quidem haustum ab impiissimo illo Venefico Constantino Copronymo Toxicum propinantes, videlicet: Mariam tamdiu honorandam fuisse, quamdiu Christum gerebat in Utero, posthac verò factam aliis Mulieribus æqualem. Deum bonum! Quantæ ineptiæ! Ergone Mater Regis tunc solum honorari digna, dum Prolē Regiam portat in utero? postquā verò peperit, minimè? Si Augustissima Virgo Mater singulari digna fuerat Veneratione propter Christū nondum natum; multò magis propter Christum Mundo genitum. Sed & quanta mendacia! quanta Sacris Literis Recalcitratio! Numquid non Angelis ipse Salutatione reveren-

reverentissima, priusquam Dei Verbum in Virginis uterum descenderet, eandem profecutus? Numquid non Virgo ipsa Spiritu S. plena, de Posteris suis prædixerat: *Ecce enim ex hoc Beata me dicent omnes Generationes?* Luc: i. v. 48.

§. 2.

*Specialiter colenda & invocanda est B. V. Maria, quia per hoc Christus Jesus summopere glorificatur.*

38. Philosophorum Axioma est, *Propter quod unumquodq; tale, & ipsum magis.* Id est: propter quem veluti Finem aliquid intendimus aut appetimus, illum ipsum vel ideo magis intendimus appetimusq;. Quoniam itaq; B. Virginem principaliter colimus propter Christum, colimus enim quia est Mater ejus, Hinc manifestè deducitur, Nos per Virginis Laudes, Christum ipsum magis & principaliter colere. Item: quia invocamus eandem, ut Christum oret, ut per Christi merita Nobis impetret, quæ poscimus, apertè sequitur, quod invocando B. Virginem vel maximè Christum ipsum invocemus.

39. Si Salvator sic de suis loquitur Discipulis: *Qui vos spernit, me spernit. Luc: 10. v. 16. Qui Vos recipit, me recipit Mat: 10. v. 40.* Et per Consequens: *Qui vos honorat, me honorat.* Quis ambigat, idem potiori Jure de Sanctissima ejus censendum esse Genitrice? Qui spernit Matrem meam, me spernit; & è converso, qui honorat Matrem, me honorat. Si æternæ Veritatis Effatum est, *Quod uni ex Fratribus meis*

*meis minimis fecistis, mihi fecistis* Mat: 25. v. 40. Igitur à fortiori verum est: Quod Matri meæ in honorem facitis, mihi facitis. *Magnificat Anima mea Dominum* exclamat Virgo Beatissima Luc: 1. Sed quomodo illa Deū, quomodo Christū Filium Suū magnificavit? Honor Matris magnificat Filium. Hinc S. Thomas Aquinas p. 3. q. 28. Art. 3. ad 6. *In Evangelio non consuevit nominari Maria, nisi quod sit Mater Jesu.* En! nominando, laudando, invocando Mariam, nominamus, laudamus, invocamus Jesum. Merito proinde piissimus ille Cardinalis, Gofridus Serm: 8. omnes adhortatur: *Nihil in hujus Virginis laudibus hesitemus: honorat siquidem Filium, qui laudat Matrem.* Et S. Bernardus Hom: 4. super Missus est: *Non est dubium, quidquid in laudibus Matris proferimus, ad Filium pertinere.* Et iterum Serm: de aquæ ductu: *Totis præcordiorum affectibus Mariam veneremur, quia sic est Voluntas ejus, qui totum nos habere voluit per Mariam.*

40. Mat: 16. v. 13. Percontatur Salvator: *Quem dicunt homines esse Filium Hominis?* Respondit Petrus: *Tu es Christus Filius Dei vivi.* Non quærit Dominus, Quem dicunt me esse homines? sed Filium se hominis vocat, id est Mariæ. Mentionem facit Matris secundum Humanitatem, dum erat Filius Dei proclamandus: ut indicaret, quòd honori sibi ducat, honore dignam habere Matrem. Et ideo toties in Evangelio, ubi Potestatem, Dignitatemq; suam manifestaturus erat, se filium Hominis, id est Matris Mariæ vocitat; ut omnibus pateat, honorem



norem Matris, suum esse. Exem. Causâ, Marci 2. v. 10. *Ut autem sciatis, quia Filius Hominis habet Potestatem in terra dimittendi peccata, ait Paralytico: tibi dico, surge, tolle grabatum tuum, & vade in Domum tuam.* Et Joan: 5. v. 27. *Potestatem dedit Ei, Judicium facere, quia Filius hominis est.* Et Luc: 6. v. 5. *Filius hominis, Dominus est etiam Sabbati.* Si igitur Christus, quoties Authoritatem suam explicat, debitumq; sibi Honorem à Mortalibus exigit, Matris mentionem facit, Filium se hominis nuncupando; quis adhuc vel subdubitare poterit, quòd Mariæ Laudes, sint Christi, encomia? *Egredimini & videte Filia Sion Regem in Diademate* (exclamat Salomon Can: 3. v. 11.) *quo coronavit illum Mater sua, in die Desponsationis illius.* Hæc ordinariè illi, qui plùs quàm Salomon, Christo videlicet Salvatori, SS. Patres in Spiritu applicant. Sed quo, quæso, Diademate coronavit Filium Suum Maria? Laudes & honores, quas tribuimus Matri, corona sunt Filii. Hinc Ambrosius Lib: 1. de Virginibus: *Quid Nobilius Dei Matre? quid splendidius eâ, quam splendor elegit?*

41. Veritas nostra, ex recta Invocationis Sanctorum in communi, explicatione pateat luculentius. Quid, quæso, est, Invocare Sanctos? Non idem profecto est, ac dicere: Vos Sancti propria Authoritate, virtuteq; propria hoc vel illud præstare: vos date nobis Gratiam & Gloriam: Vos pro peccatis nostris satisfacite: Vos Meritis vestris Remissionem delictorum evincite &c: (sicut perversè & malevolè com-

commentantur Adversarii) cum plùs quàm satis perspectum sit Catholicis, nullam puram Creaturam, Opus aliquod supernaturale propriis naturæ viribus efficere, aut condignam pro peccatis nostris satisfactionem exhibere posse. Neq; est dicere: Vos Sancti orate pro nobis; nos interim otiabimur &c. (ut itidem nugantur Oppositi) Ast invocare, idem est, ac elevando in illam Supernorum Civium Ecclesiam, Mentem, convocare Sanctos, ut unà nobiscum, coram Divina Christi Salvatoris ad dextram Patris sedentis Majestate, suppliciter procidant, Eundemq; adorent, glorificent, ac deprecentur pro nobis. Et ideo Catholica Ecclesia cunctas Orationes suas etiam de Sanctis, ad Christum dirigere, sicq; concludere solet: *Per Dominum nostrum Jesum Christum Filium tuum* &c. Nonne hac orandi Methodo principaliter invocamus Christum; & juxta Psal. 150. *Laudamus Deum in Sanctis suis?* Nonne magis & à pluribus laudatur Salvator, cum Sanctorum preces exposcimus, quàm dum eas negligimus? Si itaq; B. Virginem colere, ejusq; implorare Patrocinium, idem est, ac Eandem unà cum reliquis Sanctis in laudem & Adorationem provocare; quis salvâ conscientia aut recta ratione, Cultum & Invocationem ejus reprobaverit?

## OBTRUDUNT ADVERSARII.

42. *Deum adorabis & illi soli Servies &c:* Verùm nemo Christianorum adeo rudis, ut nesciat

sciat Deum solum cultu Divino, id est, ob  
Excellentiam supremi Dominii, primi Principii & Finis ultimi, adorandum esse. Nec ullus unquam Catholicorum, id ipsum Virgini Matri præstare posse somniaverat. Sed honoratis Mariam veluti Deam, reponunt Novatores. Respondeo, id meram calumniam esse: cum nullus ex nobis, adeo sit stolidus, ut arbitretur B. Virginem, Excellentiam & Naturam habere Divinam. Colimus Matrem hanc veluti puram quidem Creaturam, ast excellenti Gratia Dei exornatam & Christi Genitricem. Seu colimus propter eximia Dei Dona supernaturalia; eidem ex Christi Meritis concessa; adeoque Cultu quidem Religioso, seu majori quam sit Civilis & Politicus, imo quam aliis Sanctis tribuatur, nequaquam tamen Divino.

43. Numquid non genuflexiones, aliaque opera externa, qualia Deo fieri solent, in Mariæ honorem facere contrevistis? Urgent zelosi ad Speciem Obtrectatores. Respondeo: Numquid & vos, non similes Reverentias, imo multo majores, quam ipsimet Deo, hominibus exhibetis peccatoribus? Deum colitis, ex porrecta fronte, & Galero Ori imposito, stantes in Ecclesia: Principes autem creatos, etiam flexo poplite, & provoluti ad plantas, veneramini. Quot vibrationes, quot propensiones, quot inclinationes, venerationis ergo, non exhibent vestri Pastores Dominis suis Collatoribus? aut Procus Sponsæ, aut debitor Creditori



tori suo? ideone istos, tanquam Deos adoratis? Respondetis, nequaquam: non enim actionibus hujusmodi Cultum Divinum sed Civilem exprimere intenditis. Bene est: pariter & Nos, tot Exhortationibûs Populi protestamur, nostræ Intentionis non esse, memoratîs, Cerimoniis Cultum quendam Divinum facere Virgini; nec etiam merè politicum, ( id enim esset ineptire ) sed medium, Religiosum videlicet, seu propter eximia Dei Dona. En, quantum ab interiori hominum intentione externa dependent Opera!

44. Cur igitur sacrificatis, Tempia & Altaria Virgini Mariæ dedicatis? Obstreperunt adhuc Adversarii. Respondeo, id pariter figmentum esse. Hanc etenim actionem externam, Divino scimus Cultui appropriatam esse. Sacrificium Missæ nemini offertur alteri à nobis, & quæ ad illud referuntur, Ecclesiæ, Altaria, nemini dedicantur, nisi soli Deo. Tametsi sub Nomine, & in memoriam ac honorem D. Virginis, aut alterius Sancti, eatenus, quatenus præterea Intercessio Ejus apud Deum exposcitur. Urgent: Numquid non petitis, *S. Maria fac nobis hoc, da nobis hoc, juva nos &c.* Verùm hæc & similia, sano à Catholicis accipiuntur sensu. Fac, da, juva, eo modo quo potes, orando videlicet Christum, implorando à Deo &c; Indubitatum siquidem nobis est, neminem Sanctorum, præter Christum, propriâ potentiâ aut Potestate, Dona conferre posse supernaturalia. Et hic loquendi modus,

dus, quòd nimirum locò vocis, *intercedere*,  
*impetrare*, interdum abhabeatur, *facere*, etiam  
 dum preces Mortalium expetuntur, jam usu  
 receptus est inter homines. Tametsi commu-  
 niùs Ecclesia, quoties B. Virginem, aut alium  
 Sanctum invocat, hoc utatur vocabulò: *Ora*  
*pro nobis*; quoties Christum: *Miserere, dona no-*  
*bis gratiam &c.*

45. Verbò, quod olim S. Augustinus  
 in psal: 96. scribens, Ethnicis, similia primis  
 Christianis, ex ignorantia objicientibus repo-  
 suerat, idem Novatoribus ex malitia obtru-  
 dentibus Respondeo: *Utinam & vos, illos (Sanctos*  
*nostros) colere velletis: facile enim disceretur, nos non*  
*colere ut Deos, sed ut Sanctos.*

### §. 3.

*Specialiter colenda & invocanda est B. V. Maria,*  
*quia Nemo plus obsequii Christo Salvatore nostro*  
*exhibuit; nemo plus adversitatis cum eodem sustinuit,*  
*Quàm Maria.*

46. Hæc est utiq; piissima Mater, quæ  
 Salvatorem, Redemptorem, Legislatorem no-  
 strum Christum Jesum, 9. mensibûs sub Cor-  
 de suo gestavit. Hæc eum genuit, & detra-  
 ctò sibi linteolò, fasciis involvit, Uberibûs  
 lactavit, gremiò fovit, manibûsq; ne offende-  
 ret ad lapidem pedem suum, sustentavit.  
 Hæc de pauperula penu sua, par Turturum,  
 ut juxta Legis consuetudinem, dulcissimum  
 redimeret Infantem, deprompserat. Hæc la-  
 bore manuum suarum Eundem enutrivit, &

Domi suæ ad trigessimum usq̃ ætatis Annum, donec tempus Prædicationis Evangelicæ elucesceret, educavit. Hæc & Cibum providebat, & coquebat ipsa: panem porrigebat eturienti, & potum sitienti, vestemq̃ Salvatori inconfutilem manibûs suis contexuit. Hæc Svavissima Mater etiam sub tempus Prædicationis Evangelicæ, Christi Filii sui curam, supeditando pro modulo suo necessaria, non reliquerat: ut colligitur ex Joan: c. 2. v. 12. *Descendit Capharnaum ipse & Mater ejus.* Et Mat: 12. v. 46. *Eo loquente ad Turbas, ecce Mater ejus & Fratres stabant foris, quærentes loqui ei.* Idem legimus Marci 3. v. 31. & Luc 8. v. 20.

47. Hæc Mater amabilis ne quidem Passionis tempore, vel cum gravissimo vitæ periculo, Filium deseruit: Sed fugientibûs Discipulîs, secuta est eum usq̃ ad mortem, mortem autem Crucis. Sub ferali ligno immota permansit, donec JESUS efflaret Spiritum. Et mox ubi S. animam in manus æterni Patris tradidisset, ipsa Corpus de infami Trabe in manus suas & gremium recipiens, tumulo inseruit. Metaphrastes die 15. Augu: ex aliis Antiquioribus annotavit, Matrem hanc Christi amantissimam, pretiosum ejus Sanguinem sub Cruce, quantum licuit, sollicitè collegisse; propriis in deponendo Corpore inservisse manibûs; clavos in sinum suum, reposuisse; lacrymîs plagas implèsse; nec non Joseph ab Arimathæa, ut audacter introiret ad Pilatum & Corpus JESU peteret, hortatam fuisse.



48. Quis igitur omnis pietatis & gratitudinis sensu adeo destitutus est, ut puissimam, totq; charitatis obsequiis de Salvatore nostro optimè meritam Matrem, devotissimo affectu & Cultu prosequi reluctetur? Quis adeo hebes, ut facîle non colligat, quàm clemens quàm pia sit dulcissima Virgo Maria; quàmq; obstrictum sibi reddiderit Filium? Quomodo Christus, qui Deus, qui bonus, qui misericors est, illius preces, quæ tantum sibi obsecuta, non exaudiet?

49. Quæ verò cum Christo & propter Christum perpeffa sit, nemo satis explicaverit. Pro virgineo edendo Partu, locus non est ei datus in Diversorio, ac proinde coacta est Salutem Mundi parere in stabulo. Quot non elicit gemitus cum gemente in præsepio? quot non profudit lacrymas cum flente in gremio? Rigebat cum rigente, tremebat cum tremente, cum esuriante deficiebat. O quoties ingemuit! *Fasciculus Myrrhæ Dilectus meus. Can. 1. v. 13.* Ubi intellexerat, Tenellum suum à crudelissimo Herode quæri ad interitum, nonne commota sunt magis, quàm in illa apud Salomonem Muliere, omnia viscera ejus? Periculossimo illo in itinere, cum fugeret in Ægyptum, quæ non sustinuit? quantà non premebatur egestate in terra aliena: omni humano, Idololatræ inter & Barbaros subsidio destituta. Acerbissimo quoq; dolore, cum duodennem Jesulum suum, Deo ex altissimis finibus suis sic ordinante, amisisset, repleta fuerat: ut inge-

miscere cogeretur: *Fili, quid fecisti nobis? dolentes querebamus te. Luc: i.* Etiam Judæorum obstinatam incredulitatem, quæ tot Signis de Cælo ad agnitionem veri Messia moveri non poterat; omnes eorum Machinationes adversus Christum; odia, contemptus, dum Fabri Filium compellarent, & de Civitate in Civitatem persequerentur, Virgo hæc, cui Cælestia patebant Sacramenta, vehementissimè sentiebat.

50. Quæ unquam Mater graviores in Corde suo cruciatus pertulit, quàm hæc Sanctissima, cum videret pretiosum dulcis Nati sui Sanguinem, mille inter tormenta & opprobria, quem primitus de visceribus suis hauserat, ad ultimam usq; profundi guttam? Quot Filii vulnera, tot enses Materna sauciabant viscera. Quot alapæ & contumeliæ, tot sagittæ penetrabant Animam. *Stabat juxta Crucem Jesu, Mater ejus*, inquit Evangelista Joannes c. 19. v. 25. In omnibus adversis Maria cum JESU. Maria cum Jesu in Bethleem, Maria cum Jesu in Jerusalem: Maria cum Jesu juxta Præsepe, dum nascitur; Maria cum Jesu juxta Crucem, dum moritur. Fidelis Mater Filio suo usq; ad Mortem, mortem autem crucis. Non possunt ab invicem divelli, qui tanta erga invicem conjunguntur Charitate.

51. Sed audiamus etiam Augustinum (circa An: Christi 390.) de hac Matre juxta Crucem, differentem. *Cruciat te Domine Jesu dolor tuus, sed non minus dolor Matris tuæ. Non est mirum,*

rum, si doles & condoles; si pateris & compateris bone Fili, in desolatione Matris, in commendatione Matris. Nunquam enim te deseruit: non in infantia, non in pueritia, non in adolescentia, nec in juventute, non in Passione tua. Nunquam defuit tibi ejus Solatium, sed nec obsequium. Lactat Infan-tem, audit & sequitur Prædicantem, videt & comitatur patientem, contemplatur opprobria, intuetur vulnera, audit tua Verba. Tu verò bone JESU, quanquam, esset dolor intollerabilis, plaga insanabilis, in agonia mortis & ultimo Spiritu constitutus, non oblivisceris Matris tua: Caput inclinas, & Eam in Matrem Joanni commendas, & eum sibi in Filium adoptas. Felix depositum! singulare privilegium! insigne Solatium! Urgebat te siquidem Præceptum Domine JESU: jussisti: Honora Patrem tuum & Matrem tuam. Servitium quod ipsa exhibuit tibi, exemplum est Posteris relinquendum. Considerare libet, bona Mater, & Genitrix & Nutrix, & Filia desolata, quis tibi dolor tuus, quæ angustia tua. Vides Crucifixum Unigenitum tuum, Re- vera, viscera tua penetrat gladius: configit ~~Ani-~~ tuam lancea, clavus; laniat Mentem tuam spinarum aculeus, lacerat Cor tuum Filii tui amarus aspectus. Vulnera Filii tui sunt vulnera tua: CRUX Filii tui est crux tua: Mors ejus Mors tua.

52. Cum simili Emphasi de Virgine Matre loquitur Hieronymus de Passione Domini: Quot passiones in Corpore Filii, tot vlnera in Corde Matris; clavi, quibus Corpus JESU pendebat in cruce, etiam Cor Virginis confixum habebant; nullum ictum recipiebat Corpus, cui non tristis Echo in Corde dolorosæ Matris responderet. Et ideo testatur S. An-



felmus lib: de Excellentia Virginis: *B. Virgo in Passione Christi Filii sui verè interisset præ magnitudine doloris, nisi ab Eo preservata fuisset.* Quamobrem à Richardo à S. Lauren: lib: 3. de laudibus Virginis, *Regina Martyrum nuncupatur.* Sic enim de Ea loquitur: *Ipsa fuit Martyr in Anima, & gladius doloris, qui per transit Animam eius in Unigeniti sui Passione, pro amarissimo omnium Martyrio computatur.*

53. Hac itaq; Meditatione illuminatus, quiscunq; sincerus Christi Cultor dijudicet, num piissima Virgo, quæ tanta cum Christo & pro Christo pertulit, non mereatur, singulari Cultu, innumeris laudibus, omni corde, linguâ, & calamo celebrari? Quid non impetrabit à Filio suo? Pulcherrimè SS. Patres vel ex verbis illis, quibus Salvator è cruce propendens, Matrem suam & Discipulum affatus est, veritatem ac utilitatem Invocationis ejus colligunt. Dum Regina Martyrum, atrocissimum in Monte Golgotheo, sine sanguine pateretur Martyrium, dum illa Consolatrix afflictorum, gravissimo perfusa dolore, decumano tristitiæ fluctu obrueretur, ecce! fertilissima nobis omnibus lætitiæ oblata est Materia, Quod enim Joanni à Christo dictum, *Ecce Mater tua*, id ad nos quoq; spectare, antiquissimi testantur Doctores. Origines in Joan: inquit; *Omnis Christianus, Filius est Mariæ.* Sanctus verò Epiphanius de laud: Virg: ulterius progreditur exclamans: *Refugium facta es, O Maria! nam nemo desolatus te accedit, qui non consolatus recedat;*

*nemo tentatus, gratiam implorat, qui non victor abscedat; nemo veniam desiderat, qui non de tua Misericordia gloriatur.* Et S. Anselmus Orat: 6. ad B. Virginem: *Ergo Mater Dei est Mater nostra! O beata fiducia! Otutum refugium!* (Verum de hoc mox enucleatius.) Et certè ipsum rectæ rationis lumen divinitus illustratum, sequelam hanc dictat esse legitimam: Si Virgo Maria potest orare pro nobis (ut ex plena futilium objectamentorum confutatione manifestè liquet) nihil profecto oberit, quominus & pret, & impetret nobis Bona à Filio suo: ut, sicut cum eodem acerbissima quæquæ sustinuit pro hominibus, nunc quoq; cum eodem in Gloria, laudetur & exaltetur ab hominibus.

## OBTRUDUNT ADVERSARIJ.

54. Matrem Christi honorandam quidem esse, sed cultu Civili non Religioso, ut faciunt Catholici. Respondeo, objicientes aut potius obtrectantes nescire quid loquantur; cum Cultum religiosum, arbitrando quemvis, Divinum esse, nequidem intelligant. Sciendum itaq; est, quòd Cultus & Honor Civilis aut politicus ille dicatur, qui exhibetur homini ob Excellentiam merè Civilem, videlicet Sapientiam, Potentiam, aut Nobilitatem præcisè humanam. Cultus verò & honor religiosus est ille, qui præstatur alicui, propter supernaturalia Dei dona, ut Sanctitatem, Gratiam, Virtutes &c: Quis igitur sanæ mentis, cultum  
ejus-

eiusmodi religiosum B. Virgini pernegabit? Talis utiq; eidem in Sacris Literis ab Angelo & Elisabeth exhibitus. Maximè cùm delirare sit, dicere, quòd Angeli hominibus, cultum exhibeant politicum. Fateor quidem, (quòd & omnibus notum est) Cultum religiosum talem qui sit Divinus, seu propter Excellentiam Divinam, tanquam Supremi omnium Domini, principii & ultimi Finis nostri (qui & Latria nuncupatur) nulli Sanctorum, præterquam Deo & Christo exhibendum esse. Medius tamen hunc inter & Civilem, rectè tribuitur Sanctis, quem proinde fano sensu Duliā nominamus. Et quoniam Sanctissima Christi Mater supernis Dei donis, cunctos post Deum & Christum longissimè, excedit Sanctos, ideo honorem sibi tribuendum, Superduliā dicimus.

#### §. 4.

*Specialiter colenda & invocanda est B. V. Maria.*

*Quia est Mater nostra.*

55 Quòd svavissima Dei Genitrix omnium rectè Credentium Mater sit spiritualis, non solum ex eo, quia vitam Animæ, quæ est Christus, nobis peperit, & Materno prorsus amore opem suam invocantes prosequitur, verum etiam hinc perspicuè. Si enim Paulus ad Galat: 4. gloriari poterat: *In Christo Jesu per Evangelium ego vos genui*: potiori jure Maria. Hæc utiq; Magistra Apostolorum & Evangelistarū fuerat; ~~Ma~~ dictante & narrante Apostolis Mysteria, Fidem



dem Christianam & Sacram Scripturam accepimus. Et ideo tamdiu post Salvatoris Ascensionem in terris retenta est. Præter supernaturalem enim Spiritus S. Assistentiam, etiam connaturalem Directricem, nimirum Matrem suam Christus Apostolis reliquerat, quæ plurimas Fidei veritates, eosdem, sensibilibiter edoceret. Multa profecto, quæ ad S. Joannis Baptistæ Præcursoris conceptionem & Nativitatem spectant, ad Christi Incarnationem, ad Visitationem S. Elisabeth, & mysteria ibidem peracta, ad Christi Nativitatem, Circumcisionem, Magorum adorationem, Præsentationem in Templo, ad fugam in Ægyptum, ad ejus in Templo inter Doctores inventionem, ad descensum in Nazareth, ubi erat subditus Matri & Joseph, usq; ad Baptismum Joannis, & plura alia usq; ad Crucem. Quæ omnia à Virgine ) conservabat enim omnia verba conferens in corde suo. Luc. 2.) acceperunt Apostoli. Quapropter Lucas initio sui Evangelii inquit c. 1. *Sicut tradiderunt nobis, qui ab initio ipsi viderunt, & Ministri fuerunt sermonis.*

56. Audite! quid antiqui hac de re loquantur Patres. Augustinus lib: de S. Virginitate c. 6. inquit: *Illam unam Femina, Spiritu plane Mater est membrorum Salvatoris, quod nos sumus, quia cooperata est charitate, ut fideles in Ecclesia nascerentur, qui illius Capitis membra sunt, cujus Capitis corpore Mater est.* Et Eusebius Emislenus Serm. 2. de Nativ: Domini: *O Mater Sapientissima! O sola talis Filii dignissima!* Quæ omnia verba

*hæc in corde tuo idea conservabas nobisq; conservabas, & memoria commendabas, ut postea te docente, & narrante & nuntiante, scriberentur, & universo Mundo communicarentur, cunctisq; Nationibus nuntiarentur. Ab ipsa hæc Apostoli audierunt, & ipsa dictante scripserunt &c. Et Antoninus part: 4. tit: 15. c. 22. Ascendente Christo remansit Magistra Doctorum Ecclesie Apostolorum & Evangelistorum. Unde dicitur Act: 1. Hi omnes erant perseverantes in oratione cum Maria Matre Jesu. Et Ambrosius lib: de Instit: Virg: c. 7. Mirum non esse, præceteris Joannem locutum fuisse Mystera Divina, cui præsto erat Aula Cælestium Sacramentorum. Testaturq; Hieronymus, Rupertus, Anselmus &c: ideo Deiparam tot Annis post Christi Ascensionem in terris mansisse, ut Apostolos, aliosq; fideles instrueret & consolaretur. Quod ipsum S. Brigittæ à B. Virgine revelatum scribitur lib: 6. Revel: c. 61. 57. Si igitur Virgo tot titulis Mater est Ecclesiæ, & quidem quoad Spiritum & Religionem Mater, quis ambigat, eandem speciali eoq; religioso Cultu honorandam, & ipsius rectæ rationis instinctu, quavis in necessitate, veluti Matrem à Filiis invocandam esse?*

## §. 5.

*Specialiter colenda & invocanda est B. V. Maria, Quia nullò unquam vel minimò peccatò fuerat inquinata.*

58. Immaculatissimam Dei Genitricem, nullò unquam peccatò, ne minima quidem labe, aut nævò inquinatam fuisse, ex Sacris

Lite-

Literis invenimus. Si enim Angelo teste (Luc: 1.) irrestrictè dicitur. Gratiâ plena, si Benedicta inter Mulieres, si Dominus specialiter cum Ea, quomodo poterat in ea locum habere peccatum? Decebarne Christum Salvatorem, Agnum illum immaculatum qui tollit peccata mundi, Dei Filium qui nos reconciliavit Patri, talem habere Matrem, talemq; ex ea Carnem fuscipere, quæ aliquando, (sive interim ante, sive post Partum) Deo rebellis, & jugo Diaboli, idest peccato mancipata fuisset? *In malevolam Animam non intrabit Sapientia, nec habitabit in corpore subdito peccatis. Sap: 1.* Joannes, ut Christi Præcursor fieret, Sanctificari, & vel ideo exultare debebat in utero. Luc: 1. Angeli boni, ut ejus Ministri essent, ab omni præservati sunt culpa. Quomodo ergo permittere poterat Deus, ut Matrem Filii sui peccatrix ageret? Christus non aliam habere voluit Matrem, nisi Virginem: Et elegisset peccatricem?

59. Ad Reginam Esther inquebat Assverus: *Non pro te, sed pro omnibus hac Lex (mortis) constituta est. Esther 15. v. 13.* Et Dominus Matrem suam, de qua humanam Naturam assumpserat, à communi peccati Lege excipere non valebat? Vel non potuit, vel noluit? dic quælo: Si primum dixeris, Divinæ derogas Omnipotentia: si secundum, Deum facis amatorem peccati, quod talem elegerit Matrem, quam, licet potuisset, noluit tamen præservare à peccato. Graviter præterea Salvatori nostro



nostro detrahis, cum id sibi, quod est gloriosum, contra commune Theologorum Principium deneges, duplici videlicet Titulo Redemptorem esse, non tantum Curativum respectu Generis humani, sed & Præservativum respectu Matris suæ.

60. Veritas hæc etiam ex ipso B. Virginis Responso, quod Luc: 1. Angelo dederat, relucet. Postquam Angelus Gabriel Verbi Divini Incarnationem, in purissimo Virginis Utero instituendam annuntiasset, Illa reposuit: *Ecce Ancilla Domini fiat mihi secundum Verbum tuum.* Nemo dubitat Virginem humillimam, Actum humilitatis perfectissimum protunc elicere voluisse. Sed si ita est, cur non æq̃ se coram Deo humiliat, atq̃ homines etiam pii ordinariè consueverunt, confitendo se peccatores esse? Sicut David psal: 50. *Ecce in iniquitatibus conceptus sum, & in peccatis concepit me Mater mea.* Aut sicut Petrus: *Exi à me Domine, quia homo peccator sum.* Luc: 5. v. 8. Quis non advertit, Virginem hanc nullius prorsus peccati sibi consciam fuisse?

61. Implicitè id ipsum Paulus ad Hebræ: c. 7. v. 26. Christum Summum Pontificem describens, expresserat: *Talis decebat, ut nobis esset Pontifex, sanctus, innocens, impollutus, segregatus à peccatoribus.* Quomodo autem segregatus à peccatoribus, si Mater ejus, cujus carnem susceperat, à qua enutritus & educatus est, peccatrix fuisset? 1. Joan: c. 3. v. 9. *Omnis qui natus est ex Deo, peccatum non facit, quoniam semen ipsius*

*ipſius in eo manet, & non poteſt peccare quoniam ex Deo natus eſt. Si peccatum non facit Amicus & Filius Dei adoptivus, quamdiu manet talis per Gratiā, quæ cum gravi componi nequit delicto! multo minùs peccatum faciet Mater Dei, aut Maternitas hæc tantā præterea Gratiæ plenitudine abundans, vel cum leviffima culpa componi poterit. Maximè cū Chriſtus Dominus plus amare debeat Matrem, quā Amicum.*

62. Ejuſdem Senſûs de immaculatiffima Chriſti Matre, etiam Antiquiffima (ut conſtat ex Patrum tam Latinorum quam Græcorum conſenſu) ſemper fuerat Eccleſia. S. Cyprianus Serm: de B. V. inquit: *Non ſuſtinebat Juſtitia, ut illud vas electionis (Maria) communibûs laſſaretur injuriis, quoniam à cæteris plurimùm differens, naturā communicabat non culpā.* Et iterum Serm: de Nativ: c. 2. *Lex carnis Virginem non infeſtavit, nullaq; rebellio afflixit Spiritûs quietem.* Et Præſbyteri Achaïæ in lib: de paſſione S. Andreæ Apoſtoli, hæc referunt ejusdem Apoſtoli verba: *Sicut de terra immaculatâ factus homo primus, ita neceſſe erat, ut de immaculata Virgine Chriſtus naſceretur.* Et S. Auguſtinus l. de natura & gratia c. 36. *De S. Virgine Maria, propter honorem Chriſti, nullam prorſus, cū de peccato agitur, habere volo quæſtionem: quia ei plus gratiæ collatum eſt, ad vincendum omni ex parte peccatum, quæ concipere & parere meruit eum, qui nullum habuit peccatum.* Idem in expoſitione Symb: & Orat: Dominicæ: *Conveniēſ erat ut lege peccati Mater Dei non teneretur obnoxia.*

*noxia.* Et S. Hieronymus in psal: 77. *B. Virgo est nubes diei, quia non fuit in tenebris, sed semper in luce,* puta gratiæ Librô autem de Nativ: Mariæ Tom: 9. (sicut & Nissenus aliq̃) refert; Sancto Joachim pro suscipienda Sobole oranti, ab Angelo prædictum fuisse: *Anna Uxor tua pariet tibi Filiam, & vocabis Nomen ejus Mariam: hæc erit, ut voluistis, ab infantia sua Domino consecrata, & Spiritu S. replebitur adhuc ex utro Matris.* Et S. Chrysostomus in sua Liturgia, vocat eam, *Inmaculatam semper, beatissimam, & penitus incontaminatam.* Et S. Damascenus de Virg: *Ad hunc Paradysum Serpens aditum non habuit.* Et S. Anselmus de conceptione B. V. c. 18. *Decebat Virginem ea nitere puritate, qua major sub Deo nequit intelligi.* Et iterum lib: de Excellentia Virginis c. 3. *Nulli dubium, castissimum Corpus & Sanctissimam Animam ejus, funditus ab omni fuisse peccati macula, Angelorum custodia protectam, utpote Aulam quam suus & omnium Creator Deus corporaliter inhabitaturus, & ex qua hominem in suæ Personæ unitate, ineffabili fuerat operatione, suscepturus.*

63. Si itaq̃ Beatissima Virgo Mater, nullo unquam peccatô vel minimam Dei indignationem aut repulsam promeruit, quomodo non laudanda & colenda ab hominibus? Quomodo non invocanda ut interpellet pro nobis? Quomodo non impetrabit à Deo quæ poscimus? Utiq̃ Apostolus ipse ad Hebræ: c. 7. v. 26. illum natum ad interpellandum pro nobis, concludit, qui *Innocens & impollutus est,*



*nec necessitatem habet prius pro suis delictis Hostias offerre, deinde pro Populi. Hinc & SS. Patres Deiparam, Refugium peccatorum communiter appellant. Exem: causâ S. Ephræm Serm: de laudibus Mariæ: Ave peccatorum Refugium: ad te confugere possunt peccatores. Et S. Germanus Patriarcha Constantinopolitanus Orat: de Nativ: Virg: B. Virgo iis, qui se enormibus peccatis mancipârunt, eximiam remissionis Gratiam conciliat: & iis, qui supra modum deliquerunt, modò quodam eminenti veniam expetit. Veritatem hanc, quicumq; obstinatè pernegat, à Cæco discat Evangelico: Scimus, (inquit ille Joan: 9. v. 31.) quia peccatores Deus non exaudit, sed si quis Dei Cultor est, & voluntatem ejus facit, hunc exaudit.*

## OBTRUDUNT ADVERSARIJ.

64. Injuriosas Virgini Matri calumnias: & dum curiosi in tanta Luce Zoili scrutantur maculas, fallente vestigio in blasphemix baratrum præcipitantur. 1. Dicunt, Interrogationem illam Luc: 1. ad Angelum factam: *Quomodo fiet istud?* curiositatem quandam in Maria, aut incredulitatem arguere. Sed quis non videt, Sanctam hîc potius & summam denotari Admirationem? Audite! quid hac de re Augustinus lib: 16. de Civit: c. 24. Et aliquando Sapite! *Non est Virginis Mariæ diffidentia,* (inquit ille) *quod ait: quomodo fiet istud quoniam Virum non cognosco: Quod enim futurum esse, certa erat, modum quo fieret; inquirebat; & hoc cùm querebat; &*

D

hee

*boc cum quæfisset, audivit, Spiritus S. superveniet in te.* 2. Blaterant, peccasse Eam Luc: 2. Puerum Jesum per negligentiam amittendo. Præclari illi NB. Magdeburgenses Historici in priore libro Centuriæ primæ, non erubescunt calumniari, Mariam usq; adeo peccasse, dum Filium in Templo amisit, ut peccatum ejus, peccato Evæ gravissimo æquiparari queat, imo excedere illud videatur. Sed quàm temerè, quàm malevolè, quàm pervicaciter homines isti, errori suo adhærescant, cuivis reflexè Evangelium legenti manifestum est. Præfatò etenim loco Jesus conquerenti Matri suæ, *Fili quid fecisti nobis? Dolentes quærebat* *us te: Reposuit v. 49. Quid est quòd me querebatis, quia in his quæ Patris mei sunt; oportet me esse?* Unde apertè liquet Amissionem Filii ex speciali Ordinatione Divina, & expressa æterni Patris voluntate (quam nulla humana diligentia impedire poterat) contigisse. Quàm igitur inconsulta, quàm frivola & calumniosa Centuriatorum Magdeburgensium est Historia!

65. 3. Importunitatem quandam in illis B. Virginis verbis Joan: 2. *Vinum non habent, suspiciunt Audaculi.* Ast homo prudens Maternam in hoc actu Providentiam, nec non in impetrando efficaciam venerabitur. Quis autem sanus, illius Christi Domini Responsi, *Quid mihi & tibi Mulier?* Sensus sit, plus quàm satis num: 11. & 12. manifestavimus. 4. Etiam illud Mat: 5. *Ecce Mater tua & Fratres tui foris stant querentes te &c.* ventilant, & quæstum in-  
deva-

de vanæ cuiusdam gloriolæ, Matri Dei appin-  
gunt. Citantq; pro hoc defendendo Scom-  
mate S. Chrysoftomum. Verùm censendum  
est, hæc de Fratribus duntaxat dicta fuisse;  
vel per errorem in Scripta Chrysoftomi irre-  
pisse: cum tot aliis in locis omnino aliter de  
hac Virgine loquatur: Exempli causâ in sua  
Liturgia, *Immaculatam semper, Beatissimam, & pe-  
nitus incontaminatam* enuntiat.

66. 5. *Pater noster*, in medium producant,  
asserentes, Orationem hanc omnibus, adeoq;  
& Virgini Matri præscriptam esse, quamvis  
in ea habeatur, *Dimitte nobis debita nostra*. Sed  
facilis est Responsio: nimirum, Deiparam, ut-  
pote ab omni peccato præservatam, memora-  
tam Orationis Dominicæ particellam abhibere  
non debuisse. Sicut pariter, cum salutaretur  
ab Angelo, non peccatricem se (ut aliàs ho-  
mines coram Deo fateri tenentur) sed Ancil-  
lam Domini confessâ est. 6. Tandem non  
nulli, prorsus dolosè & per jocum sacrilegum,  
venerari se B. Mariam, profitentur, dicentes:  
Nos honoramus S. Mariam Dei Matrem, sed  
fatemur tamen peccatricem fuisse; non qui-  
dem peccatricem ejusmodi, qualis fuerat Tha-  
mar, quæ se in via prostituendam exhibuit;  
aut qualis fuerat Magdalena, publica in Civi-  
tate Meretrix &c: Sed tamen verè erat pecca-  
trix. En malevolentiam non Divinâ tantùm,  
sed & humana Fide destitutam! Possitne Dia-  
bolus fraudulentius decipere homines, & Ma-  
trem Dei pungere aculeatiùs?



## §. 6.

*Specialiter colenda & invocanda est B. V. Maria propter plenitudinem Divinae Gratiae & Sanctitatis.*

67. B. Virginem Mariam fuisse Sanctitatis & gratiâ plenam, adeo ut cunctos, post Christum Sanctos longè superaverit, Scriptura & Patres attestantur. Excellentiam hanc satis manifestè declarat Angelus Luc: 1. dicens: Ave gratiâ plena, Dominus tecum: Invenisti Gratiam apud Deum. Et ipsa, dictante Spiritu S. de se fatetur: Fecit mihi magnâ qui potens est, Beatam me dicent omnes Generationes. Meritò proinde huic Virgini illud Scripturæ applicat Ecclesia: Tota pulchra es Amica mea. Unica perfecta mea. Quæ est ista quæ progreditur quasi Aurora, pulchra ut Luna, electa: ut Sol &c: Et illud Prov: 31. Multa Filia congregaverunt divitias, tu supergressa es universas.

68. Hinc S. Basilius, ex: causa Orat: de Deipara, sic eam continuò salutabat: Ave Domina Maria gratiâ plena &c: Et S. Athanasius de Deipara in Evangelium: Dominus omnem Gratiam largitus est Virgini, qua de causa factum est, ut plena Gratia appellata sit. Et S. Petrus Damianus Serm: 3. de Nativitate Mariæ: Quid Sanctitatis, quid justitiæ, quid Religionis, quid Perfectionis huic Virgini deesse potuit, quæ totius Divinae Gratiae charismate plena fuit. Et S. Hieronymus de Af. Cæteris per partes, Mariæ totam se infudit Gratia plenitudo. Et S. Anselmus de Excellentia Virginis

c. 9. Pura Sanctitas, & Sanctissima puritas ejus, omnem

anem omnis creatura puritatem, Sanctitatemq; tran-  
scendit. Et S. Thomas à Villa nova Conci: 2.  
de Nativ: Virg: sic loquitur: *Quenam, obsecro,*  
*pulchritudo? quanam Virtus? quæ Perfectio? quæ Gra-*  
*tia? quæ Gloria Matri Dei non congruit?* Solve cogi-  
tationibus habenas, dilata intellectui simbras, & de-  
scribe apud te in Animo Virginem, purissimam, pru-  
dentissimam, pulcherrimam, devotissimam, humillimam,  
omni Gratia plenam, omni Sanctitate pollentem, omni-  
bûs virtutibûs ornatam, omnibûs Charismatibûs deco-  
ratam, & eo gratissimam &c. Nec hîc sistit gra-  
dum B. Thomas: pergit monere, ut omnes  
conatus in describenda & prædicanda Mariæ  
Sanctitate contendamus, subjungens: *Quantum*  
*potes, tantum auge; quantum vales tantum adde: Ma-*  
*ior est ista Virgo: superior est ista Virgo: non eam*  
*Spiritus S. Literis descripsit, sed tibi eam Animo de-*  
*pingendam reliquit: ut intelligas, nihil illi Gratiæ*  
*aut perfectionis, aut gloriæ, quam Animus in pura*  
*creatura concipere possit, defuisse.*

69. Nec plenitudo Gratiæ ipsam dunta-  
taxat Conceptionem Verbi denotat, priusquam  
enim hæc fieret, Gratiâ plena pronuntiata est  
ab Angelo. Proinde S. Gregorius in l. R. I.  
illud Isaïæ 2. *Et erit præparatus Mons Domûs Do-*  
*mini in vertice montium, applicans B. Virgini: ait:*  
*An non Mons sublimis Maria, quæ, ut conceptionem*  
*æterni Verbi pertingeret, Meritorum verticem supra*  
*omnes Angelorum Choros erexit.* Et S. Bernardus  
super Signum: *In eo, quoddam tam reverenter atq; of-*  
*ficiosissime ab Archangelo salutata est, ut jam in Re-*  
*gali Solio, supra omnes Cælestium ordines Regionum,*

*exaltatam cernere videretur.* Et S. Laurentius Justinianus Serm: de Nativ: Mariæ: *Illam profectò adhuc in Matris utero decubantem adamavit Verbum, sibiq; in Genitricem elegit, utpote superabundanti jam Benedictione præventam, jamq; S. Spiritus Magisteriò deputatam.*

70. Quis igitur sensum honesti habens, tantam non colet Sanctitatem? Si Angelus & Elisabeth, mox ubi intellexissent, Mariam gratiâ plenam, & Dominum inaudito à Sæculis modò cum Ea esse, protinus in Laudes & Venerationem effusi, ut ille exclamaverit: *Ave! Benedicta tu inter Mulieres! hæc: Beata! Unde hoc mihi ut veniat Mater Domini mei ad me?* Quis Christianus idem facere tergiversabitur? Aut quis Virginis adeo Deo gratiosæ Interpositionem non exambiet? Si omni ex parte Gratiâ Dei plena, ergo & Gratiâ intercedendi pro nobis apud Filium suum, & Gratiâ impetrandi. Effilher pro conditione implorandi apud Regem Assærum Salutem Populo suo, inventionem Gratiæ posuerat, inquires: *Si inveni gratiam in oculis tuis, dona mihi Populum pro quo obsecro. Esther. 7. v. 3.* En! conditio hæc in Maria respectu Supremi, Cæli terræq; Domini impleta est: testatur siquidem Angelus Luc: 1. *Invenisti Gratiam apud Deum.* Quomodo ergo intercedere pro Populo, quomodo impetrare non valebit? Exclamabo itaq; cum Athanasio (de Deipara in Evangelium) *Retribue nobis pro exiguis istis eloquiis magna Dona ex Divitiis tuarum gratiarum, tu qua Gratiâ plena.*

OBTRU-



## OBTRUDUNT ADVERSARI.

71. Et percontantur, cur tempus hoc quod Laudibus Mariæ, non potius laudando Christo impenditis? Respondeo ideo, tum ut Psalmo 15. *Laudate Dominum in Sanctis ejus*, factis fiat; Tum quia, laudando Virginem Mariam, principalius, & multò magis, quàm non laudando, Christum ipsum glorificamus: ut à num: 27. palpabiliter evicimus. Nimistamen eam colitis: Obstreperunt illi. Sed Respondeo, conitare tam ex adductis, quàm adducendis adhuc SS. Patrum Testimoniis, Beatissimam Virginem Mariam nunquam sat dignè laudari posse ab hominibus. Utquid Jesum simul cum Maria ponitis? num hi æquali honore digni? aut solusne Christus insufficiens est, ea præstare quæ poscimus? Respondeo, nequaquam ideo Jesum simul & Mariam ore & corde gerimus, sed his de causis, 1. Quoniam in ipsa Scriptura, Elisabeth Jesum simul & Mariam venerabunda collaudaverat Luc: 1. v. 42. dicens: *Benedicta tu inter Mulieres, & Benedictus Fructus ventris tui.* 2. Si teste Spiritu S. dum Jesus nascitur in stabulo; dum jacet in præsepio, dum docet in Templo, dum moritur in patibulo, dum regnat in Cælo, simul est Cum Maria; Cur non licebit nobis, scribere, dicere, pingere, laudare, Jesum cum Maria?

*Specialiter colenda & invocanda est B. Virgo Maria, propter excellentissimam Gloriam in Cælo.*

72. Sicut Gratiâ & Sanctitate omnes post Christum longè excessit in terris Deipara, ita & Gloriâ in Cælis, cùm illa, hujus, iuxta communem Theologorum sensum, semen sit & mensura. Merito proinde Chrysostomus in suâ Liturgia, Mariam, Incomparabiliter gloriosorem quàm Seraphim, affirmat. Et Ildephonsus Serm: 2. de Assumpt: ait: *Sicut incomparabile est, quod gessit, & ineffabile donum quod percepit; ita inestimabile atq; incomprehensibile premium & Gloria, non dico inter ceteras Virgines Sacras, verùm etiam ultra omnes Sanctos, quod promeruit.* Et Petrus Damianus Serm: de Assump: *Pulchra ut Luna: Virgo inter Animas Sanctorum, & Angelorum Choros supereminens & evecta, Merita singulorum, & omnium Titulos antecedit.* Et Basilii Seleuciæ Episcopus Orat: de Annuntiatione: *Virgo universos Martyres suo splendore tantum excedit, quantum Sol reliqua Astra.*

73. Unde sic argumentor: Beatissima Virgo summam post Christum, Gloriam habet in Cælo: Igitur speciali Cultu est dignissima. Quam enim Deus adeo glorificat in Cælis, quis laudare abnuat in Terris? Beatissima Virgo præter Gloriam inter Superos, Gloriam quoq; inter Mortales consequi debebat: Quod enim Mat: 19. v. 24. dictum: *Qui reliquerit Domum &c: propter Nomen meum, centuplum accipiet.*  
 & Vi.

& Vitam eternam possidebit. nemini magis congruit quàm Mariæ. Hæc siquidem toties cum Christo & propter Christum, reliquit omnia: laborum, itinerum, incommodorum, ærumnarum omnium, quæ Dominus in toto Vitæ suæ decursu pro humani generis Salute subire dignatus est, imprimis particeps. Mox ubi in Virgineis uteri sui claustris Filium Dei suscepit, nihil itineris labore retardata est, quominus relictâ Domo propria, in Montana abiret cum festinatione, ut Joannes in utero sanctificaretur. Deinde Bethleem venit, ut illic cum Joseph Sponso profiteretur: ibi in summa rerum egestate illum peperit, pannis involvit, reclinavit in præsepio, ac ubere de Cælo pleno lactavit: brevi post in circumcissione, ô quantû Infantis Sâgrini & lacrymis non cõpassa! Mox fugit cum eodẽ in Ægyptû, quæsiuit postea duodennem in Templo. Etiam docentem tecuta, *Descendit Capharnaum, ibiq; mansit cum eo. Joan: 2.* Quocirca, cum Christus Dominus à Judæis, contradiCTIONum, calumniarum, subfannationum, ac maledictorum probris impetebatur, in Matrem etiam sæpe præsentem, universa suo modo redundabant. Ubi igitur centuplum illud, quod Dominus præter Vitam æternam, se daturum in hoc sæculo apromiserat? Non aliud invenio, nisi Gloriam hanc, quæ Virgini, per specialem cultum & invocationem tribuitur ab hominibus.



*Specialiter colenda & invocanda est B. V. Maria  
propter specialem excessum Fidei & charitatis.*

74. Fidem hujus Virginis ipsa admirata  
Elisabeth exclamavit: *Beata quæ credidisti. Luc.*  
1. Per ejus interpositionem, Fides in Christum,  
primum in Cana Galilææ sumpsit initium. U-  
bi enim ad Preces illius, aquam in vinum con-  
vertisset Dominus, subjungit Joannes c. 2. *Ma-  
nifestavit Gloriam suam, & crediderunt in eum Di-  
scipuli ejus.* Hinc Cyrillus hom: 6. ad Virgi-  
nem contra Nestor. *Per te omnis creatura con-  
versa est ad cognitionem veritatis.* Occasione si-  
quidem Miraculi ad preces Virginis facti, ipsi  
primum Apostoli in Christum crediderunt.  
Post mortem verò Salvatoris, alijs dubitanti-  
bus & vacillantibus, priusquam Christus resur-  
geret, in Matre Dei Fides permansit firmis-  
sima, & Ecclesia ac Religio Christiana conser-  
vata est. Hinc Bernardus lib: de Passio: Dom:  
c. 7. *Passionis tempore omnes relicto eo fugerunt: so-  
la illa, quæ benedicta est in Mulieribus, per illud tri-  
ste Sabbatum, stetit in Fide solida, & salvata fuit  
Ecclesia in ipsa.* Propter quod aptissimè Sancta Eccle-  
sia in laudem & gloriam ejusdem Virginis, diem Sab-  
bati per totius Anni circulum celebrare consuevit.

75. Quid inde? *Si habueritis Fidem sicut  
granum Sinapis, dicetis Monti huic, transi hinc illuc,  
& transibit, & nihil impossibile erit vobis. Mat: 17.  
v. 19. inquit Dominus.* Si mortales talia pos-  
sunt per Fidem instar grani Sinapis; quæ mi-  
ra pro-

ra propter tantam Fidem in via, non impetrabit nobis Maria in Patria? Si Fidem Centurionis adeo laudavit Dominus Mat: 8. v. 10. Quis propterea non celebrabit Mariam?

76. Charitas quoq; in Virgine hac, erga Deum, suumq; Divinum Filium erat intensissima. Ut meritò de illa Ildephonsus Serm: 1. de Assumpt: scribere potuerit: *Beatam Mariam velut ignis ferrum, Spiritus S. totam decoxit, incanduit, & ignivit: ita, ut in ea Spiritus S. flamma videretur: nec sentiretur nisi tantum ignis amoris Dei.* Nec solum interiùs residebat, sed & exteriùs ignis hic, in tam stricta conjunctione cum Christo, in tot obsequiis eidem exhibitis, toties enituit. Toties verificabatur: *Ego Mater pulchra dilectionis. Eccle: 24. Toties illud Davidis: Adhæsit Anima mea post te. Psal: 66. Hinc Epiphanius hæres: 78. Erat Maria affectatrix Jesu, cum ipso semper existens. Et Augustinus lib: de Assumpt: Absq; dubio, omni opere Ministratrix existit, quæ hunc in utero gessit, partuq; profusum aluit, & fovit, in præsepio reclinavit, & à facie Herodis in Ægyptum fugiens abscondit, & omnem infantiam ejus, Matris affectu ita prosecuta est, ut usq; ad crucem, in qua Filium jam Virum perfectum vidit pendentem, ab ejus indubitanter Ministerio non recesserit. Consecuta non solum gressibus pedum, tanquam pro amore Filii; verum etiam imitatione morum, tanquam pro reverentia Dei. Maria ergo Ministra Christi, Spiritualium operum qualitatibus sicut devotissime existit, ita absq; dubio, Religionis Fide & verè credulitatis Charitate Secutrix fuit. Vere de illa*

*Quis*

*Quis nos separabit à Charitate Christi, tribulatio, angustia? Sc: ad Rom 8. Aquæ multæ non potuerunt extinguere charitatem. Fortis est ut mors dilectio. Cant: 8. Non extinguetur in nocte lucerna ejus. Prov: 31.*

77. Et hinc facile deducitur: Si Virgo Mater tanta Dei charitate flagrabat semper, quid non valebit impetrare ab eodem? Si proximi quoq; amorem (qui præfatæ charitatis comes est indissolubilis) habet, quid oberit, quominus oret pro nobis?

### §. 9.

*Specialiter colenda & invocanda est B. V. Maria, quia omni Virtutum genere fuerat ornatissima.*

78. Si radix Sancta, & rami, inquit Paulus ad Rom II. Pariter & nos concludimus in præfenti: Si Virgo Sanctissima, tantâ Dei Gratia instructa, ac præterea ad omne quod Sanctum & bonum est, summopere propensa fuerat; quid aliud sequitur, nisi innumeras inde præstantissimasq; emanasse Virtutes. Ut proinde Eam S. Petrus Damianus, *Conventum omnium Virtutum*, meritò appellaverit. De Fide & Charitate dictum immediatè. Religio non solum ex tot obsequiis Christo exhibitis, sed & Oblatione ejus in Templo, & descensu singulis annis ad adorandum Deum in Jerusalem, colligitur. Quàm Prudens fuerit Virgo, attingimus Luc: 1. *Cogitabat qualis esset ista Salutatio.* Quàm Devota, Luc: 2. *Conservabat omnia verba hæc in corde suo.* Quàm Misericors in sublevandis aliorum



rum necessitatibus, Joan: 2. In Cana Galilææ,  
*Vinum non habent. Quam Patiens, tot inter æru-*  
*mnas & persecutiones palpamus. Quam For-*  
*tis in tolerandis adversis, spectamus in Passio-*  
*ne Filii sui. Stabat juxta Crucem intrepida etiam-*  
*dum Viri fugerent, excipiebat doloris gladium, qui-*  
*Sanctissimam ejus pertransivit Animam: Inquit:*  
*Hieronymus lib: de Institu: Virg: c. 7. Unde*  
*& à Richardo à S. Laurentio lib: 3. de Laud:*  
*Virg: Martyr Martyrum appellatur. Castissima fu-*  
*erat Virgo, adeo, ut, cum sibi Angelus men-*  
*tionem de Filio faceret, trepida & admirabun-*  
*da diceret Luc: 1. Quomodo fiet istud, quoniam*  
*Virum non cognosco? Humillima: ut, ubi in Ma-*  
*trem Dei eligeretur, reposuerit: Ecce Ancilla*  
*Domini: Et iterum: Respexit humilitatem Ancilla*  
*sue. Imò jam Mater Dei effecta, tribus men-*  
*sibus in Domo Zachariæ, ministrabat Elisabet,*  
*ut miraretur ipsa exclamans: Unde hoc mihi, ut*  
*Mater Domini mei veniat ad me? Obedientissima*  
*quod totam se Divinæ Voluntati prorsus sub-*  
*miserat: Fiat mihi secundum verbum tuum. Ad*  
*primum Dei nutum Exurgens abiit in Montana*  
*cum festinatione Luc: 2. Deinde & in Ægyptum*  
*&c:*

79. S. Ignatius Martyr, Apostolorum Di-  
 scipulus in Epistola ad S. Joannem Evangeli-  
 stam, rationem reddens, cur vehementer appe-  
 teret videre & coram affari Sanctissimam Vir-  
 ginem Mariam (protunc adhuc mortales in-  
 ter degentem) quam *Cæleste Prodigium & sacra-*  
*tissimum vocat spectaculum*, sic loquitur. *Notifica-*  
*vers,*

vère, eandem Matrem Christi, omnium gratiarum esse abundantem, & omnium Virtutum fecundam, ut dicunt, in persecutionibus & afflictionibus est hilaris: in penuriis & indigentis non querula: injuriantibus grata, & modesta in re leta: miseris & afflictis condolet coafflicta, & subvenire non pigrescit. Contra vitia in causa Fidei disceptans enitescit: nostræ Religionis & penitentia est Magistra, & apud Fideles, omnium operum pietatis Ministra. Humilibus quidem est devota, & devotis devotius humiliatur, & nimirum ab omnibus magnificatur. Non frustra S. Athanasius homil: de Deipara in illud, Gratiâ plena, scribens, inquit: Spiritus S. descendit in Virginem cum omnibus suis Virtutibus.

80. Has, itaq; & innumeras alias Sanctissimæ Dei Genitricis Virtutes considerans S. Laurentius Justinianus Serm: de nativ: B. V. in hæc prorumpit verba: O Arca Testamenti verissima, quæ aurô vestita mundissimô, Virtutum gemmis ornata, Testamenti Tabulas, Virgam, & suavissimum in se Manna continuit. Et S. Theophanes in Menæis Græcis 20. Janua: Ode 4. Letare quæ es Mons inumbratus à Gratia! Letare Tabernaculum! Letare Arca! Letare Candelabrum Divinam sustinens Lucem! Porro Theophanes Episcopus Nicenus, insignis Christi Martyr fuerat: & non solum Egregius Scriptor, sed & Inclytus Scriptus; sic dictus, quod fronti ejus per Theophyli Imperatoris Tyrannidem, duodeni versus Jambici crudeliter sint iniusti. Hic S. Martyr & Græcæ Ecclesiæ Doctor eximius, in omnibus Scriptis suis Virtutes B. Virginis de-

præ-

prædicat, & vel ideo devotissimè Eandem invocat. Exem: causâ in Cathismate Virginali 17. Janu: post Oden 3. Sic orat: *Inculpatissima Conditoris Sponsa, me celeriter à Demonum machinationibus ( Intercessione tua) erue. Et Ode 8. O intaminatissima Genitrix Dei, inflicta à peccato cicatrices emunda.*

81. Sed Concludo: Si Virgo B. tot tantisque claruit Virtutibus, nemo Cultum illi Specialem, nisi Probitatis Osor, negaverit. Si omni Virtutum genere exornata fuerat, ergo & Pietate in proximum: Quomodo igitur non orabit pro nobis? Si Virtutis instantiam etiam Principes terreni facilè exaudiunt, Quomodo non Deus?

## OBTRUDUNT ADVERSARIJ.

82. Et denuo illud suum ordinarij cantillant: Quid nobis cum Mariæ Virtutibus! satis est, quod Invocatio ejus, nullibi expressè præcipiatur in Scriptura: igitur est prohibita O infirmum, à Patrocinio tantæ Matris definiendi fundamentum! Equone tuo, quæso, præcepto opus est, ut avenam comedat? Cur ergo tu, ad id, quod totius Antiquitatis, totque Experientiarum Testimoniò, tam utile tam salutare est Animæ tuæ, ad invocandum videlicet Mariæ Virginis Patrocinium, Mandatum exigis? Sed & Objectamenti consequentia utroque pede claudicat. Quid enim ineptius cogitari potest, quàm sic Argumentari: *Non est*  
*pra-*



*præceptum Ergo est prohibitum.* Numquid non ipsi Novatores multa, etiam bona opera, agere consueverunt, quæ sibi præcepta non sunt, nec tamen ideo se peccare existimant? Ubi peto, à Christo mandatur, ut Cænam Domini ante Prandium sumatis? Quid? igitur id faciendo, actionem ponitis prohibitam? Verbô, inconsultus hic multorum Prædicantium argumentandi modus, ita suos perplexos reddit, ut quidquid elegerint, peccare censeantur. Exem: causa, siue Cænam suam sumpserint mane, siue vesperi, graviter delinquent: cum nec hoc nec illud expressè in Scriptura præcipiatur: Ergo juxta suam ratiocinandi methodum, utrumquæ est prohibitum. Verùm ineptias has jam toties alibi confutavimus.

### §. 10.

*Specialiter colenda & invocanda est B.V. Maria, quia est Virgo purissima ante, in, & post Patrum.*

83. Christi Matrem semper Virginem fuisse, Concilium Toletanum 6tum Can: 1. definiit: *Ex his tribus Divinis Personis, solum Filium fatemur; ad Redemptionem humani Generis, humanitatem sine peccato, de Sancta semper Virgine assumpsisse.* Veritatem hanc, & quidem primò de Virginitate Mariæ ante Partum & in Partu Salvatoris, manifestè Scriptura indigitat. *Missus est Angelus Gabriel ad Virginem: & Nomen Virginis Maria.* Luc: 1. v. 26. Et in Symbolo Apostolorum habetur: *Natus ex Maria Virgine.* Si itaq; Christus natus ex Virgine, Ergo Maria etiã in

in Partu mansit Virgo. Et hoc prævidit Isa-  
ias c. 7. *Ecce Virgo concipiet, & pariet Filium, &*  
*vocabitur Nomen ejus Emmanuel.* Ubi Virgo non  
solum conceptura, sed & paritura Filium præ-  
dicitur. Patetq; vel ex ipsa voce hac, *Ecce!*  
admirationem Prophetæ, & speciale Dei Mi-  
raculum, Matrem videlicet mansuram simul  
Virginem, denotante. Sicut & ex ejusdem Pro-  
phetæ verbis antecedentibus colligitur: *Pro-*  
*pter hoc dabit Dominus ipse vobis Signum: Ecce Vir-*  
*go concipiet & pariet Filium.* Ideoq; & Jeremias  
de eodem Mysterio sic differit: *Novum faciet*  
*Dominus super terram: Mulier circumdabit Virum &c:*  
*c, 31.* Grande istud Virginitatis unà cum Ma-  
ternitate Sacramentum ipsa demiratur Virgo  
castissima Luc: 1. inquires: *Quomodo fiet istud;*  
*quoniam Virum non cognosco.* Cui reposuit An-  
gelus: *Spiritus S. veniet in te, & Virtus Altissimi ob-*  
*umbrabit tibi: ideoq; quod nascetur ex te Sanctum,*  
*vocabitur Filius Dei.* Sicut & Josephum igno-  
rantem, Mysterium edocuit: *Quod in ea natum*  
*est, de Spiritu S. est.*

84. Ex memorata Isaïæ sententia, Virgi-  
nitatem Mariæ perpetuam sternuè defendit S.  
Hieronymus in caput 7. Isaïæ scribens. Sicut  
& S. Basilius Conci: in Christi Nativitate. Et  
S. Augustinus lib: de Hære: c. 84. aliq; SS. Pa-  
tres adversum impudentissimos illos Hæreti-  
cos Cerinthianos & Ebionæos. Pulcherrimè  
hac de re etiam lib: de Virg: c. 7. Augustinus:  
*Oportebat Caput nostrum insigni Miraculo secundum*  
*Carnem nasci de Virgine, quo significaret Membra*

E

sua

*sua de Virgine Ecclesia, secundum Spiritum nascitura.* Puta juxta illud Joan: 1. *Qui non ex voluntate Carnis, nec ex voluntate Viri, sed ex Deo nati sunt.* Et S. Ambrosius lib: de Instit: Virginum c. 7. in illud Ezechielis c. 44. de Porta quadam clausa, per quam solus Dominus introiturus erat, sic ratiocinatur: *Quæ est hæc Porta, nisi Maria? Ideo clausa dicitur, quia Virgo. Porta igitur Maria, per quam Christus intravit in hunc Mundum, quando Virginali fusus est partu, & Virginitatis Clausura non solvit. Mansit intemeratum Septum pudoris, & inviolata integritatis duravere Signacula, cum exiret ex Virgine.* Et cap: 8. *Bona Porta Maria, quæ clausa erat, & non aperiebatur; transivit per Eam Christus, sed non aperuit.* Quamobrem Jovinianus hoc nomine inter Hæreticos ponitur à Siricio & Ambrosio in Epistolis suis, quòd ausus sit asserere, B. Virginem pariendo fuisse corruptam. *Verbò, S. Dei Genitrix est Virgo inviolata, tam in Conceptione sua & priusquam pareret Salvatorem, quàm in ipso Partu.* Et ideo Angelus Gabriel duplex eidem Miraculum annuntiaverat: *Ecce concipies in Utero, & paries Filium.* Luc: 1. v. 31.

85. Post partum quoq; immaculatam semper mansisse Virginem perspicuè ex Sacris Literis deducitur. Exem: causâ illa Ezechielis c. 22. v. 2. figurata Prædicatione: *Porta hæc clausa erit, & non aperietur, & Vir non transibit per eam, quoniam Dominus Deus Israel ingressus est per eam.* Per quam Portam, Virginitatem Mariæ perpetuam, Ambrosius, Hieronymus, Augustinus



&c: meritò intelligunt. Exem: causâ Augustinus Serm; 14. de Natali Domini, qui est 18vus de Tempore) sic de præfata Scriptura loquitur: *Quid est Porta in Domo Domini clausa? nisi quòd Maria semper erit intacta. Quid est, Vir non transibit per eam? nisi quòd Joseph non cognoscet eam.* Et hic est communis universæ Ecclesiæ Catholicæ per tot Sæcula, omniumq; SS. Patrum sensus: adeo ut Epiphanius Hæresi 48. & Augustinus lib: de Hæres: c. 18. Errorem illum, qui asserit, Virginem Mariam, alias postea cum Joseph proles procreâsse, pro explorata Hæresi habeant. Unde etiam Hieronymus lib: contra stultissimum illum Hæreticum Helvidum, & cum Hieronymo universa exclamat Ecclesia: *Joseph, qui Miracula tanta cognoverat in B. Virgine, Dei Templum Spiritûs S. Sedem, Domini sui Matrem, audebatnè attingere?*

86. Jam ex dictis infero: Si Maria, purissima semper Virgo, cujus Virginitatem Deus tam insigni fæcunditate mirificè decoravit, quis abnuat, Eandem singulari Cultu prosequendam esse? Si Virgines in Cælo, speciali gaudent Privilegio, quòd *Agnum sequantur quocunq; ierit.* Apoc: 14. v. 4. *Et sine Macula stent ante Thronum Dei.* v. 5. Cur ab Eodem expetere non poterunt, quæ unà cum illis flagitamus? Quid igitur de illa, quæ est Virgo Virginum, censendum? Vel ipsi Gentiles solo Naturæ lumine illustrati, Vestales suas, eò quòd castitatem colerent, eximio prosequabantur honore; nec dubitabant, per preces earum, vel maxi-

mè exorari posse Superos. Et Ecce! hodie ejusmodi reperiuntur Christiani, quid id ipsum, ob solam refragrandi Ecclesiæ Catholicæ libidinem, Admirandæ huic Virgini, quam Matrem Dei esse profitentur, negare non erubescunt!


## OBTRUDUNT NONNULLI A D V E R S A R I I.

87. Et quidem absq̃ verecundia, solaq̃ deliria. 1. Maria appellatur in Scriptura *Mulier*: Ergo non est dicenda semper Virgo. Respondeo, hunc esse apud Hæbreos receptum loquendi modum, ut nomine Mulieris, Fæminam, etiam Virginem intelligant. 2. Mat: 1. habetur: *Antequam convenirent, inventa est in Utero habens de Spiritu S.* Ergo debebant post Partum convenire. O insanam Consequentiam! Antequam Balaam malediceret Populo Dei, Angelus illi restitit in via Numerorum c. 22. Quid? Ergo postea maledixit? Nequaquam Nec ante, nec post. Qui Conscientiæ & rectæ rationi vult insistere, potius sic concludat: *Antequam convenirent, inventa est Maria in Utero habens de Spiritu S.* Ergo tanto Dei Mysteriô absterritus est Joseph, ne & postea convenirent. Pariter ex illis Mat: 1. v. 25. Verbis; *Et non cognoscebat eam donec peperit*, nequaquam censendus est Joseph, postea eam cognovisse. Sic Gen: 8. de Corvo, quem Noe ex Arca emiserat, dicitur: *Egre diebatur & non revertebatur, donec siccarentur aqua*; licet nec postea unquam regressus sit ad Noe.

Noe. Sic psal: 113. legimus: *Oculi nostri ad Dominum Deum nostrum donec misereatur Nostri*: Nec tamen per id denotatur, post factam Miserationem, oculos à Deo averos fuisse. Appellatur quidem Virgo Maria Conjux Joseph, sed unicè ob desponsationem: sicut Joseph, Pater Christi dicitur (*Ecce Pater tuus & Ego, dolentes querebamus te. Luc: 2. v. 28.*) quòd curam ejus sibi commissam habuerit.

88. 3. Producent illud: *Peperit Filium suum Primogenitum. Mat: 1. v. 12.* Verùm qui primis quantumvis labris Idioma libavit Hebraicum, intelligit, etiam Unigenitum, Primogenitum hac linguâ nuncupari. Sic Numerorum c. 18. Post unum mensem à Nativitate jubebatur in Lege redimi Primogenitus, tametsi postea nulla præterea Proles subsequeretur. 4. Blaterant, ex eo, quod fiat mentio in Scriptura Fratrum Christi Domini, colligi posse, plures ex Maria Filios procreatos fuisse. Ast quis vel micam sanæ mentis habens, non advertit, Fratres Christi non naturâ sed Cognatione tales vocitari? Quinimo S. Hieronymus (circa Annum Christi 372.) in cap: 12. Matt: Scribens, etiam eos gravissimè reprehendit, qui existimabant, Josephum ante Sanctissimam Sponsam suam Mariam, aliam habuisse Uxorem, atq; ex ea Filios genuisse. Sic enim citatò loco Scribit: *Quidam, Fratres Domini de alia Uxore Joseph Filios, suspicantur, sequentes deliramenta Apocryphorum, & quandam Escham mulierculam consingentes. Nos autem, sicut in Libro, quem contra Helvidium scripsimus,*





B. VIRGINIS MARIÆ.

§. I.

DE CULTU B. V. MARIAE.

90. GLORIOSISSIMA VIRGO MARIA, POST DEUM ET CHRISTUM DOMINUM, SUMMOPERE COLEND. S. Athanasius ( circa An: Christi 320. ) in Evang: de Deipara, sic Eam laudat: *Omnes Angelorum & terrestrium Hierarchie, manus extollentes, ei acclamant.* Et Novatores contumeliosis dicteriis affici-

afficiunt! S. Basilus Orat: ad Deiparam (circa An: Christi 360.) sic Eam salutat: *Ave Dei splendidissimum & luculentissimum Vas, Ave Domina Maria Gratiâ plena.* Et Novatores Salutationes ejusmodi aspernantur! S. Augustinus (circa An: Christi 390.) Serm: seu Tractatu de Assump: Virg: Sic Eam veneratur, ut priusquam laudare inciperet, Specialem ad id, Dei Benedictionem postulaverit, dicens: *Per quam te quaeso Domine, quia per illam bona cuncta tribuis, ut me inoffensè de tanta Sanctitate loqui tribuas.* Et Novatores laudibus ejus indignantur! S. Basilus Seleuciens. Orat: 39. exclamat: *Quo laudum flore debitam illi plectemus Coronam? Ex ipsa enim flos germinavit, Genusq; nostrum gloria & honore coronavit. Quæ digna satis in eam munera conferemus? Nam si de aliis S. Paulus dixit, Quibus dignus non erat Mundus (ad Hobræ: 11. v. 38.) quid dicemus de Deipara? quæ tantò supra omnes Martyres resplenduit, quanto stellas præfulgurat Sol.* Et S. Joannes Damascenus in Menæis Græcis 27. Janu: Ode 1. de B. V *Salve ò Domina! decies millies horum vocabulis digna.* Et ibidem Ode 9. *Salve portus serene, salve dulcissimum Mare, quod Pharaonem Spiritualem in profundum demergit: amor tui suâ me violentiâ cogit, ut sonanti voce perpetuas tibi Salutationes cumulare non desinam.* Ast Novatores ægerrimè ferunt, quòd Salutationem Angelicam *Ave Maria &c.* toties ingeminemus!

91. Et S. Sabbas apud Menæa Græca 3. Janu. Ode 9. *Venite, atq; omnes mentibûs puris, intaminatisq; labiis gloriosè laudemus illam Emmanueli*

*intemeratam, & super omnes Virgines purissimam Matrem, Sacrificia Deo ex illa nato, per eandem offerentes. En Orationes nostræ Christo per Virginem Mariam sunt offerendæ. Et iterum ibidem 5. Janu: Ode; 9. Illam, quæ est Mater supra naturam, sed Virgo secundum naturam, illam ajo Benedictam inter Mulieres, ex debito in hymnis magnificamus, quicunq; de Fidelium numero sumus. Doctor Sancte! igitur Fidelibus non annumerandi, qui eam colere abnuunt? O! quid censendum de iis, qui & contumeliis proscindunt? Et S. Theophanes ibidem 9. Feb: Ode 1. O! ab omnibus certatim laudata Virgo! En! commune semper Christianis studium fuerat colendi Dei Matrem. Et S. Bernardus in illud; Signum magnum &c. Amplectamur Mariæ vestigia, & devotissima supplicatione beatissimis illius pedibus provolvamur. Adversarium quem provolutiones ejusmodi Idololatriam vocitant! Et idem Serm: de aquæ ductu: Totius medullis cordium, totis precordiorum affectibus & votis omnibus Mariam veneremur: quia sic est Voluntas ejus, qui totum nos habere voluit per Mariam. En! Voluntati Divinæ eò conformamur exactius, quò gloriosius B. Virginem veneramur.*

92. Meritò proinde devotissimus ille Cardinalis Gofridus Serm: 8. omnes Christi Fideles ad laudandam animosè Deiparam inflammat, dicens: *Nihil in hujus Virginis laudibus habitemus, honorat siquidem Filium, qui laudat Matrem: sine cujus laude Deo placere impossibile est; & cum laude ejus Ei displicere nemo potest. Hanc igitur Sanctissimam & Admirabilem Virginem laudemus: quia Vir-*  
ginis



ginis Filio placere sine Virginis Matris laude non possumus  
 Diligamus eam sicut charissimam Domini Matrem, quam  
 Ipse diligit ut propriam Carnem. En! qui Mariam ho-  
 norat, Christum honorat; qui Mariam spernit,  
 Christum spernit. Et S. Joannes Euchaita Græcus  
 in Menæis 30. Janu. Ode 1. Canonis primi:  
*Te tanquam amabile cunctorum Mortalium Decus cele-*  
*lebramus universi hymnis cantandis, in unum veluti*  
*labium, unamq; vocem collecti. Quasi dicat, con-*  
*sensum Populorum haberi pro laudibus Mariæ.*  
 Et S. Ildephonsus lib: de Virginitate c. 1. sic  
 Virginem Matrem affatur. *Beata Fidei nostræ, be-*  
*ata tu Animæ nostræ, beata dilectioni nostræ, beata*  
*preconis & prædicationibus meis: Prædicem te donec*  
*prædicanda es; laudem te donec laudabilis; serviam,*  
*donec serviendum Gloriæ tuæ.* Sed ne longior sim,  
 concludat jam piissimus ille Petrus Cellensis  
 lib: 6. Epist: 23. dicens: *Mallet non habere lin-*  
*guam, quàm aliquid dicere contra Dominam nostram;*  
*aut eligere, non habere Animam, quàm vellem ejus*  
*extenuare Gloriam.* Outinam tam Sancti tam Do-  
 cti Viri Sententiam, haud perfunctoriè expen-  
 derent Adversarii!

93 PRETIOSISSIMA DEI GENITRIX  
 MARIA, NUNQUAM SATIS DIGNE à  
 NOBIS COLI ET LAUDARI POTEST.  
 Hinc S. Augustinus Serm: 18. de Sanctis: *O be-*  
*ata Maria! Quis tibi dignè valeat jura gratiarum ac*  
*laudum præconia rependere, quæ singulari tuo assensu,*  
*Mundo succurristi perduto? Quas tibi laudes fragilitas*  
*humani generis persolvat, quæ solo tuo commercio re-*  
*cuperandi aditum invenit. Accipe itaq; quascunq; exiles*

quascunq; Meritis tuis impares gratiarum actiones, & cum susceperis vota, culpas nostras orando excusa. Et S. Petrus Damianus Serm: 2. de Nativ: Virg: Qualiter eam laudare poterit mortalis hominis transitorium verbum, quæ illud de se protulit Verbum, quod manet in æternum? Et paulò inferiùs: Cum Beatissimæ Genitricis Dei laudes scribere volumus, nulla invenimus Verba, quibûs ad hæc dignè exprimenda sufficere valeamus. Adversarii autem existimant, nos plus æquò laudare Mariam! Et Joannes Damascenus Orat: 1. de Assumptione Virginis sic differit: Hanc non hominum lingua, non Mundò sublimior Angelorum Mens, sat dignis laudibûs efferre potest, per quam Domini Gloriam perspicuè intueri nobis datum est. Et iterum Orat: 2. de Assump: Tametsi nemo sit mortalium, qui Sacrosanctum Dei Genitricis Discessum pro dignitate laudare potest, Tamen quoniam Deo gratum est, quod pro viribus fit, atq; ex amore & zelo, probaq; voluntate offertur, gratq; Dei Matri sunt ea, quæ Filio grata atq; accepta sunt, eam rursus laudare aggrediamur. Et S. Joseph Confessor Græcus in menæis 15. Aug: Ode 9. Illa creatura unica est ab omnibus nævis intacta, quam omnes hominum linguæ in unum collectæ, Angelorum item omnium Ora, prædicatione digna prosequi nequeunt. Et ibidem S. Joannes Euchaista Ode 9. Maximarum laudum tuarum patentissimus Campus me in angustias redigit Domina, & Orationem meam ubertate rerum dicendarum suffocat. Et S. Germanus Serm: de nativ: B. V. Qui per omnia laudare te nequit, assiduè te prædicans, mentis debitum persolvere conatur: cùm enim multorum debitor repen-  
dere

dere ac paria facere non potest, gratiarum actionem  
accumulat. Adhucnè obftrepunt Adversarii, nos  
Virginem Mariam venerari nimis?

94. BEATISSIMÆ MATRIS CUL-  
TORES ET LAUDATORES SUPERNIS  
à DEO PRÆMIANTUR MUNERIBUS.

Hoc testantur, tot linguæ, quotquot Viri fu-  
ère Sancti. Exem: causâ S. Anselmus lib: de  
Excellentia Virginis c. 4. Cui datum est dulci stu-  
dio sæpe posse cogitare de B. Virgine, magnum is pro-  
merendæ Salutis habet indicium. En! Signum Præ-  
destinationis est, B. Virgini devotum esse. Me-  
ritò proinde Græca canit Ecclesia 8. Aprilis.  
Ille, qui ex visceribus tuis, O Virgo Beata! carnem  
assumpsit, te sub cruce, lacrymâ cum acerbissimo do-  
lore conjunctis perfusam aspiciens, vim miserationis  
incredibilem sensit. Unaq; luctui suo velut Solatii vo-  
rem aspergens, clara te voce affatus est: Desine lacry-  
mari, licet enim sponte mea & patiar & moriar, paulò  
post tamen à mortuis resurgam, ut glorificem omnes,  
quicunq; te laudibus venerabundi celebrant. Et rur-  
sus in præfatis Menæis 3 Aprilis Ode 9. Quem  
tu Imbrem de Cælo ut vellus excepisti in utero, eum  
ita dulcem peperisti, ut ille omnibus Ambrosiam seu  
nectar quoddam exhiberet, omnibus inquam, qui illum  
adorant, & te ceu Genitricem illius, omnium linguâ  
collaudatam magnificant. En! quàm fœavis est Do-  
minus omnibus Matrem suam colentibus.

95 Pulcherrimè hac de re Celeberrimus  
ille Græcorum Doctor & Martyr S. Theopha-  
nes ibidem 16. Janua: Ode 3. O omnium celebra-  
ta vocibus Virgo! Te Sol multò se illustriorem agno-  
scit,



*scit, utpote ex quâ prodiit indutus hominem Deus, qui Cultores tuos usq; ad lumen suæ Divinitatis exaltat. Similiter & S. Josephus Græcus 6. Martii Ode 4. Tuæ gloriæ magnitudinem celebrantes, immortalium in Altissimis præmiorum Hæreditatem obtinuerunt. Et Richardus à S. Lauren: lib: 10. de Laud: Virg: applicans Matri Dei illud psal: 88. Et edificabo in generationem & generationem Sedem tuam, scribens ait: Adhuc autem non cessat hæc sedes quodammodo edificari: quia ad Honorem ejus quotidie novæ Ecclesiæ edificantur, & nova Altaria Deo dicantur: & quæ inveteraverunt, renovantur; & ad ostendendam ejus Gloriam, à modernis de Ea, S. Scripturæ multipliciter exponuntur. Et ideo dicit illa: Qui elucidant me, Vitam æternam habebunt.*

96. Nec solum Doctores, verum & universus per tot Sæcula Christianus Populus, singulari semper erga B. Virginem ferebatur veneratione. Patet id, tot præter Historiarum Monumenta, etiam ex antiquissima ac Solennissima Festorum Deiparæ celebratione. Ante mille Annos & aliquot Sæcula, Festo Annuntiationis Orationem de B. Virgine habuit S. Athanasius. De Festo Purificationis Mariæ exstant Orationes Amphiloerii, Gregorii Nissenii, Chrysostomi, Cyrilli Alexandrini &c: coram conferta multitudine habitæ. Ut videre est apud Laurentium Surium & alios. Festi Nativitatis B. Virginis, inter alios complures meminit S. Petrus Damianus, qui tres de hac Solennitate publica, conscripsit Sermones. Et ante eum Gregorius Officium de Natali Mariæ Virginis, pro die 8. Sept: annotaverat. De Festo pariter

pariter *Assumptionis* ab omni Christiano Populo celebrari solito mentionem facit Gregorius in Antiphonario. Et inter Hieronymi Opera, insignis de Feste Assumptionis Sermo reperitur. Cui deest tempus aut commoditas, Antiquitatem Cultûs ac Invocationis B. V. Mariæ in Libris indagandi; hic tot saltem antiquissimas ejus Imagines, tot inscriptiones, tot Ecclesias Nomine ejus insignitas, defixo obtutu contempletur.

## OBTRUDUNT ADVERSARIÏ

97. Verùm talia quæ nihil ponderis habent. Centuriatores hîc Magdeburgenses, prout & alii, sunt inconstantissimi. Mox fatentur, Patrum hac in parte dari consensum, sed errasse omnes. En pervicaciam! Omnes Christianitatis per tot Sæcula Doctores (tamen doctrinam suam eximia Vitæ Sanctimoniâ, tot Signis de Cælo, alii etiam Sanguine suo, Christi & veritatis amore, profuso confirmaverint) cum universo Populo errârunt, Scripturam minimè intellexerunt: Lutherus duntaxat cum Calvino suisq; asseclis sapiebat! Et quidem ideo, quòd sic dicant, sic velint, stat pro ratione voluntas. Mox asserunt, talia à maligno Spiritu, Patrum Libris inserta fuisse. Sed quare? quod fundamentum? Nihil rationis habent, præterquam quòd ita se rem habere velint. Nonnulli etiam Sententias quoddam præsertim Ambrosii & Epiphanii in medium

dium producant, quod Deus solus sit adorandus. Verum omnia non ad rem: cum nemo dubitet, Deum solum cultu Divino adorandum esse.

## §. 2.

### *De Invocatione B. V. Mariæ.*

98. Invocationem Sanctissimæ Dei Matris semper inter Christianos, etiam in primitiva Ecclesia floruisse; atq; pro medio omnino salutari habitam; necnon innumeris experiētiis ac Beneficiis comprobata fuisse, unanimi consensu SS. Pates attestantur. Exem: causâ S. Irenæus (Annô Christi 179.) lib: 5. contra hæreses, ultra medium, sic scribit: *Sicut illa (Eva) seducta est, ut effugeret Deum, ita hæc (Maria) sua est obedire Deo, ut Virginis Evæ, Virgo Maria fieret Advocata* Quid clariùs? Novatores tamen agnoscere eam, Advocatam & Patronam apud Deum obstinatè reluctantur! S. Athanasius (circa An: Christi 320.) Serm: in Evang: de Deipara, sic alloquitur Virginem: *Inclina aurem tuam (Maria), in preces nostras, & ne obliviscaris populi tui.* Et infra: *Ad te clamamus, recordare nostri Sanctissima Virgo.* Et iterum: *Intercede Hera, & Domina, & Regina, & Mater Dei pro nobis.* Quid clariùs? Attamen Novatores Patrocinium ejusmodi aspernantur! S. Augustinus (circa An: Christi 390.) Serm: de Assumpt: Virg: sic orat: *S. Maria succurre miseris, juvâ pusillanimes, refove debiles, ora pro Populo &c.* Quid clariùs? Et Novatores, similes Catholicorum preces Idololatriam vocitant!



99. Adverte etiam hic Lector benevole, quàm turpiter Martinus Cernitius, unus de præcipuis Novatorum Scriptoribus erraverit, qui in suo Examine Concilii Trid: Sess: 25. ausus est exarare, Authorem Invocationis B. Mariæ fuisse Petrum Gnaphæum, qui vixit circa Annum Domini 480. Et Invocationem Sanctorum, primum post Augustini tempora sumpsisse initium. Imo nec consequenter incedunt mendacia. Ordinariè enim obstrepunt, Consuetudinem colendi & invocandi Sanctos, fuisse quid è Paganismo, adeoq; à primis Christianis retentum; alibi autem volunt, eam post Annum 480. primum cæpisse. Verbò, non constat sibi Falsitas.

100. Sed aliquot adhuc Veritatis Catholicæ Testimonia expendamus. Synodus 7. Generalis act: 6. docet: *Cum timore omnia agamus, postulantem Intercessionem incontaminatæ Deiparæ, item SS. Angelorum, omniumq; Sanctorum.* Et Gregorius Nazianzenus Orat: in Cyprianum, testatur de quadam Virgine ope Sanctissimæ Mariæ à Dæmone liberata, dicens: *Virginem Mariam rogavit, ut periclitanti opem ferret &c.* Et S. Fulgentius Serm: de laudibus B. V. *Ideo cursus nature Virgo Maria in Domino nostro JESU Christo suscepit, ut omnibus ad se confugientibus subveniret.* Et S. Anselmus lib: de Excellentia B. V. cap: ultimo: *Rogamus te Domina, per ipsam Gratiam, qua te Pius & Omnipotens Deus sic exaltavit, & omnia tibi secum possibilia esse donavit, quatenus id ipsum nobis impetres & obtineas, ut plenitudo Gratiæ, quam merui-*

meruisti, in nobis sic operetur, quo participium beati Premii nobis misericorditer quandoq; donetur. Et S. Sophronius Patriarcha Constantinopolitanus in Menæis Græcis 8. Janu: Ode 1. Os ego aperiens, intemerata ô Domina! tuas moderari laudes promiseram, quia genuisti Sapientiam, à se ipsa subsistentem. Verùm quoniam te, ut par foret, nequeo predicare, inde perficiendo conatui, in eo Auxilium tuum imploro. Et rursus Ode 3. Me tuum in hymnis laudatorem, qui indignas veniâ culpas admisi, dirige ad ambulandam penitentia viam: O quæ peperisti Verbum quod tollit peccata Mundi! Et S. Basilii Seleuciensis: Orat: 39. Cum multa bona, quæ nostra Oratio non possit assequi, Deipara operâ nobis contingant, eam benè merenti vicem rependamus, quæ in nos reciprocetur.

101. Et S. Bernardus Serm: 2. super Missus est: In periculis, in angustiis, in rebus dubiis, Mariam cogita, Mariam invoca. Non recedat ab ore, non recedat à Corde: Et ut impetres ejus Orationis suffragium, non deseras conversationis Exemplum. Ipsam sequens non devias, ipsam rogans non desperas, ipsam cogitans non erras, ipsa tenente non corruis, ipsa protegente non metuis &c. Et S. Theophanes Martyr in Menæis Græcis 9. Feb: post Oden: 9. Laudem cum Gratiarum actione conjuncta, velut duo Viduæ illius minuta, offero tibi O Domina! pro omnibus Beneficiis mihi collatis. Tu enim es cognitissima mihi Tutela atq; Subsidium, cujus Intercessione omnes semper insultus atq; arumnas evasi. Et S. Josephus Confessor ibidem 3. Janu: in Matutinis Ode 3. Deipara! quæ existis fons vivus atq; prædices illis

qui decantandis tibi Laudibus insudant, confirma  
quam de te habent existimationem, ac tandem glorio-  
sis in Cælo Coronis dignare. Et iterum 3. Janu,  
Idoneas Canticis Tubas inflemus: quippe de Cælo pro-  
spiciens universorum Regina, suarum laudum Declama-  
tores benedictionibus coronat.

102. In Liturgia, quæ dicitur esse S. Jacobi Apostoli, antiquissima, hæc habentur: Commemorationem agamus Sanctissimæ immaculatæ, Gloriosissimæ, benedictæ, Domine nostræ, Matris Dei & semper Virginis Mariæ, & omnium Sanctorum, & Justorum, ut precibus atq; Intercessionibus eorum, omnes Misericordiam consequamur. In Liturgia S. Basilii Cæsariensis: Sanctissimæ & intemeratæ Dominatricis nostræ, Dei Genitricis & semper Virginis Mariæ, cum omnibus Sanctis, memorantes, nos ipsos & adinvicem, atq; omnem Vitam nostram Christo Deo commendamus. In Liturgia S. Chrysostomi: Precibus Sanctissimæ Deiparæ Virginis, Servator serva nos. Et: Sanctissimæ, intemeratæ, & super omnes benedictæ, gloriose Domine nostræ, Deiparæ & semper Virginis Mariæ memoriam agamus &c. In Missa, qua utuntur Æthiopes, estq; perantiqua, & habetur Tom: 6. Biblioth. SS. PP. cujus Author fuisse dicitur Sanctus Matthæus Apostolus, sic habetur: *Letare immaculata verè Regina! Letare gloria nostrorum Parentum! quia peperisti nobis Emmanuel: O verè Mediatrix ante Dominum nostrum Jesum Christum! Te supplices exoramus, ut memor sis nostri, ora pro nobis, ut deleantur iniquitates nostræ.*

103. Isti autem (aliiq; innumeri) Viri e-  
rant



rant Sanctitate Vitæ & Prodigijs conspicui, simulq; doctissimi pariter ac Zelosissimi Christi Salvatoris Prædicatores, qui cum tanta Emphasi, & quidem communi Christianitatis per tot Sæcula Sensui insistendo, de Cultu & Invocatione B. Virginis sunt locuti. Abundè tantis Viris Disparitas inter Christi Mediationem ac interpellationem pro nobis, & Intercessionem Virginis Mariæ, aliorumq; Sanctorum, perspecta erat. Sciebant plus quàm satis, Interpositionem Salvatoris in tali Oratione consistere, quæ Redemptionem à morte æterna, Satisfactionem condignam pro peccatis nostris, & meritum Gratiae & Gloriæ, nec non Divinam, hæc dandi potentiam, adjunctam habeat. Quod Christo duntaxat, & nullatenus B. Virgini tribuitur: cum ejus Intercessio, sola sit pro nobis apud eundem Dominum nostrum Jesum Christum Supplicatio.

104. Numquid Christus ipse, immensam inter Se, suosq; Discipulos Differentiam non agnoverat? Et nihilominus sicut se Joan: 8. v. 14. *Lucem Mundi* appellavit: verùm Significatione toto Cælò diversa. Pariter & Nos Matrem Christi, Mediatricem, Auxilium, Tutelam, Advocatam &c: nuncupamus; sed non eo sensu (avertant Superi!) quo ipsimet Salvatori similia in sacro Codice tribuuntur Vocabula. Optimè notum erat memoratis Ecclesiæ Doctoribus, Virginem Mariam non esse omnisciam aut Omnipotentem, nec posse Naturæ viribus omnium necessitates cognoscere

scere aut sublevare: ac proinde Notitiam precum & indigentiarum nostrarum, tribuebant Eidem, non aliter, nisi per Deum elevantem & revelantem; Potentiam verò in Oratione & Interpositione constituebant.

## OBTRUDUNT ADVERSARI.

105. *indò*, Merum effugium, commentando; Patres per figuram Protopopei locuto fuisse: Sicut etiam Cælum & terram ac Mortuos, loquentes inducere consuevimus. Verum Commentum hoc prorsus est ridiculum. Sic etenim Invocatio B. Virginis promovetur à Patribus, ut Ejusdem quoque Auxilium promittatur. Deinde non inter declamandum præcisè, sed & docendum, Invocatio hæc, & quidem tam studiosè, tam nervosè persvadeatur & inculcatur.

106. *adò*, Male sanum adversus Antiphonam illam, *Salve Regina &c.* Odium: Inter omnes siquidem Orationes, quas ad Virginem Mariam, & per eam ad Divinum Filium suum dirigimus, nulla magis quàm præfata Antiphona displicet Novatoribus. Sed quàm iniquè, vel ex ipsa ratione, quam è Lutheri Scriptis depromunt, colligitur. Porro hæc est: Quoniam ibidem Denominationes ejusmodi Mariæ applicantur, quæ Deo in Sacris Literis tribuuntur. Respondeo, quid tum? modò vocabula de Deo dicta, longè quid excellentius significant. Nonne Christus in Scriptura di-

citur Magister, Pater, Episcopus, Pastor &c: tametsi hæc etiam Apostolis, imo & aliis passim tribuantur? Utique Christus Joan: 1. dicitur *plenus Gratiâ*; & Luc: 1. Maria quoque ab Angelo, *Gratiâ plena* enuntiatur: Ast Sensu omnino diverso. Pariter de omnibus aliis vocibus B. Virgini dari solitis sentiendum. Verbô, manifestæ ineptiæ sunt, quidquid Adversarii contra Cultum & Invocationem Inclytæ Dei Matris conglomerant. Ut autem Pertinacia erubescat magis, singula memoratæ Orationis verba, Virgini Beatissimæ appositè convenire demonstrabo.

## §. 3.

## S A L V E R E G I N A &amp;c:

*Contra Obtrectatores peculiariter defenditur.*

107. 1. Rectè dicimus, *Salve Regina*. Hæc etenim vocula, *Salve*, æquivalet illi Angelicæ Luc: 1. *Ave. Regina* quoque Virgo Maria meritò appellatur. Si enim est vera Regis Regum Mater, Titulum hunc meretur specialiter. Pervicaciam confundat. Antiquitatis Sensus. *Sufficere debet notitiæ humanæ* (inquit Augustinus Sermon: 35. de Sanctis.) *hanc verè dici Reginam Cælorum, pro eo, quòd Regem peperit Angelorum.* Basilii & Chrysostomi crebrius eam, *Dominam nostram* vocant. Hieronymus quoque in Mathæum, sicut & Epiphanius de Laud: Virg: & alii communiter docent, Mariæ Etymon ex Syro Sermone, *Dominam* esse: item *Maris stellam* &c: Ephrem



Ephrem Orat: de B. V. *Reginam omnium, Dominam, Principem, Reginam præstantissimam, & perquam benedictam Dominarum Dominam purissimam appellat.* Et Rupertus lib: 3. in Cant: 4. exclamat: *Veni, coronaberis: ita coronaberis, ut in Cælo Regina Sanctorum, & interris Regina sis Regnorum.* Communiter Beati in Cælo, Reges nuncupantur, juxta illud: *Beati pauperes Spiritu, quoniam ipsorum est Regnum Cælorum. Mat: 5. &c.* Et Adversarii Beatorum Beatissimam Reginam esse pernegant! Sed & quis duro Cordi non indignabitur? Dissidentium Ministri, doctrinæ sui Lutheri insistentes, & illud S. Petri, *Vos Regale Sacerdotium*, perversè interpretantes, palam docent, cunctos Baptizatos, veros Præbyteros & Reges Spirituales esse; Matrem autem Christi, Reginam compellare dedignantur! Nonne, oppugnare Honorem Virginis esse insanire, benè dicimus?

108. 2. *Mater Misericordiæ* nominatur: tum quòd sit Mater Christi, per quem Misericordiam à Deo consecuti sumus; tum quòd locutio hæc juxta phrasim Hebraicam, idem significet ac Mater misericors: misericordiam siquidem à Deo nobis impetrat. 3. *Vita* appellatur: non per essentiam, sicut Deus, sed quia Christum peperit per quem spiritualiter vivimus. Et si Eva, prima Mater, ex Hebræo vita dicitur, eò quòd sit Mater viventium; potiori id jure Matri Salvatoris nostri utiq; tribuendum. 4. *Dulcedo*, propter innumera Beneficia per Intercessionem suam nobis præstita.

præstita. 5. Dicitur, *Spes nostra salve*: non quasi in ea Spem nostram principaliter & tanquam in Fine ultimo collocemus; hoc enim soli Deo competit: (& ideo Hieremiæ 17. habetur: *Maledictus Vir qui sperat in homine, & à Deo recessit Cor ejus.*) Sed quòd speremus, per interpositionem hujus Deo gratissimæ Virginis, multa nos à Deo & Christo impetraturos.

109. 6. *Ad te clamamus exules filii Eviæ ad te suspiramus gementes & flentes in hac lacrymarum valle.* Id est: tuam apud Salvatorem, intercessionem imploramus. Si enim Apostolis sano sensu tribui potest, quòd salvent homines, videlicet per Prædicationem (juxta illud ad Rom. 9. *Omnia omnibus factus sum, ut omnes facerem salvos.*) Igitur & Matri Dei: nimirum per Orationem ac Interpositionem. Et ideo (7.) additur: *Eja ergo Advocata nostra, illos tuos misericordes oculos ad nos converte, & Jesum Benedictum fixum ventris tui, nobis post hoc exilium ostende: O clemens, o pia, o dulcis Virgo Maria.* Quis hic non videt, omnia principalissimè ad Christum Jesum referri? Quis non videt, quàm levibus nitantur fundamentis homines illi, qui B. Virgini & Ecclesiæ impropere non verentur?

110. Sed impudentiam nuper natam Antiquis Ecclesiæ Doctor S. Ephræm (utinam salutariter!) confundat, qui circa Annum Christi 370. florens, tantæ fuerat claritudinis in Christianitate, ipso Hieronymo teste, ut Scripta ejus post Divinas Literas, publicè in Ecclesiis legerentur. Hic Oratione de Laudibus

87

bus Mariæ, quæ exstat in Tomo 8. Aloysii Lipomani, sic loquitur: *Intemerata, prorsusq; pura Virgo Deipara! Regina omnium, Spes desperantium Tu prorsus procellis vexatorum, solatium Mundi, carcere clausorum Liberatrix, Tu orphanorum Susceptio, tu captivorum Redemptio, tu agrotantium Exultatio, & omnium Salus; sub alis tuis custodi me, & protege, miserere mei, qui sum lutô inquinatus* &c. Et infra: *Ave Pax, Gaudium, & Salus Mundi.* En, quanta antiquitus de B. Dei Genitricis sano sensu dicebantur! Et Sensum hunc ipsimet facile assequerentur Dissidentes, nisi pertinaciter, esse vellent Novatores.

\*\*\*\*\*

## DEFENSIO QUARTA

### B. VIRGINIS MARIÆ,

*In qua Cultus & Invocatio ejus, Praxi, Zelo, & Devotione  
Piiſſimorum Imperatorum, Regum, Principum,  
Exercituum, ac Civitatum, confirmatur.*

III. Exstant Imagines B. Mariæ Virginis, quas S. Lucas pinxerat, manifestum ac perpetuum Cultûs & Invocationis hujus Gloriosissimæ Matris, à temporibus Apostolorum ad nostra usq; Florentis Documentum. Quarum una Constantinopoli olim ab Imperatoribus; deinde in Polonia Czæstochoviæ in Claro Monte, à Regibus & Regni Proceribus, propter innumera ibidem patrari solita Miracula, ad præ-



ad præsentem Diem, cum insigni Inclytæ Virginis honore, in veneratione habetur. Harum Imaginum Theodorus Lector (qui ante mille, centum, & ampliùs Annos vixerat) lib: 1. Collectaneorum meminit, Sicut & Nicephorus lib: 14. Hist: c. 2. Et Simeon Metaphrastes in vita S. Lucæ. Res mira! Tametsi Adversarii his aliisq̃ antiquissimis Historicis, in Rebus politicis, & quæ sunt hujus Mundi, perlibenter assentiri consueverint (aliàs enim nullâ prorsus Antiquitatis notiâ pollerent) illa tamen quæ Religionem ac Pietatem sapiunt, pro fabulis reputant. Quare? Nihil aliud, existimo, nisi Spiritualium rerum Contemptum, nec non sentiendi, atq̃ negandi, quidquid Ecclesia Catholica affirmat, Libidinem in causâ esse.

112. Anno Christi 330. Constantinus M. Imperator, Urbem Constantinopolitanam cum Bizantii fundâsset, Episcopos qui ad Nicænam Synodum convenerant, advocavit, ut suis precibûs nova ædificia confirmarent, & Civitatem hanc Sanctissimæ Dei Genitrici dedicarent. Sicut testatur Zonaras lib: 3. Annal: Et Nicephorus lib: 8. Histor: Ecclesi: c. 26. Antehac verò circa An: Christi 300. ubi Fides Christiana, M. Constantini Patrociniò liberius se explicuissset, S. Helena Augusta Palestinam peragrans, & ex monte Thabor, Orientem versùs descendens, pervenit Nazareth, ubi inventa Salutationis Angelicæ Domo, Dei Genitrici peramænum excitavit Templum. Nicephorus lib: 8. c. 30.

113. Ann<sup>o</sup> Christi 431. profligato per Decretum Concilii Ephesini, Impio illo Christi ejusq; Matris Hoste (Mariam siquidem negabat esse Deiparam) Nestori<sup>o</sup>, Pulcheria Augusta insignem Ecclesiam sub Nomine Sanctissimæ Dei Genitricis, in perpetuam reportatæ ex Hostibus ejus Victoriæ memoriam, extruxit Constantinopoli. Et Deiparæ Imaginem, Hierosolymis ab Eudocia submissam ibidem collocavit. Nicephorus lib: 14. c. 2. Quam postea Ecclesiam mole sua labantem Justinianus Imperator restauravit.

114. Porro pietas hæc, exstruendi videlicet Deo Tempia sub Nomine & in honorem Deiparæ, sicut est Antiquissima, cumq; ipsa Christiana Religione nata, ita & universalis per tot Sæcula, piissimisq; Principibûs communis semper fuerat. Ut proinde S. Antoninus part: 4. tit: 15. c. 24. meritò scripserit: *Generatio Electorum Ecclesiæ, Beatissimam dicit Virginem, ex multitudine Ecclesiarum dedicatarum sub Titulo ejus per totum Orbem. Quæ Civitas? quod Castrum? quæ villa est? quæ non habeat Ecclesiam, & solenniore, in ejus Nomine fabricatam.* Cæsaraugustæ in Hispania, à S. Jacobo Apostolo Templum Deiparæ est positum. Cujus rei Historiam narrat Petrus Antonius Berterus in Chron: Hispa. c. 23. Quod à multis Sæculis, infinitis propè claret Miraculis. Ut complures testantur gravissimi Historici.

115. In Æthiopia a Francisco Alvarez (qui hæc literis mandavit, quemq; Thomas Bozius lib:

lib: 9. c. 9. de Signis Ecclesiæ, vocat Scriptorem Fidei integerrimæ) visum est Templum, à Candace Æthiopum Regina in Auxumo, magnificentissimè in honorem B. Virginis Mariæ constructum, & Miraculis olim nobilitatum. Quamvis autem omnes Æthiopum Reginæ, teste Strabone, Candaces nominarentur, asserunt tamen Æthiopes, Reginam, quæ Templum istud posuit, illam fuisse, cujus Eunuchus Baptismò lustratus est à Philippo Apostolo. Act. 8.

116. In India quoque Orientali Vetustissimæ cernuntur Ecclesiæ B. Virginis quarum una Cranganore, ab uno è tribus Magis, qui Stella duce ad Christum infantem adorandum venerant: instar illius, altera Calecutii, in honorem Deiparæ non longè post, est excitata. Quod certissimis Testimoniis compertum habetur. Narrat enim Hieronymus Osorius Alagabriensis Episcopus, nobilis Historicus lib: 1. de rebus gestis Emmanuelis Regis Lusitaniæ, Vascum Gamam Lusitanicæ Classis Præfectum, An: 1498. mense Majo appulisse Calecutium, celebrem Indiæ Urbem: cumque ad Regem visendum, in terram descendisset; in memoratum B. Virginis Templum antiquissimum, (ubi in magna veneratione habebatur Deiparæ Imago cum puero Jesu in ulnis) introductum fuisse.

117. Successu verò Temporis Devotio hæc in immensum pene excrevit. In una Urbe Roma, reliquarum facile Principe, restinctis Tyranno-



rannorum in Christianos persecutionibus, quadringentas Ecclesias sub Nomine Deiparæ constructas fuisse, Andreas Fulvius lib: de Antiquitatibus Urbis, memorat. In Hispania Jacobus Rex, ejus nominis primus, cognomento Expugnator, tribus Nobilissimis Regnis è Seracenorum manibus, ereptis, in Aragoniæ Regno, ad duo millia Templorum ædificanda & Deiparæ Nomine insignienda curavit. Teste Hieronymo Blanca in Commentario rerum Aragon: ad Annum 1235.

118. Circa An: Christi 446. sub Theodosio Juniore, Cyrus, adhuc Ethnicus, Præfecturam Urbis Constantinopolitanæ gessit: qui postea Christianis Sacris initiatus in Smyræorum Episcopum est promotus, erexit Ecclesiam in honorem Deiparæ, quæ Cyri Templum dicta, innumeris claruit Miraculis. Nicephorus lib: 4. Hist: c. 46.

119. Leo Senior Imperator Augustus (qui An: Christi 474. vivere desiit) duas Ecclesias in honorem B. Virginis, unam ad Fontem nuncupatam, alteram in ordine ad Vestem Deiparæ Hierosolymis allatam, reverenter servandam, erexerat. Ut idem testatur Antiquus Scriptor Nicephorus lib: 15. c. 24. Et Metaphrastes 15. Augusti. Imperator hic gloriosissimus etiam Orationem de Dormitione Mariæ concinnavit, in qua Exem: causâ sic loquitur: *Quæ lingue facultas, quod Orationis flumen, ad hoc Argumentum aliqua saltem ex parte dignè tractandum Sufficiet? Quod laudatissima illa, & donis omnibus circum-*  
*mularissima*

*mulatissima Hominum Angelorumq; Domina exhibet.* Attendite! auscultate! Quid Potentissimi totius Orientis & Occidentis, pariterq; Piissimi Imperatores, cum universo Christiano populo, in antiquissima Ecclesia, de Virgine Maria Senferint!. Eidem Imperatori, cum adhuc privatus degeret, à Deipara, voce cælitus edita, Imperialis Dignitas prænuntiata est, adjecto monitò, ut ædem sibi sacram, in qua omnibus precantibûs, Locumq; illum cum ardore & Fide adeuntibus, desiderata omnia præstaret. Quod & fecit. Ut scribit Zonaras in sua Historia. Et Nicephorus lib: 15. c. 25.

120. Justinianus Imperator & Mauritius ejus Successor, Eximii, Cultus & Invocationis Deiparæ fuerant Promotores. Etiam Festa Purificationis & Assumptionis Virginis Mariæ, (quæ ultra 200. Annos ante Hieronymi & Chrysostomi tempora, instituta legimus) Jure Civili confirmârunt, severè mandantes, ut ab omnibus & Singulis celebrarentur. Testatur id Paulus Diaconus lib: 16. Rerum Romanarum. Et Nicephorius lib: 17. c. 28.

121. In Græcorum Annalibus, à Theophane Græcè editis, & deinde ab Anastasio in Latinum translatis, exaratum, habetur, (ut superiùs innuimus) quomodo Constantino-  
polis, Urbs illa celeberrima, ab ipsius Constantini Magni, primi Imperatoris Christiani temporibus, Venerationi & Patrocinio B. Virginis Mariæ dedita & dicata fuerit; adeo, ut communiter Civitas Virginis diceretur. Cu-

ius proinde Maternam quoq; Protectionem,  
& quidem per manifesta Prodigia, Urbs hæc,  
priusquam à Romana Ecclesia per apertum Schi-  
sma defecisset, toties experta est.

123. Anno Christi 553. Narses Justiniani  
Imperatoris Dux Militiæ inclytus, qui Go-  
thos ferocissimos, diuturnis Victoriis insolen-  
tes penitus profligavit, & Italiam à periculo  
Arianismi in Libertatem asseruit, Deiparæ Vir-  
ginis adeo studiosus fuit, ut ejus intercessione  
ac peculiari Directione in Præliis instructus,  
grandes de hostibus Victorias retulerit. Vi-  
de Nicephorum & alios. An: Christi 544. gra-  
vissima lues pestifera, & quidem ab ipsis A-  
verni Incolis, visibili hominibus Specie ap-  
parentibus excitata, grassabatur Constantino-  
poli: Quæ exinde per universum fere Orbem  
diffusa est. Nulla medela nullum humanum o-  
pitulari valebat Remedium. Tum Principes  
cum universo Populo; Devotionem publicam  
ad Virginem Matrem, qua interpositionem e-  
jus apud Divinum Filium suum exorarent, in-  
stituerunt. Res mira! Supplicatione peracta,  
malum adeo manifestè detumuit, moxq; eva-  
nuir, ut propterea in honorem hujus clemen-  
tissimæ Matris, Festum Gratiarum actorum,  
perpetuis temporibus 2. Febru: celebrandum,  
Græci decreverint. Ut referunt eorum Ta-  
bulæ.

124. An: Christi 625. Belli verò Persici  
5to, Sain Dux Persarum, collecto ingenti E-  
xercitu, Constantinopolim obsidione cinxe-

rat,



rat. Quamobrem Heracitus Imperator, se, resistendo tantæ Potentiæ parem non esse animadvertens, una cum Suis ad B. Virginis Patrocinium confugit: Et successu perquam prospero. Hæc etenim Supplicatione publica effectum, ut Grando miræ magnitudinis, in Persarum Castra, cum vehementi procella depuens, Hostesq; prosteruens, Civitatem à diuturna obsidione liberaverit. Vide memoratas Græcorum Tabulas.

125. An Christi 717. Eadem Urbs precibûs B. Virginis ab Obsidione Saracenorum vindicata, postquam Imperator unâ cum præcipuis Proceribus, Deiparæ Imaginem per Mænia Civitatis solenni Processione circumtulissent. Memorant hæc Theophanes celebris Græcorum Scriptor, & Gregorius Epistolâ ad S. Germanum protunc Constantinopolitanum Patriarcham.

126. An: Christi 718. Pelagius Asturum Rex in Hispania, cum in prægrandi quadam Speculica unâ cum suis latens, præter spem, à Saracenorum 80. millium Exercitu circumventus, arctissimè cingeretur, ad Virginis Mariæ Patrocinium confugit. Vix Devotionem finiverat, bene animatus de Antro suo prorumpens, & aperto Marte dimicans, exigua Manu, 20. Saracenorum millia unâ cum Duce suo prostravit, Oppam Civitatem cæpit, reliquis omnibûs per inundationem aquarum, inter Montium prærupta funditus deletis. Totum id post Deum, precibus B. Virginis communi omni-

ni omnium consensu attributum; adeo, ut Memoria & Venerationi ejus Locus & Ecclesia, quæ ad hunc usq; diem, *Maria de Couadonga* nuncupatur, devota sit. Tudens. in Chroni. & Rodericus lib. 4. c. 2.

127. An: Christi 886. Andreas Dux Exercituum Piissimi Imperatoris Basilii, Copias suas adversum Saracenos eduxerat. Verum hi numero & robori suo confisi, fastuosissimas, multisq; contumeliis in Christum & Matrem ejus refertas Literas, quibus blasphemabant, nec Jesu Vires, nec Mariæ preces fore prævalituras, reposuere. Excanduit ad hæc, justò Zelo concitus Dux Christianissimus, & probrosam Epistolam Imagini B. Virginis Salvatorem manibus gerentis, appendens exclamat: *Vide O Maria Dei! Tuq; ipsius Fili & Deus, qualia nobis Barbarus iste arrogans exprobravit!* Mox arripere Suos Arma jubet, Castra Saracenorum invadit vincit, & Superbum Hostem ingenti victoriâ conterit. Testatur Curopalates, aliq; Historici Græci.

128. An: Christi 971. Devotissimus B. Virgini, Græcorum Imperator Joannes Zemisca, Patrocinio Deiparæ, commendatò solenniter Exercitu Suo, rebelles Bulgaros feliciter edomuit. Quo factò, Victor rediens Constantinopolim, & Eques incedens, Imaginem Virginis Mariæ in Curru triumphali deportari jussit. Multas deinde Ecclesias in honorem ejus erexit, & Magnificentissimè exornavit. Similem cum Deiparæ Imaginè Triumphum, Joannes

annes Comineus ob alios Barbaros debellatos, Annò 1123. celebraverat. Ut refert Curopalates.

129. De eodem Zemisca Imperatore, eximio Cultûs ac Invocationis B. Virginis Amplificatore testatur Cedrenus in Compendio Histor: quòd, cùm contra Scythas Bellum gereret, in ipso conflictu viderit quendam Cælestis formæ Virum Equo albo insidentem, & Scytharum Copias interturbantem, adeo ut confusi inter se hostes, in fugam sese præcipitare coacti sint. Qua ipsa horâ Piæ quidam Virgini Sanctimoniali, Constantinopoli existenti, Deipara per visum apparuit, mandans S. Theodoro olim Duci & Martyri: *Vade, & Joannem Devotum meum Imperatorem, quantocius defende.*

150. An Christi 1080. Ramirez Navarra Rex, eò quòd in loco quodam B. Virginis Imago corruscans primùm posthac verò multis Prodigis clarens, toto spectante Exercitu, inventa sit, ad perpetuam tanti Beneficii memoriam, Civitatem *Stellam* appellatam extruxerat. Res hæc è tot Scriptoribus toti Mundo patet.

131. Vel ipse Constantinus Copronymus Græcorum Imperator, Malitiosissimus Cultûs Mariani Persecutor, An: Christi 771. percussus Dei vindicis manu, & moriens errorem suum revocavit, præcepitq; ut exinde Maria tanquam Virgo Sancta, Dei Mater, & speciali Honore ac invocatione digna, ab omnibus coleretur.



132. Edbaldus tertii Anglorum Regum, & primi Christicolæ æthelberti Filius, Rex factus, Ecclesiam sub Nomine Deiparæ in Anglia exstrui curavit. Ejus verò Nepotis Lotharii pariter Regis Angliæ Uxor S. Sexburga, in Insula scapeia, Monasterium Sanctimonialium B. Virginis, quæ Cultum ejus promoverent, erexit, & tandem Seipsam iisdem aggregavit.

133. S. Henricus Imperator (qui obiit An: Christi 1024. & cujus memoria in Martyrologio Romano die 14. Junii recolitur) cum S. Cune-gunda Conjuge sua, adeo fuit studiosus in colenda B. Virgine, ut teste Nauclero, Generatione 34. quoties ingrediebatur Romam, primam noctem in Basilica S. Mariæ Majoris semper excubare solet.

134. Ludovicus Pius Caroli Magni Filius, multas Ecclesias in Virginis honorem erexit: eidemq; sic addictus fuit, ut, ne venatum quidem proficeretur, nisi Sacram Deiparæ Imaginem secum ferret, suasq; coram illa in media solitudine preces funderet. Crantius in Metrop: lib: 1. c. 10.

135. Circa Annum Christi 1170. Henricus 2dus Anglorum Rex singulis Sabbatis ab hora nona in proximam feriam secundam, singulis item Deiparæ pervigiliis, Iustitium Anglis imperavit, teste Rogerio in Annal: Anglorum.

136. Isaaci Angelus Imperator Constantinopolitanus Annò 1187. cum à Brana Tyranno exagitaretur, Dei Genitricis Imaginem ex

Hodegió Monasterio in Mænia Urbis, ubi hostis timebatur, transtulit, & cunctis Supplicantibûs, Aggressores vicit. Nicætas in Annal.

137. Illustris fuit victoria ab Alphonso 8. Castellæ Rege die 16. Julii An: 1212. in Bætica de Mauris, Christi virtute & Virginis intercessione parta. Ad Crucis enim ac Deiparæ Imaginis puerum Jesum gestantis, in Vexillo Regio depictæ, conspectum, immediatè fugati sunt Barbari, ut ipsemet Alfonsus literis ad Innocentium tertium Pontificem datis, sanctè testatus est.

138. Henricus septimus Imperator, non minùs Religione quàm Armis præclarissimus, noctes ceram Crucifixi imagine jejunos peccata deflebat, eosq; in Pietate progressus fecerat, ut quotidie communicaret. Is Festo Assumptionis B. Virginis die, omnibus negotiis liber, cælestium contemplatione vacabat: quo etiam die postea Annò 1313. piissimè mortuus est. In Annal.

139. Henricus Joannis Lusitaniæ Regis, eo nomine primi Filius, non solum bellica virtute, verum etiam vitæ Sanctimoniâ illustris, observantiâ in Dei Genitricem fuit singulari. Ut testatur Massæus lib: 1. Hist: Indicæ. Et Osarius lib: 1. de rebus gestis Emmanuelis. Is nova Orientis Maria, & ignotas ac longinquas terras explorandi cupiditate, & Cælesti etiam monitò per quietem sibi factò incitatus, Annò 1410. Opus aggressus est, & in ignotis antea Oris complura sub Deiparæ Nomine Templâ studiosè construxit.

140. Fridericus tertius Imperator pridie Assumptionis B. Virginis, cibò & vinò abstinēbat &c. In Annal.

141. Ludovicus secundus Rex Gallix Deiparam non vulgari devotione prosequēbatur: nam meridiano tempore per universum Regnum, campanam, ad Salutandam Virginem Mariam, pulsari imperavit: Bononiensem Comitatum cum oppidis eidem consecravit. Cumq; graviter infirmaretur, dixit, se non nisi die Sabbati Virgini sacro moriturum: quòd & factum 3. Augus. Annò 1483. Gvagninus lib: 3. de rebus Francorum.

142. Annò 3tio Henrici Imperatoris, Ottonis 3tii Successoris, S. Aufridus ex insigni Comite & Heroe fortissimo, urgente Populo factus est Episcopus Utrajectensis. Diu honorem Ecclesiasticum recusaverat, sed tandem multorum precibùs victus, palam in Altari B. Virginis Mariæ gladium deposuit, exclamans: *Accepto Onus quod imponitur, ideo ut Cultum hujus Domine mee promovere valeam efficacius.*

143. S. Casimirus Casimiri 3tii Poloniae Regis Filius, tanta in Sanctissimam Dei Genitricem ferebatur pietate, ut Salutationem ejus Angelicam ore & corde assiduè volveret; in ejusq; Laudem, Canticum elegantissimum, quod incipit: *Omni die dic Maria, mea Laudes Anima &c* concinnaverit.

144. Omnes præcipuæ Victoriæ, quas Christiani de Barbaris retulere in Hungaria, precibus & interpositioni Virginis Mariæ apud



Divinum Filium suum, tribuuntur. Circa An-  
 Christi 989. Stephanus primus Rex Christia-  
 nus in Hungaria (cujus Regali Stemmati, Be-  
 nedictus 8. Romanus Pontifex duplicem Cru-  
 cem, eò quòd esset Rex simul & Apostolus,  
 inferuerat) Patrociniò Deiparæ armatus, toties  
 vicit quoties pugnavit. Annò 997. Bellum ad-  
 versus Infideles Religionis causâ susceptum,  
 confecit feciliter. Eosdem Hostes Annò 1002.  
 denuo prostravit. Et Anno 1030. per Sanctis-  
 simam Dei Matrem ab Invasione Conradi Im-  
 peratoris, & Conjuratione Suorum, mirificè  
 est liberatus. Quam proinde in Reginam &  
 protectricem Regni sui, exstructâ in Honorem  
 ejus Ecclesiâ, cum unanimi omnium Ordinum  
 consensu, elegit.

145. Anno Christi 1363. Ludovicus Rex  
 Hungariæ, insignem sub Patrocinio Mariæ de  
 Barbaris adeptus est Victoriâ. Postquam e-  
 nim Se suosq; Protectioni Matris Admirabilis,  
 in Loco Prodigiis claro *ad Cellas Marianas*, nun-  
 cupato devovisset, paucis stipatus Copiis, Ho-  
 stem quantumvis numerosissimum, intrepide  
 aggressus, fudit, & gloriosissimè debellavit.  
 Quapropter gratias Divinæ Matri acturus, ad  
 præfatum locum reversus est, ibiq; in perpetuum  
 Memoriz & grati Animi Anathema,  
 Gladium & Purpuram suam reliquit.

146. Annò Christi 1456. Albam Regalem,  
 grandis de Christiani Nominis Hoste, cæsîs  
 in ipsa Acie centum Turcarum millibûs, re-  
 portata est Victoria. Totum id B. Virginis Pa-  
 trocinio

trocinio ab omnibus adscriptum, ac deinde à Calixto 3. Romano Pontifice per speciale Breve divulgatum est.

147. Geisa, singularis Mariæ Cultor, priusquam Arma adversus Salomonem in Hungaria grassantem arriperet, Votum ædificandæ Ecclesiæ sub Nomine Sanctissimæ Dei Genitricis, si Victoriâ consequeretur, emiserat. Mox Aciem instruit ac contra Hostem educit. Et ecce! in ipso Exercitûs progressu, prope Danubium, obvium habet miræ magnitudinis Cervum, ardentes inter Cornua cereos gestantem: qui & disparuit, forti, in animo Ducis impressione relicta, hoc in loco Ecclesiâ extruendam esse. Quod & fecit, insigni prius obtenta Victoriâ.

148. Laurentius Francisci Almeida Indiarum Proregis Filius, An: Christi 1506. adversus Zamorinum Calecuti Regem, navali prælio decertaturus, cum ii. Naves raptim adornasset, & vix octingentis Lusitanis instruxisset, jamq; ad ictum bombardæ ventum esset; innumerabilem pene hostilium Triremium multitudinem animadvertit. Levatis igitur in Cælum oculis, vovet, ædem sacram Mariæ Virgini se extructurum, si malum superaverit. Ardens itaque conflictus instituitur, & vincitur hostis, plurimis adversæ Partis, omnis generis Navibus aut depressis aut in littus ejectis, cæsis tribus hostium millibus, & sex tantum Gregariis è suorum numero desideratis (quæ res miraculosum DEI auxiliû sine ulla dubitatione monstrabat)

Tandem captivas trahens onerarias permultas, prædâ & gloriâ onustus, Cananoris portum, in cuius Urbis conspectu res gesta erat, Victor introivit: ac primum omnium, DEO sub nomine *Mariæ Virginis Victricis* Ecclesiam ædificandam curavit. Maffejus lib: 3. Hist. Indi.

149. In Angolæ Regione ad Oram Africæ sitæ, multas insignes Victorias, ope Virginis de æthiopibus retulerunt Christiani. Semel, Añô 1583. Postquam exigua Lusitanorum manu duodecies centena millia profligata essent, & quidam Lusitanus ad Urbem Regis Angolæ delatus, percontaretur ex iisdem, quid causæ esset, quòd tanta multitudo tam facilè se in fugam præcipitaverit? Responderunt Æthiopum Duces: *Haud quaquam Lusitanorum Arma metuebamus, quos vel uno Spiritu diffilare potuissemus, sed Fæmina admirabili specie clarissima effulgens in luce, seniorq; ejus Comes flammeum vibrans gladium, qui conspiciabatur ante signa, suspensis medio aere vestigiis, magnâ incutientes spectnantibus formidinem, alienatos terrore animos, in fugam dederunt.* Bencius de sede Angolana.

150. Pariter & illa gloriosissima Añô 1571. 7. Octobris, Navalis Victoria sub Pio 5to, (à quo hac de causâ Festum *B. Mariæ de Victoria* institutum est) contra Solimanum Turcarû Tyrannum, præmissô omnium Principum protunc militantium ad Deiparam recursum, ejusdem Virginis stetit Patrociniô. In hoc conflictu, ingenti cum interneccione pugnatum: in  
pugna-



pugna optimus quisque Turcarum miles, aut ferrô cecidit, aut captus est: hostibûs ad 30. millia cæsis, 10. millibûs in Potestatem redactis, Triremibûs 180. captis, 90. demersis, 15. millibûs Christianis servitute liberatis, parta ingenti prædâ, 116. majoribûs Tormentis, 256. minoribus &c. Hæc, & innumera alia ejusmodi Exempla, Orbi nota sunt totq; in Libris fide dignissimis, Testimoniô non unius duntaxat, alteriusve, sed Populorum comprobata, legi possunt.

151. Universam Europam optatissima edocuit Experientiâ, ab Annô 1683. Septem & amplius Insignes de Turcis Victorias, Conflictu, ex intentione, ad aliquod B. Virginis Festum dilatô, cum speciali ad Patrocinium Ejus recurso à Cæsariano milite obtentas esse. Etiam nuper, duplex ille Triumphus, quem Eugenius, Cæsarearum Dux Copiarum toto Orbe celeberrimus, ad Themelvarum primò, deinde ad Belgradum, gloriosè adeptus est, B. Virginis precibus, ad quas Christianus miles, institutô circa Festum Ejus præliô, confugerat, meritò adscribitur.

152. Leopoldus Ferdinandi 2di Cæsaris Frater, suscepto Dresdam itinere, & Electorem Saxonie Archiducem invisens, eximia reciproce humanitatis expertus est Documenta. Inter alia, monstratum sibi celebre illud Gazophylacium, in quo natura & Ars, quænam alteri cederet, cum satisfactione spectantium, de-

certabat. Rogatusq; perhumaniter Leopoldus, ut quod potissimum sibi arrideret, dignaretur eligere. Circumspicit, & tandem in Angulo quodā Deiparæ Imaginem animadvertit: hanc cunctis Clenodiis posthabitis, vel maximè sibi placere inquit, & concedi postulat. Postmodum interrogatus à suis, quamobrem tot inter Pretiosa, solam B. Virginis Imaginem elegisset, reposuit Princeps Piissimus, Eandem, adeo blandè obtutum in se defixisse, ut videretur interiùs sibi loqui: *Leopolde! Tu me de medio hujus mundi vanitatum tolle: ego id rependam tibi.*

153. Si Protestantes eximiam pietatem ac Devotionem erga Virginem DEI Matrem vel in ipsis Ditionum suarum Regibus & Principibus (antequam Lutherus & Calvinus cum suis Prædicantibus, omnia susdeque pervertissent) observare desiderant, non est necesse, ut multos evolvant Codices. Sed intueantur duntaxat in Anglia, Svecia, Dania, Saxonia, Prussia &c: &c: tot antiquissimas Ecclesias olim in Honorem Matris DEI magnificè erectas; tot Ejus Statuas & Imagines, &c: Omnia hæc vel ipsa vetustate loquuntur; & Cultum ac Invocationem Virginis Mariæ, in vestris Proavis & Parentibus, in tot Principibus (quorum præclarè Gestis, Fortunâ & Honore hodie gloriantur Successores) plurimum viguisse deprædicant.

154. Jam, pro complemento horum, quæ ex infinitis pænè Exemplis, parcissimè in medium produxi, quæro: Omnes isti Piissimi,  
Sapien-

Sapientissimi, Bellicosissimi, totque Historiis Celebratissimi Imperatores, Reges, Principes ac Civitatum Magistratus, per tot sæcula delirârunt? Lutherus duntaxat & Calvinus cum suis Affeclis (qui deinde per solam recalcitrandi Potestati Ecclesiasticæ licentiam, multitudinem in partes suas pertraxere) sapiebant? Quis credat?

\*\*\*

## DE FENSIO QUINTA

### B. VIRGINIS MARIÆ

*In qua Cultus & Invocatio Ejus ex tot miraculis & Prodigis deducitur.*

155. Præcipuam verorum Miraculorū causam, DEUM solum esse, nemo dubitare potest, cum de Ipso testetur scriptura: *Qui facit Mirabilia, magna solus. Psal: 72.* Porro hæc, nequaquā in Confirmationem Doctrinæ falsæ, sed veræ tantum & Divinæ poni posse quis ambigat? Aliàs enim ille qui summa veritas est, falsum, verum esse testaretur: quod sine blasphemia admitti nequit. Poni autem Prodigia, revera in Testimonium & Confirmationem Veritatis Fidei, quæ DEUS operari consuevit, ex sacris Literis constat manifestè. Exem: causâ: *Opera, quæ Ego facio, Testimonium perhibent de me, quia Pater misit me. Joan: 5. v. 36. Et: Ut autem sciatis, quia Filius hominis habet Potestatem in terra dimittendi peccata, ait Paralytico, tibi dico surge, tolle Grabatum tuum, & vade in Domum tuam. Marci 2. v. 11.* Et

Et Nicodemus inquit: *Scimus, quia à DEO venisti Magister, nemo enim potest hac Signa facere, quæ tu facis, nisi fuerit DEUS cum eo. Joan: 3. v: 2. Et Elias Signum de Cælo postulans ait: DEUS, qui exaudierit per Ignem, ipse sit DEUS. 3. Reg. 18. Et cap: 17. Mulier illa post resurrectionem Filii sui exclamat: Nunc in isto cognovi, quoniam Verbum DEI in ore tuo verum est. &.* Unde ulterius infero: si DEUS, cum Virgo Maria specialiter colitur, ejusq; Intercessio expetitur, Miracula patrare, mirisq; modis benefacere solet hominibus, Igitur Ipse Catholicam de Cultu & Invocatione Mariæ, confirmat Veritatem.

156. Communiter SS. Patres Deiparam grāde Miraculum appellant. Exem: causā Epiphanius ( de B. V. ) *O Virgo sanctissima, quæ Exercitus Angelorum in stuporem deduxisti: stupendum enim est Miraculum in Cælis, Mulier amicta Sole: stupendum Miraculum in Cælis, Mulier gestans Lucem in ulnis: stupendum Miraculum in Cælis, Mulieris Filius, qui & Sæculorum est Pater: stupendum Miraculum in Cælis, Dominus Angelorum, infans Virginis effectus est. Et Damascenus Orat. i. de Nativ. O Miraculum omnium Miraculorum maxime novum! Mulier Seraphinis sublimior effecta est. Sileat sapientissimus Salomon, nec jam nihil sub Sole novum esse affirmet. Creavit Dominus novum super terram, Femina circumdabit Virum. Jerem: 31. Et sane novum est Miraculum Maria, tum secundum se spectata: quod Mulier Genetrix sit DEI; quod eadem Mater sit & Virgo; quod tot Privilegiorum prærogativis, præter communem aliorum omnium Sancto-*  
rum



rum & Angelorum legem, tot tantisque Virtutibus & gratiis supra reliquos fuerit exornata. Tum quod ad Invocationem ejus, infinita penè in utilitatem Fidelium à DEO facta sint Prodigia.

157. Hinc B. Virgo à Damasceno Orat. 1. de Nativ. *Miraculorum Officina* dicitur, non tantum quod in ea & ex ea Verbum carnem suscepit, verum etiam quia Virginis intercessione, innumera largitur DEUS, quæ præter naturæ ordinem fiunt. Testatur idem Damascenus Orat. 2. de Dormitione: *Miracula quàm plurima in ejusdem Deiparæ dormitione effecta fuisse: tum (inquit) & morbi fugam capessabant, & Demonum catervæ pellebantur, atq; ad subterraneas partes undique exigebantur. Hic surdis auditus, claudis pedum firmitas restituebatur: peccatoribus in fide accedentibus Syngraphæ lacerabantur &c.* Testantur Scriptores non tot quinplures, quanta toto Orbe terrarum, & quidem manifesta, totque sæculorum Testimoniò ac Populorū consensu comprobata, ad Invocationem Deiparæ facta sint Prodigia. Ex innumeris aliquot duntaxat, præter ea quæ Defensione 4ta. libavimus, in medium proferam.

158. Annò Christi 233. S. Gregorio Thaumaturgo, cogitanti quomodonam Fidem Catholicam adversus illius ævi Hæreses validè defenderet, S. DEI Genitrix ingenti fulgore coruscans apparuit, & Doctrinam Fidei circa Sanctissimæ Trinitatis Mysterium, edocuit. Quam & postea, Patribus tam Græcis quàm Latinis ap-

approbantibus, scriptis suis vulgavit. Visio hæc in Synodo Oecumenica quinta descripta habetur. Ann: Christi 367. contigit. celeberrimum illud circa Ecclesiam Deiparæ ad Nives, Miraculum. Joanni Patricio videndam se B. Virgo exhibuerat, injungens eidem, ut sumptu in Ecclesiam sub suo Nomine ædificandâ, liberaliter conferret. Cujus locus & spatium, quantum occupatura erat, prodigiosè per Nives ipsâ nonis Augusti deciduas est definitum. Unde Ecclesia ad hunc usq; diem, *S. Mariæ ad Nives, vel S. Mariæ Majoris, nuncupatur.*

159. Nicephorus lib. 14. mentionem facit Imaginis B. Virginis miraculosæ, Annô Christi 446. celeberrimæ: quæ occultata in Cupressu, ingenti corruscans lumine apparuerat. Ad quam postea innumera à DEO edita sunt Miracula.

160. Annô Christi 363. Deipara Sancto Basilio Magno, Juliani Apostatæ interitum per visum exhibuit: ut refert ipse S. Joannes Damascenus Or. 1. de Imag.

161. Circa An: Christi 390. S: Augustinus l: 22. Civit. c. 18. de Virginitate Mariæ scribens, Miraculum memorat, quod Patroniæ Nobilissimæ Fæminæ contigerat. Et mox incredulitatem quorundam (quasi Novatores in spiritu prævidisset) reprehendit, dicens: *Non credunt hoc, qui etiam Dominum JESUM. per integra Virginalia Matris enixum, non credunt.*

162. In Vita S. Ambrosii (circa An: Christi 380.) legitur, quòd, postquam efflagitatô B.

Vir-

Virginis Patrociniò, Arianorum molimia admirabili prorsus modo superasset, eisdemq; ex Diacefi sua, & ex monte quodam, ubi conveticula instituere consueverant, profligasset, Ecclesiam in Honorem B. Virginis erexerit, & in ea primus sacrosanctum Missæ Sacrificium celebraverit.

163. In Vita S. Cyrilli Alexandrini (circa An: Christi 420.) habetur, quomodo is sinistra malevolorum persuasione deceptus, Chrysostomum jam vitâ functum, Constantinopolitanorum Patriarcharum Catalogo inferere noluerit. Verum eidem B. Virgo unâ cum Chrysostomo pro Cyrillo deprecante, per visum apparuit, severè monens, ut rectius de Sancto sentiret. Qua Visione adeo permotus est Cyrillus, ut Chrysostomum Diptychis Constantinopolitanis exnunc inscripserit.

164. Maria Ægyptiaca, quæ circa Annũ 520. claruit, (cujus vitam Sophronius Episcopus Hierosolymitanus, Author gravissimus literis madavit) post multa patrata flagitia, tandẽ ad pœnitentiam rediens, ac propterea Jerosolimam profecta, cùm locum illum, ubi Crux Salvatoris asservabatur, ingredi vellet, violenta ac invisibili manu detenta est. Igitur ante Virginis Imaginem, quæ in atrio Templi erat, confugit, & precibûs à Matre DEI obtinuit, ut liberè ad S. Crucem accedere valuerit. Unde sic precatur: *Tu mihi Domina miserta es, measque preces non repulisti, per te merui Gloriam Salvatoris, per te glorificabo DEUM, peccatorum pœnitentiam recipientem*

*cupientem &c.* Totum id in Synodo Nicæna 2. refertur & approbatur.

165. S. Germanus Patriarcha Constantinopolitanus Epistola ad Thomam Episcopum Claudiopoleos recitata in Synodo Nicæna 2. Act. 4. agens de Sacris Imaginibus. *Extra omnem (inquit) controversiam est, Sanctorum Imagines mirifica designare Miracula, ut & debilibus valetudo bona concilietur &c.* Idq; confirmat Exemplô Deiparæ, dicens: *Extra omnem controversiam est, in Sozopoli Pisidiæ Civitate, Imaginem Virginis Matris intemeratae, ex picta etiam manu sua ungentorum scaturiginem effundere, cujus sanè Miraculi plures Testes sunt.* Et revera etiam longè ante Germanū, in Vita Euthychii Episcopi Constantinopolitani, apud Surium die 6. Aprilis: fit mentio hujus Olei Miraculis celebrati circa Annum Christi 564.

166. An: Christi 590. Ex occasione ingentis Draconis & plurimorum Serpentum putrescentium, quos Mare in littus ejecerat, corruptus est aer, & Pestis secuta Ingvinaria, quæ Urbem Romam clade vehementissima depopulavit. Processio itaq; publica cum Imagine B. Virginis olim à S. Luca picta, à S. Gregorio instituta est. Cessit Imagini pestilentia gravitas, quocunq; ferebatur. Unde Canticum illud Divinitus acceptum invaluit: *Regina Cali letare, Alleluia: quia quem meruisti portare, alleluia: resurrexit sicut dixit, alleluia: Ora pro nobis Deum, alleluia.* Finita Devotione visus quoq; est Angelus in Mole Adriani, super eam stans, & Gladium



dium in vaginam recondens : unde & Moli hu-  
ic *Sancti Angeli* nomen inditum. Hæc Carolus  
Ligonius lib: 1. de Regno Italiæ, An: Domini  
500. & 591 Aliiꝑ complures.

167. Annô Christi 728. S. Joan: Damasceno,  
Saracenos, inter degēti, ad imposturā flagitiosissi-  
mi Imperatoris Leonis (qui scripta ejus pro ve-  
ritate Catholica exarata, vehemēter formidabat)  
Manus à Barbaris amputata est. Prostratus igitur  
ante Matris Dei Aram Sanctus, opemꝑ ejus ardē-  
tentissimè implorans, Manum abscissam brachio  
applicuit. Et ecce ! Virgo clemens eidem viden-  
dam se præbet, & Manum, sola vulneris relicta  
cicatrice, Corpori restituit. Quod ubi innotui-  
ssēt Saracenis, summa in Veneratione habitus est  
ab omnibus Damascenus. Ut authenticè refert in  
Vita ejus Joannes Patriarcha Hierosolymitanus.

168. Priusquam Valentia è Saraceno-  
rum Potestate à Jacobo Rege vindicaretur,  
per multos dies, Oppugnationis tempore, vi-  
sæ sunt 7. Stellæ in locum quendam descende-  
re. Res omnes in Admirationem rapuit Spe-  
ctantes. Regis proinde jussu foditur terra illa,  
& subtus eam devotissima Virginis Mariæ Ima-  
go reperitur. Quæ ad hodiernum usqꝑ diem  
prope Valentiam innumeris claret Miraculis.

169. An: 847. Romæ in Antris juxta Basi-  
licam S. Luciæ, quæ in Orphea sita est, ortus  
est Basiliscus, qui flatu suo omnes, ad easdem  
cavernas approximantes, celeriter necabat. I-  
taqꝑ ipse Sanctissimus Pontifex Leo 4. cum u-  
niverso Populo, Litanias de B. Virgine decan-  
tans,

tans, jubensq; eundem subsistere paulò remotiùs, ipse sub hiatum cavernæ, unde Sævissimi Serpētis flatus pestiferi egrediebātur, accessit, & oculos in Cælū tendēs, Christū qui est super omnia Dominus, profusis lacrymīs, per Intercessionem Virginis Mariæ, ut dirum genus suā potentiā effugaret, deprecatus est. Quod & illico factum. Et quidem in Octava Assumptionis Deiparæ: à quo tempore Festum hoc cum octava celebrari cæpit. Rem gestam narrat Sigonius lib: 5. de Regno Italiæ. Anastasius Bibliothecarius. Platina &c.

170. S. Adalbertus, qui Polonis, Pruthenis, cunctisq; circa Mare Balticum Populis, Christi Evangelium primus prædicavit, & Fidem Catholicam edocuit, ac An: 997. inclytò Martyrio coronat⁹ est, cum adhuc infans lethali morbo correptus esset, à Parentibus sub Altare B. Virginis locatus, iisq; deprecantibus: *Non nobis Domine, non nobis vivat puer iste, sed in tantum tuæq; Matris honorem*, in ictu oculi plenæ Sanitati restitutus est. Surius in Vita ejus.

171. Circa An: Christi 1080. Pastores, prope Monasterium S. Verecundi Abbatis Hyracensis, Stellas supra Clivum radiantes advertērant: qui locus hac de causa etiam hodie *Irisarra*, id est *Stellatus* nominatur. Re divulgata, Thesaurus in memorato clivo sollicitè quæsitus est. Inventa autem Sanctissimæ Dei Genitricis Imago, posthac Miraculis celeberrima. In cujus Beneficii perpetuam Memoriam, Ramirez Navarra Rex Civitatem *Stellam* dictam fundaverat.

172. Quātis per Intercessionem B. Virginis expetitiis, antiquissima illa Ecclesia *S. Maria de Pillari*, splendeat Prodigis, cunctis peripetum est Nationibus. De hac testatur Petrus Episcopus An: Christi 1118. in quanta frequentia, Populus non solum Hispanus, sed & ex toto Orbe Christiano, ad Deiparam pro recipiendis Beneficiis, ab immemorabili, solitus sit confluere. Ut videre est apud Hieronymum Blancam accuratissimum Historicum, in Commentariis rerum Aragonensium.

173. Quā miras Gratias Interpositio hujus Inclytæ Matris apud DEUM, in Domo Lauretana operata sit per tot Sæcula, & hodie adhuc operetur, tot perpetuæ memoriæ Anathemata, non à simplici duntaxat popello, sed & Imperatoribus, Regibus, Principibus, aliisq; Piis, nec non sagacissimis Viris ibidē appendi solita proclamant.

174. Innumera quoq; Czestochoviæ in Polonia, ad Imaginem B. Virginis à S. Luca depictam eduntur Miracula. Hæc Imago circa Annum Ghristi 300. ab Helena Augusta Jerosolymis Constantinopolim translata fuerat, quā deinde Nicephorus Imperator Carolo M: is autem Leoni Russiæ Principi donavit. Tandem Russiâ in Provinciam Poloniæ redactâ, Vladislaus Opoliensis Dux Annō 1382. eam in Mōtem clarum Czestochoviensem transtulit. Ci-catrices autem quæ in ejus facie cernuntur, ab Hussitis fuerunt inflicte, & nullis unquam obduci coloribus potuerunt. Multa ibidem hu-

jus Virginis interventu ad hunc usque diem patrantur Prodigia. Inter alia 7. mortui sunt ad vitam revocati, energumeni liberati plurimi, cæci, moribundi, naufragantes, captivi, variisque morbis afflictati, Divinam Opem senserunt, & hucusque sentiunt.

175. Æque beneficam se Mater DEI exhibere solet hominibus Jaroslaviæ in Russia, ad Imaginem suam dolorosam in Ecclesia Societatis JESU, ubi Prodigia, absq̃ interruptione sibi succedere videntur. In Monte Pessulano tantas Patrocinium B. Virginis operatur sanitates, ut Medici pauperculis infirmantibus, & pro remedio ad se confluentibus dicere soleant: *Ite ad Ecclesiam S. Mariæ, & gratis sanitatem recipietis.* Cæsarius lib: 7. c. 15.

176. Annò 1117. ( ut refert Dodechius Germanus, qui circa hæc tempora vixit ) in Octava S. Joannis Evangelistæ, terræ motus bis inter diem & noctem tam terribilis per totū Orbem terrarum factus est, ut multa multis in locis ædificia corruerint. Sed maximè in Italia, ubi tam periculosus & horribilis fuit, ut manifestum DEI judicium homines super se expectarent. Nam & montes scissi, & flumina terra deglutiente exsiccata sunt &c. Inter hæc, apud Cremonam Infantulus quidam in cunis jacens, & fasciis obstrictus, in primam loquendi vocem contra naturam, os aperuit, asserens sibi visam DEI Genitricem Mariam, ante Tribunal Christi stantem, & ardentissimis precibus pro hominibus supplicantem. Et post dicta



Et hæc deposuit eloquium, usque ad tempus humanæ conditioni congruum.

177. Circa Annum 1222. Cum Populus Sacrosanctæ Missæ Sacrificio interesset, Deiparæ Imago tam vehementer sudare cæpit, ut omnes circumstantes in profundissimam abriperentur admiratione. Hæc inter obsessus quidam à Dæmone, clara voce exclamavit: *Quid statis admirantes? Filius Mariæ manum extendit ad faciendum, quam ipsa supplex tenet; & ideo sudat.*

178. Sigismundus Imperator (qui An: 1437. obiit) cum ad Partes transalpinas bellando accessisset, contigit ibi militem quendam cecidisse. Post multos verò Annos, dum idem Imperator denuo in illam Plagam cum Exercitu venisset, ecce! omnibûs audientibûs, vox quasi fletûs & lugubris sibilationis cæpit insonare. Ad hanc cum omnes auscultantes, quidnam foret, subsisterent, mandavit Imperator, Sylvas inter, & circum jacentia vepreta gemitum inquiri. Et invenitur cadaver in rubo putrefactum, adeo ut incrementales veprium spinæ ipsum pertransiendo penetrauerint, unde flebilis ille sonus audiebatur. Percontantibus itaque, quid vellet? *habetisne Sacerdotem (reponit homo cadavericus) cui peccata confitear? Ego enim ante plures Annos Miles in hoc pugnae loco corruï, sed quoniam B. Mariæ specialiter devotus fueram, ideo precibûs ejus id mihi à DEO impetratum, ut Anima à Corpore quantumvis putrefacto, donec rite absolvar à peccatis meis, non solveretur. Mox absolutus sacramentaliter à Presbytero, obdormivit in Do-*

mino. Hæc, Imperatore & universo Exercitu spectante, facta sunt. Vide Pelbartum in stellario Coronæ Gloriosæ Virginis.

179. Annô 1508. Cum Nobilis quædam Mulier nomine *Longa*, paralyfi laborans, Neapoli Lauretum profecta esset, & in sacra Ædē Missam illam audire cuperet, in qua Evāgelium Paralitici à Christo sanati legitur; repente Sacerdos quidam eo venit sacrum factururus, & eandem Missam illam legere cepit. Ubi verò ad Evangelii locum, in quo Paralytico Dominus, *Tibi dico surge*, pervenit, Mulier subito perfectæ Sanitati est reddita. Sacerdos autem disparuit. Turfellinus lib. 2 Hist. Lauret. c. 28.

180. In Vita S. Cæsareæ habetur; (circa Anni Christi 1444.) quòd ex Matre omnino sterili per Miraculum nata, & assiduis precibus ac Jejuniis Sabatinis (ut Josephus Benignus Eremita Divinitus prædixerat) à B. Virgine impetrata sit. Quamobrem à moriente Matre sua hoc salutare monitum acceperat: *per dolores, quos pariens te, pertuli, rogo, Deiparam Virginem semper ut Matrem cole: & Sabbatinum quot Septimanis Jejunium illi consecra.*

181. Zelosissima in amplificando Virginis Mariæ Cultu fuerat S. Hedwigis. Templâ & Conclavia Imaginibus ejus præstantissimis exornabat. Inter alias unam habuit auream ejusdem Divinæ Matris Iconem, quam nunquam è manu sua, etiam in extrema cum morte lucta dimiserat. Cum hac itaq; tumulo illatum Corpus, & post 25. Annos revivum, corruptum quidem

quidem inventum est; verumtamen digiti quibus Iconem premebat, ab omni prorsus corruptione immunes permanferant. In Vita 15. Oct:

182. Post Vladislai devotissimi Regis Hungariæ obitum, Corpus ejus, in Ecclesia quam Rex in honorem Deiparæ magnificè exstruxerat, sepeliendum, Varadinum Curru splendissimo deportatum est. In itinere prope Civitatem memoratam, cum Procerum Comitatus una cum Curru Regio, solutis Equis, ut pabulo reficerentur, paulisper subsisteret: Ecce Miraculum! Plaustrum, Regis cadavere onustum, absque Equorum Hominumque adminiculo, sponte moveri cepit; & recta in Civitatem ante Sacram Virginis Aedem, ubi deponendum erat, properavit. Rho: in Sab: Exem: 9.

183. Sed accedamus jam ad Lutheri tempora. An: 1513. Sub Leone 10. Summo Pontifice, Sacerdos Dalmata captus à Turcis, & ad deferendam Religionem sollicitatus, cum IESUM & MARIAM identidem invocaret, asserens se Nomina hæc in præcordiis gerere, votumque fecisse adeundi Domum Lauretanam; Furentes Turcæ discisso pectore, intestina à summo recisa extrahunt, eaque semineci tradunt, per ludibrium exprobrantes: Abi jam, prope- ra, & viscera in quibus hære ais Mariam, ad eam perfer. Moribundus Sacerdos, Deo mor- tem morante, viresque suggerente, ire pergit, donec admirabili modo, sua Extâ manu præfe-rens, Lauretū pervenit. Quacumque transivit nume-rosissimus ad eum hominum confluxus factus est.

184. An: 1584. Jacobus Marchio Badensis ex Germaniæ Principibus, propter vulnus in brachio, glande plumbea in Colonienſi tumultu acceptum, ad ultimum Vitæ discrimen venerat. Itaq; B. Virginem Lauretenam implorat, vovens, ſe cum Donis iturum Lauretum, ſi Salutem recuperaret. Mox à periculo mortis eximitur, ac ſanatur: ſed ita ut brachium movere non poſſet. Lauretum igitur Voti exſolvendi cauſâ proficiſcitur: ubi finita Devotione, noctu (quæ erat Natalis Domini) per quietem advertit ſanctiſſimam DEI Genitricem attingere brachium ſuum, illudq; momentò perfectè ſanare. Qua de cauſa Romam ſe contulit; Miraculum Juramentò ac Teſtibùs comprobatur, & longè latèq; divulgatur. Porro Marchio hic è Lutheranismo ad Fidem Catholicam antè converſus fuerat, ac proinde multos ſuorum poſtea, tam manifeſtò Prodigio permoſtos, Eccleſiæ Romanæ aggregavit. Turſel lib. 5. c. 6.

185. Etiam in America prodigioſa B. Virginis claret Interceſſio. E. c. Poſtquam Chilenſis Oræ Prætor Regius, Vir bellicoſus, obiſſet, Indi criſtas adeo erexerunt, ut de perdendis proriſus Hiſpanis ſedulo agerent. Cùmq; Chilenſes naturâ bellicoſi Urbis Imperialis aditus omnes occupâſſent, ita ut nùlla ſpes eſſet ſubſidii, ad Deiparæ Patrocinium, unanimi conſenſu, implòrandum confugerent Hiſpani. Et ecce! innumerabilis penè Avicularum multitudo, intra Cívitatís vallum ſubitò convolvitur, quarum



quarum aucupio vitam sustentare, & hostium frangere pervicaciam valuerunt Christiani. Rodericus Cabredus in literis ex Regno Peruano.

186. Anno Christi 1655. Sveci longè lateq; grassabantur per Poloniam: tandem conati sunt etiam Clarum Montem Czeszochoviensē, Miraculis ad B. Virginis Aram fieri solitis, celeberrimum, hostilibus Armis oppugnare. Verum Mons ille densissimā persæpe involvebatur nebulâ, adeo ut è Castris suis licet proximè locatis, nequidem videri potuerit. Globi Tormentis excussi, visi sunt in adversa Castra remeare: mox & Persona quædam terribilis, iis, qui cuniculos subteraneos construebant, apparuit, & machinas dissipavit &c. Omnia hæc ab ipsismet Svecis ubiq; divulgata sunt. Tandem, postquam omnia adversus Arcem Virgineam, casso molimine tentassent, timore perculsi, fugam arripuerunt. Verum brevi post Czarnecianò Gladiò partim cæsi, partim dispersi sunt. Ut proinde inter Svecorum Generales tale invaluerit Proverbium: *Si quid Marte aut Arte vales, expugna Czeszochoviâ.* Vide Añales.

187. Anno Christi 1656. accidit prodigiosa illa, totiq; Orbi nota, Regis Africani de Fez, & secta Mahometis ad Christi Fidem, Patrociniò B. Virginis facta Conversio. Belli laudibus multum celebris Rex iste fuerat: duo siquidem Regna, antè sibi erepta, Tafilet videlicet & Maroci, Armis & dexteritate sua recuperaverat. Qua propter, Grates exsolvendi Superis causâ, Mecham, ubi Machometis Sepulchrum visi-

tur, iter suscipit. At Tuneti paulisper sub-  
 stenti Persona quædam per quietem apparet,  
 inquit: se minimè permissuram, ut ad locū  
 intentum perveniat, sed potius in Christiano-  
 rum Oras eundem, ut Religionem Christianā  
 suscipiat, perducaturam. Expergefactus Somni-  
 um spernit, Navemq; ascendens, Tunetō ad  
 præfixum terminum vela dirigit. Vix aliquod  
 Maris spatium emensus, in Christianorum Na-  
 ves incidit, & captus Melitam ducitur. De  
 quo Infortunio certior factus Rex Tunetanus,  
 pro Redemptione ejus 40. Aureorum millia  
 obtulit Melitensibus. Interim Captivo, Pretio-  
 sissima DEI Mater sese per Somnium videndam  
 præbuit, inquit: *Adoptabo te mihi in Filium.*  
 Verū obstinatus in Secta sua Machometanus,  
 nihilq; magis quàm Reditum ad suos cogitans,  
 parum id apprehenderat. Ubi verò innume-  
 ri, suscipiendi Itineris sternerentur obices, hac-  
 que de cauta mirabundus & anxius Mensæ suæ  
 assidens, in somnum laberetur, denuo Persona  
 hæc, monens, stimulans, urgens, ut S. Bapti-  
 sma, sine quo Salus haberi nequit, & propter  
 quod in Christianorum Ditionem delatus esset,  
 susciperet, eidem apparuit. Quæ tandem Vi-  
 fio, adspirante Divina Gratiâ, adeo Virum im-  
 mutavit, ut Regna sua, Divitias, Uxorem ac  
 Consanguineos propter Christum spernere in-  
 ciperet; nec ullis jam Affricanorum suorum  
 persuasionibûs ad reditum induci potuerit. Ab-  
 lutus itaq; Sacro Fonte, & abdicatis omnibus  
 Fortunæ Bonis, etiam iis, quibus à Meliten-  
 sium

sum Generositate abunde cumulatus fuerat, Societatem JESU ingressus est. In qua vivens piissimè, complures Infideles Veritatem Catholicam edocuit. Deinde in Regnum Mogor, ut ibidem Fundamenta Fidei jaceret, expeditus, sanctè obiit. Rem totam describit fusiùs Admodum R. P. Thyrsus Gonzalez Societatis JESU Generalis in Manductione ad Mehometanos convertendos.

188. Annò Christi 1677. Cùm Arx Trebo-wla nuncupata, à Turcis obsidione cingetur, Nobilis quidam Polonus, Tartarorum declinaturus Incurfiones, fugiens, contra spem suam in eosdem incidit. Igitur Votum ad B. Virginem dolorosam, Jaroslaviæ in Ecclesia PP. Societatis JESU Miraculis claram, elicit. Res mira! tametsi. medios inter Tartaros versaretur, à nemine tamen visus est. Sed per obvias sibi Barbarorum Turmas securus progrediens, Jaroslaviam usq̃ pervenit. Ubi prodigiosum B. Virginis Mariæ Patrocinium, Jure jurādo confirmatum omnibus divulgavit; & susceptis Pænitentiae ac Eucharistiae Sacramentis, Tabulam argenteam velut perpetuum Grati-tudinis monumentum, Imagini ejus appendit.

189. Porro miris ejusmodi, Sanctissimæ DEI Genitricis beneficiis innumeri fere replentur Codices: & quidem à tot piis, doctis, & Fide dignissimis Authôribus (in quos nulla prudens fraudis, mendacii, aut deceptionis suspicio cadere queat) exarati. Ut proinde nemo hæc in dubium vocare possit; nisi temerarius, per-  
vicax

vicax, & obstinatus videri; omnemq; Fidem tot Christianis Scriptoribus adimere; ac proinde totum nostri Temporibus cum Antiquitate commercium, pro sola negandi libidine, intercludere velit. Sed &, quis Homo moderatus, Luthero potius & Calvino cum suis Discipulis, (qui ut comēta sua stabilirent, talia merè pro libito, absq; ullo in contra afferibili convictivo fundamento negârunt primitus, suumq; deinde Gregem simili perſuasiōe imbuerunt) quàm tot sæculorum Historiis, crediderit? Præsertim cū memorata Prodigia, (ut dixi) à Viris, qui nullam profus mentiendi necessitatem habebant; nec tantū à nonnullis, verū innumeris pæne; nec solū nuper, sed & per tot sæcula unanimi consensu; nec Ecclesiasticis duntaxat Personis, sed & Politicis, iisque perspicacissimis referantur.

290. Ast compertum est, (replicant hīc Adversarii) quasdam de hujusmodi Miraculorum Relationibus, subreptitias esse; multa, nimis facillè credi à Populo; multa refelli à suis Prædicantibus; in multis debite enarrandis nec ipsos convenire Catholicos. Respondeo: Nos illa pro certis habemus, quæ certis nituntur fundamentis; pro dubiis, quæ nituntur dubiis: & hæc duntaxat Fide Divina credimus, quæ per Ecclesiæ Definitionem comprobantur. Sed quis prudens, ideo omnia per Virginis Beatæ Interpositionem patrata Prodigia negaverit, quòd nonnulla à quibusdam adjiciantur subreptitiè? Nunquid Christi Salvatoris dictis & Gestis



Gestis ideo neganda Fides, quòd Evangelia quædam, ut Thomæ, Bartholomæi, Jacobi, Nicodemi, inveniantur Apocrypha? Populus præproperè interdum (dicunt illi) & absque iusta causâ, arbitratur mirum esse, quod non est. Quid tum? igitur omnia mira, etiam solidissimis nixa fundamentis perneganda? Imo, vel ex eo, quòd Narrationibus quibusdam tam facilè assentiatur Populus, colligitur hanc credendi facilitatem per tot indubitata Miracula, procreatam esse.

191. Multa (inquiunt) à suis confutari Prædicantibus: Sed quomodo? perperam negando, & temerè respuendo? Ideone quatuor novi Testamenti Evangelia in dubium revocanda, quòd nonnulli eadem oppugnaverint Adversarii? Exem: causâ quòd Faustus Manichæus (ut testatur S. Augustinus lib. 32. Contra Faustum cap: 2.) multis voluerit scaterere erroribus, nec à Christi Discipulis conscripta fuisse? Aut quòd Alogiani (teste Epiphanio Hæresi 51.) tres tantum Evangelistas, Matthæum, Marcum & Lucam, repudiato Joanne, admiserint? Aut quòd Lutherus Præfatione in novum Testamentum, docuerit, abolendam esse falsam illâ Opinionem, quasi 4. solùm essent Evangelia; Item Evangelium Joannis unicum esse purum, verum ac principale Evangelium, aliisq; tribus longè ac latè præferendum, adeo ut etiam Pauli & Petri Epistolæ, Evangeliiis Matthæi, Marci, & Lucæ, sint præponendæ? Variant Scriptores Catholici circa quorundam Prodigio-

rum

rum circumstantias sed quid tum? num propterea, non credendum, Christum Dominum pro nobis crucifixum & mortuum fuisse, quod aliqua inter Scriptores, circa Passionis tempus, aliasque circumstantias, exorta fuerit Controversia? Iis enim, qui docent, Christum Anno ætatis suæ 33. & 18. Imperii Tiberii Cæsaris, passum, quidam olim refragabantur asserentes, id factum esse Anno ætatis 20. & 15. Imperii præfati Cæsaris. Quin imo vel ex ipsis huiusmodi controversiis Substantia Rei comprobatur. Pariter & de memoratis Prodigiiis sentiendum.

192. Quanquam, nequidem opus esset, pro tuenda Cultûs & Invocationis Divinæ Matris Veritate, in recensendis mirabilibus, antiquiora consulere aut excutere volumina: Cum usque hodie plurima, eaque palpabilia, tot in Locis, ad Virginis. Aras experiamur Prodigia. Imagines, ad quas DEUS eximia patrare solet Beneficia, per Orbem terrarum reperiuntur innumeræ. Exempli causâ, Lauretana, in Italia, Florentina, Cæsaraugustana, Valentina, Montis ferrati in Hispania; Montis Virginis in Regno Neapolitano; Drepanitana in Sicilia; Sveffionensis, Laudunensis, Aniciensis in Gallia; Oetringensis in Bavaria, in Diæcesi autem Herbipolensi B. Virginis in Dittelbach; ad Cellas Marianas in Styria; Czestochoviensis & Jaroslaviensis in Polonia; ad S. Tiliam in Borussia; Jenicovens & Warzensis in Bohemia; Klinikensis in Sillesia; Sacromontana in Moravia &c. &c. Ubique tot aureæ argenteæque cernuntur Tabulae, quibus perceptæ ab omni hominum genere, sine intermis-

sione prædicantur Gratia. Videre est cunctos Mortalium Status, levatis manibus Grates exsolventes. Hic de sublimi Edificio in præceps ruens, ibi aquis absorptus cum fluctibus contendens, exprimitur. Hic ab indomito rapatus Equo, ibi Hydromolæ tympanis implicatus; hic vulneratus à Latronibus in via, ibi morbis afflictatus in cubili suo; hic flammis circumdatus, ibi ruderibus Domus obrutus, præsentatur. Omnes isti, mirò se B. Virginis Patrocinio, maximis Vitæ periculis ereptos fuisse, perpetuis testantur Characteribus. Quid? Hæcne figmenta? Quæ mentiendi, & quidem cum tot expensis, necessitas?

193. Sed unum saltem alterumvè etiam eorum, quæ recentissimè facta sunt, attingamus. Anno 1727. 4. Aprilis. Jaroslaviam, ad Thaumaturgæ Matris Aram delatus est Vir Nobilis extremè infirmus: qui integro fere die in Ecclesia commoratus, finita Devotione, illico Sanus & adeo vegetus factus est, ut propriis Viribus ad Sua reverti valuerit. Anno 1726. ad S. Tiliam miris B. Virginis Beneficiis celeberrimam, me præsentè & spectante, Homo quidem Oculorum luminè prorsus orbatus, ut proinde ope alterius in Ecclesiam duci debuerit, derepente visum recepit &c.

194. Hic percontantur Adversarii, cur & nos similia non videmus? Ego verò idem Respondéo, quod olim Christus Thomæ incredulo, qui dignissimis Fide Apostolis unanimi voce attestantibus, Salvatorem resurrexisse à

Mor-

Mortuis, donec ipse videret, credere recusabat. *Quia vidisti me Thoma, credidisti: Beati, qui non viderunt, & crediderunt. Joan: 20. v. 29.* Cur Christus coram Herode, tametsi is vehementer desiderasset Signum aliquod videre, nullum patrauit Miraculum? Pharisei multa videbant Prodigia, quæ Dominus fecerat, non tamen crediderunt: sed, alia Artibus dæmoniis, alia Infascinationi, aut nimie credulitati Populi tribuebant. Etiam modernos inter Diffidentes, haud pauci reperiuntur, qui aliqua saltē, in Ecclesia Catholica fieri solita Miracula, oculis suis spectarunt: Verum hæc vel occultis quibusdam causis naturalibus temerè appingunt; vel propter Respectum humanum, aut aliud temporale commodum inflexibiles effecti, iis ad amplectendam Religionem Catholicam permoveri renuunt.

195. Annò 1706. Cum Svecorum Regimen Calissii in Majori Polonia subsisteret, Officialis quidam Lutheranus, advertens apud Civem Catholicum, Lampadem ante B. Virginis Imaginem ardere, cepit primò indignari, deinde multa contumeliosè in Dei Matrem evomere. Moxq; scalam ascendens, spurcissima quædam Carmina sua parieti affixit, & præfatam lampadem, Imagini detractam, iisdem applicuit, inquit, his potiori jure Illuminationē deberi quàm Mariæ, dixit & invisibili manu de Scalis præcipitatus, fracta cervice, miseram Animam illicò exhalavit. Res Svecis protunc Calissii existentibus, protinus innotuit. Confluunt,





Signa de Cælo videant & Prodigia, non credunt.  
 197. Circa Annum 1697. Civis quidam  
 Thorunensis, religione Lutheranus, professio-  
 ne Aurifaber, Vir non vulgari experientiâ, &  
 longis per Orbem rerrarum peragationibus  
 (etiam Goam in Indiis Orientalibus, ubi S.  
 Xaverii Corpus claret Miraculis, siquidem in-  
 viferat) notabilis, interrogatus à nostris Patri-  
 bus, num vera essent, quæ de Prodigis ad In-  
 vocationem S. Xaverii fieri solitis, narrantur?  
 Respondit palam, omnino vera esse, seipsum  
 spectasse, quomodo cæci visum, & muti lo-  
 quelam receperint. Quare igitur (urgent No-  
 stri) Fidem Catholicam, quam Deus tot Signis  
 de Cælo comprobatur, non amplecteris? Sub-  
 ridet ille, inquit: *Xaverius ejusdem Fidei fuerat,*  
*cujus & Ego sum.* Deum bonum! quid loqueris?  
 reponunt Patres: Numquid non Orbi notum,  
 S. Xaverium fuisse Jesuitam, & quidem unum  
 de præcipuis Jesuitarum Antesignanis, Sa-  
 cerdotem Romano Catholicum, Religiosum  
 tribus obstrictum Votis, Paupertatis, Castitatis,  
 & Obedientiæ; celebrasse Missas, distribuisse  
 Communionem sub una specie, obtemperasse  
 cum summa reverentia Romano Pontifici &c.  
 &c.? Deinde, si tanta ad invocationem S. Xa-  
 verii fiunt Prodigia, Ergo Invocationi Sancto-  
 rum, & Sacrarum Reliquiarum Cultui Cælum  
 annuit. Ad hæc nihil valebat replicare, nisi  
 fateri, se in concepto semel errore obstinatum  
 esse. Utquid igitur nostra intueri prætendunt  
 Miracula? Aut eum, quoties non vident, teme-  
 re pernegant?

198. Sed concludo: Quicumq; Adversariorum Præcones, insisterendo Doctrinæ suæ Principiis, asserere non verentur, omnes Doctores & Scriptores Catholicos, sive Antiquos, sive recentiores, omnes Episcopos & Presbyteros, qui de Thaumaturgæ Virginis Mariæ Iconibus, deq; prodigiis ad Invocationem ej. s. fieri solitis testantur, mentiri, & lucri gratiâ decipere Populum: Omnes quoq; Principes, Nobiles, & Ignobiles, qui se mira ejusmodi Beneficia expertos esse, tot Testimoniis & Anathematibus fatentur, decipi & errare; Soli verò Dissidentes, talia perperam negantes, sapere &c: Propositionem ponunt, non tantum hæreticam, sed & impiam, & temerariam, & deniq; fatuâ. *Hæreticam*, quia complura omnino evidentiâ DEI Miracula, illusionem & deceptionem, in ipsum Spiritum S. delinquentes, appellant. *Impiam*, cum tot Piis ac Dignissimis Viris tam grande delictum imponant. *Temerariâ*, quia absq; ulla probatione. *Fatuam*; Quæ enim major fatuitas, quàm, tot Ecclesiæ Prælati, etiam de Principum & Regum Prosapia oriundis, adeoq; rebûs temporalibus aliunde sufficientissimè instructis; tot præterea Viris Religiosis, etiam iis, qui per voluntariam Paupertatem, amplissimis Sese Fortunæ bonis exuerunt, nec mentiendi necessitatem habent, (quâ alias Oppositi Prædicantes ordinarie premi solent) appingere, quod lucri gratiâ decipiant Populum.

DE-

# DEFENSIO SEXTA

## B. VIRGINIS Mariæ,

*In qua Cultus & Invocatio Ejus, Lumine rectæ rationis, vel in ipsis saltem multis Dissidentibus, imo Machometanis, Iudæis, & Gentilibus, relucens illustratur.*

199. Quamvis Lutherus & Calvinus unâ cum rigidis Doctrinæ suæ Sequacibus, spretô B. Virginis Cultu ac Patrociniô, enormibus eam contumeliis affecerint, multi nihilominus, moderatiores inter; repetiuntur Protestantes; qui saniore sensu præditi, Deiparam colere, imo & invocare saltem implicite, suarum Conclavia Iconibus Ejus adornare non reluctantur. Et, (quod majus est) vel inter ipsos Dissidentium Præcones, nonnulli Eandem etiam laudibus prosequuntur. Talis fuerat celebris ille Lutheranorum Pastor, Joannes Spangenberg; qui in Concionibus suis Germanicis, eò visus est colimare, ut Salutationem Angelicam, Ave Maria &c: Suis persvaderet. Quæstionem enim proponit, Num Salutatione hac etiam nos uti possimus? Et respondet sequentia: *Hæc est Salutatio; qua Sanctissima Trinitas Virginem Mariam per Angelum salutaverat: & ideo neq; nos recusemus, pariter Eandem salutare. Ipsa utiq; canit in suo Magnificat; Respexit humilitatem Ancillæ suæ: ecce enim ex hoc Beata me dicent omnes Generationes. Si verba hæc verificanda sunt, igitur necesse est, ut reperiantur homines, qui Eam laudent & glorificent. Cepit laudare Eli-*

*sabeth*



*faber Luc: 1. Beata, quæ credidisti. Similiter & illa Mu-  
lier Luc: 11. Beatus Venter qui te portavit, & Utera  
quæ suxisti. Quis modo Virginem istam Beatam præ-  
dicabit? Judæi, Turcæ, hypocritæ & falsi Christiani id  
profectò non facient, sed potiùs blasphemant eam. Igi-  
tur hoc nobis re vera competit Christianis. Quamorbem  
iniquè agunt, qui præ nimia solertia ferre nequeunt,  
quòd Ave Maria &c. dicatur. Huc usq; Spangenbergus  
in postilla sua, die Annutationis Virginis Mariæ: ut  
videre est apud P. Scherer Con: 1. pro Domi: 1. post Epi-  
phaniam. pag: 139.*

200. Velipse Machometes, ejusq; Discipu-  
li, præsupposita Christianæ Religionis notitiâ, &  
lumine rectæ rationis naturaliter dictante, Ma-  
trem Jesu Christi speciali honore, in suo pro-  
sequuntur Alcorano. Inter alia, hæc, ibidem  
expressa habentur: Nullus de filiis Adam nasci-  
tur, quem non tangat Satan, præter Mariam &  
Filium ejus. Ann: 1648. notabilis Conditionis  
Turcæ, cognomentò Abel, Natione Maurita-  
nus, captivus Neapolim adductus est. Hic quā-  
tumvis Machometanus, consuetudinem tamen  
à multis Annis, colendi Virginem Mariā con-  
ceperat. Ardentem etenim lampadem in Hor-  
to suo, propriis impensis, quotidie in honore  
Ejus alebat. Cum autem inter Christianos ex-  
istens, diu tergiversaretur Baptismum suscipe-  
re, eidem Deipara per quietem apparuit, bra-  
chium arripiens & monens: *ad filium meum illi-  
cò convertere!* Qua Visione mirificè recreatus,  
Sacras Undas protinus expetiit. In Annalibus.

201. Etiam Judæi, virulentissimi, Nominis

Christiani hostes: non quidem absolutè, conditionatè tamen, videlicet sub hypothesi, quòd JESUM Christum, DEUM & Salvatorè mundi esse agnoscerent, specialem profectò Cultum Matri ejus tribuerent, nec invocare Eandem recusarent. Res apprehensione digna non adeo pridem accidit. Dum Lutheranus quidam haud modicè pervicax, de Cultu & Invocatione B. Virginis, cum Sacerdote Catholico acriter differens, non solùm Veritati nequaquam acquiescere, verùm etiam conviciis (quæ à suo Luthero didicerat) Eandè onerare; pergeret obviâ altercantibus venit Judæus. Quo visò exclamat Sacerdos: Siste gradum infidelis Hebræe? Scio te quidem in JESUM Christum Dominum nostrum non credere; ast demus casum, quòd Eundem agnosceres verum Messiam & Redemptorem Mundi esse: quid? num Matrem quoq; ejus, speciali honore colendam, suamq; apud Filium intercessionem implorandam censeris? Ad hæc Judæus recta ratione nixus, immediatè respondit: Eum, qui credit in JESUM & Matrem nihilominus ejus colere aut invocare detrectat, mente captum esse oportere.

202. Gentiles accepta ex Relatione Prophetarum notiâ de Virgine Salvatorem Mundi Paritura, ipso naturalis luminis impulsu permoti, etiam longè ante Deiparæ Nativitatem, honori ejusdem Loca quædam dedicârunt. Ægyptii ante Adventum Christi, Virginem in lecto, & infantem in præsepio collocare & venerari consueverunt, teste Canisio lib: 2. c. 7. Cau-  
sam

fam afferentes, quod Majores sui à Propheta  
Jeremia, Salvatorem Mundi ex Virgine nasci-  
turum dedicerint. Ipsæ Sybillæ ante Christū  
natum de Dignitate & honore huic futuræ Vir-  
gini dando vaticinatae sunt: ut videre est apud  
Lactantium, lib: 1. contra Gentes. Multis, an-  
tequam Virgo Maria orbi illucesceret, Annis,  
Carnuti, Urbe Galliæ Lugdunensis florentissima,  
in eodem agro, qui ipsorum Comitibus erat de-  
stinatus, Aram sub terra profundè excavata e-  
rexe-  
runt, cum hac inscriptione, *Virgini parti-  
tura*. Ut loci hujus Incolæ ab inmemorabili con-  
stanter affirmant: referuntq̃, Cassaneus in Ca-  
talogo gloriæ Mundi part. 12. Consider. 20. Et  
alii: postea ampla Ecclesia, Liberalitate Caroli  
Calvi Regis Christiani erecta est. Ut testatur  
Belforestus in Annalibus Franciæ.

203. Experientia quoq̃ compertum ha-  
bemus, Gentes omnes & Nationes, quibus Chri-  
sti prædicatum est Evangelium, & nostris ad-  
huc prædicatur temporibûs, (ut in Indiis tam  
Occidentalibus quàm Orientalibus) suscepta  
Fide in Christum, jam propria sponte, ipsaque  
recta ratione magistra, in Cultum ac Invocati-  
onem Matris ejus, ferri propensissimè. Nec no-  
vis opus est persuasionibûs aut Argumentis,  
quibus ad hanc Veritatem amplectendam in-  
ducantur, sed ipsa in Christum Fides, abunde  
sufficit. Verbô, qui sincerè Christum JESUM  
Dominum nostrum profitetur, is vel lumine  
Naturæ Divinitus illustrato, convincitur, Vir-  
ginem Mariam Studiosè colendam, ejusq̃ Pa-  
trocinium fructuosè expetendum esse. DE-

## DEFENSIO SEPTIMA.

## B. VIRGINIS Mariæ

*In qua Cultus & Invocatio Ejus exinde quoq; evincitur,  
quod Dæmones & Potestates tenebrarum ad Veritatem  
hanc contremiscant, seq; victos esse fateri cogantur.*

204. Martinus Delrius lib: Disquisitionum  
magicarum, innumeris fere, tot Tribunalium,  
tot Inquisitionum publicarum, varias per Pro-  
vincias habitarum, Exemplis comprobat, ma-  
lum Dæmonem consuetudinem habere, ut quo-  
tiescunq; cum hac vel illa Saga aut venefico  
paciscitur, cogat mancipia sua, post ejuratum  
Christum, etiam Virginis Mariæ Patrocinio re-  
nuntiare, ejusq; Cultum & Invocationem exe-  
crari. In conventiculis verò suis cum Venefi-  
cis Sicut & per Energumenos, Eandem, ex o-  
dio, rufam, latam, extensam, vocitare consue-  
vit. Videant igitur, cujus spiritus sint, qui In-  
clytæ Matris huius Patrocinium detestantes,  
Honorē sibi debitum injuriosè detrahunt. Nec  
frustra tantam adversus Sanctissimam DEI Ge-  
nitricem spirat rabiem Satanas; totes siquidem  
per Interpositionem ejus apud DEUM, se vi-  
ctum, confusum, atq; fugatum expertus est. Ut  
merito scripserit S. Bernardinus Serm: 5. Art: 3.  
c: 2. de efficacia Matris Admirabilis contra im-  
mundos Spiritus: Effugantur Dæmones à Vir-  
ginis ardente Charitate, sicut muscæ ab igne.

205. Circa Annū 713. cum malus Dæmon  
puellam quandam obsidens, ad Aquas Salvias  
(ubi



(ubi S. Paulus decollatus olim fuerat) allato S. Anastasii Martyris capite, adjuraretur, tandem per os puellæ in hæc erupit: Dico vobis, quia Maria obtulit istius mali senis Episcopi lacrymas ante Nazarenum, qui dedit Potestatem Anastasio ut veniat, & ejiciat me de corpore isto. Quod & factum, Totū hoc ex Actis publicis per Ecclesiæ Notarium fidelissimè conscriptis, plenius refert Baronius Tomi. 7. Annalium. Rectè proinde docet Cyprianus lib. 2. adversus Judæos c. 9. Mater Domini nostri JESU Christi in illa Muliere promissa est: hæc inimicitias opposita est Serpentis, ponā (inquit) inimicitias inter te & Mulierem, non certè pono, dicit, ne ad Evam pertinere videretur: sed Verbum promissionis est. Hinc Bonaventura in speculo c. 3. O quam amara & timenda est Demonibus Maria. Et Bernardus: Non sic timent hostes visibiles Castrorum multitudinem copiosam; sicut aeræ Potestates Mariæ vocabulum, Patrocinium, Exemplum. Fluunt & pereunt: sicut cera à facie ignis, ubicunq; inveniunt hujus Nominis recordationem & devotam Invocationem.

106. Temporibûs S. Dominici, Vir quidā Nobilis, Diabolum, horribili specie se persequentem, Rosariô B. Virginis, ligatum primò, prostratum, ac conculcatum, mox deinde fugaverat. Ubi verò Avernalis Hospes, vindictam sumpturus, Arcē ejus obsedisset, Nobilis, hanc ipsam Victoriā in eadem depingi jussit, & Infestationes in perpetuum abegit Balan p. 4 c. 42.

207. In Vita S. Theophili pænitentis (quā Eutychianus Discipulus ejus circa An: Christi

808. Idiomate Græco conscripserat) legimus, quod

quòd ille, dato hosti Tartarco, Chirographò, totus magicis Artibus deditus fuerit. Verùm postea superno illustratus lumine, ad Cor rediens, severissimam egit Pænitentiam; & ope Deiparæ, cujus Patrocinium apud Divinum Filium, instantibus lacrymîs efflagitaverat, per visum sibi apparentis, recepit Chirographum. Quòd & palam in Ecclesia coram Episcopo ac universo Populo, igni mandavit, adeo contrito corde, ut præ vehementia doloris Animam DEO reddiderit.

208. Simile quid de B. Ægidio circa Annuũ Christi 1190. habetur: qui se pariter proprio sanguine subscriptum malo Dæmoni devoverat. Ast pænientiã ductus, ad Patrem misericordiæ prodigus rediit Filius: & Interpellationem clementissimæ DEI Matris ante Statuam ejus, acerbissimos inter singultus implorans, advertit super Altare ejusdem Virginis, (Dæmoniis interim fermentibûs, & vim sibi à Matre DEI factã, palam conquerentibus) demitti Chirographũ.

209. Simili modò alter Juvenis, Hosti stygio, ut ejus ope, Mulierculã, quam perditè amabat, potiretur, sese addixerat. Tandem post multa patrata scelera, ad Lauretanam B. Virginis Ædem, Pænientiæ ac reconciliationis cum DEO causã, profectus est. Cum itaq; in hac Sacra Domo, aliquoties verba illa: *Monstra te esse Matrem*, non sine lacrymis & animi contritione ingeminasset, schedulã, quã se olim Inferno adscripserat, sibi in manus, cunctis spectantibûs est restituta. Vide Annales.

210. In Vita S. Philippi Nerei describitur, quomodo hostis Tartareus Virum hunc Sanctū infestare ac terrere solitus fuerit, quodve toties in fugam actus sit, quoties DEUM per Intercessionem Virginis Mariæ invocasset. Et Similia, de efficacia Cultūs ac Invocationis Gloriosissimæ DEI Genitricis, adversus tenebrarū Potestates, Exempla, sive in antiquis, sive Recentioribus Historiis, habentur innumera.

## DEFENSIO OCTAVA

### B. VIRGINIS Mariæ.

*In qua Cultus & Invocatio Ejus, vel ideo persvadetur, quod hæc à sceleratissimis nonnisi hominibus, indubitatis Hereticis, ipsiusque Christi Domini hostibus fuerit olim oppugnata.*

211. Habent hoc B. Virginis Adversarii, ut, siquidem non valent Rationibūs, Honorem ejus, oppugnent conviciis. Pharisæorum hac in parte vestigia insectantur, qui evidentiā Veritatis superati, multas furiosè blasphemias in Salvatorem nostrum evomuerant. Exempli causâ Joan: 8. v. 48. *Nonne bene dicimus nos, quia Samaritanus es tu & Dæmonium habes?* Demonstravit Christus, se DEI Filium esse, illos verò, qui Veritati huic tot Signis de Cælo comprobata, pervicaciter refragabantur, esse Filios Diaboli: & ideo rationum locò maledicta reponunt. Bene Rupertus: *Quia convicti sunt, ingerunt convicia, non enim aliter poterant resistere.* De ejusmodi Di-  
vinæ Matris obtrectatoribus merito Pœta: *Luce*

*navem noctu ut speculum Canis inspicit Orbem : Sed videns, alium eredit in esse canem. Et latrat : sed frustra : agitur vox irrita ventis : & peragit cursus pulchra Diana suos. O utinam illud Oecumenii in cap:3. Epist. ad Titum, seriò apprehenderent! Isti quidem temerè ac petulanter maledicta congerunt, cum tamen neq; eos, qui maledictis sunt digni, insectari convictis justum sit.*

212. Primi, qui in hunc lapidem offenderunt, fuerant Eustathius & Eunomius; qui Cultum B. Virgini, aliisque Sanctis ab Ecclesia tribui solitum reprobabant, ( ut videre est apud Socratem lib:2. Hist: c. 33. ) Vigilantiùs etiam Invocationi ejus detrahebat, asserens, Sanctos nò posse orare pro nobis : ut testatur S. Hieronymus contra Vigilantium. Idem faciebant Petrobrosiani & Apostolici, temporibùs S. Bernardi.

213. Verùm enim verò, cujus farinae, quæso, homines isti fuerant ? *Eustathius*, impiissim⁹ erat Arianus, ipsius Salvatoris hostis. Tollebat præterea Ecclesias, ad quas soliti erant convenire Fideles : Fæminis habitum mutare, & virilem induere permittebat &c. Damnat⁹ est in Synodo Gangrensi, An: Christi 319. *Eunomius*, pariter Arianus, negabat Filium DEI esse æqualem Patri : tantiq; fastus miser erat homuncio, ut diceret, æque benè se DEI substantiam cognoscere, atq; DEUS seipsū cognoscit. *Vigilantius* inter alias blasphemiae sordes, quas Scriptis suis congesserat, ausus est blaterare, Montem, de quo abscissus est in Daniele lapis sinè manibus



bus, esse Diabolum, & lapidem esse Christum. Ejus errores contra Sanctorum Reliquias & Invocationem eorundem, tanquā apertam hæresim confutavit Sanctus Hieronymus Ann: Christi 406. & quidem ita efficaciter, ut eosdē dissolvens prorsus oblivioni dederit. *Apostolici*, (sicut & Petrobrusiani) promiscuos & clandestinos conventus agentes, mutuo sese omni spurcitiā polluebant: & plurima à Manichæis derivantes, etiam illud in usu habebant: *Jura perjura, secretum prodere noli.*

214. Honori Sanctissimæ DEI Genitricis ad-  
versabantur etiam Cherinthiani, & Ebionæi circa Annum Christi 109. Item Jovinianistæ An: 382. Sicut & Helvidius cum quibusdam de sæce Judæica, impugnando perpetuam ejus Virginitatem. *Cherinthiani & Ebionæi*. (Qui ipsismet Evangelistis errorem appingentes turpiter detrahebant: Primi siquidem solum Marcum admisere, secundi solum Matthæum, reliquorum Evangelistarum Scripturā reprobantes: Ut videre est apud Irenæum lib. 1. c. 16. 3. c. 11. Item apud Epiphanium Hæresi 30.) blaterabant, Mariam esse tantum Matrem JESU, non Christi; & JESUM ex Viro concepisse. *Helvidius*, (Qui cum Manichæis negaverant, Filium DEI veram carnem suscepisse) asseribat, Christi Matrem alios quoque procreasse Filios cum Joseph. Hæresis hæc à S. Hieronymo convulsa, & (ut ipse testatur de simili Hæresi Joviniani) citò extincta est, cum nullum Sacerdotem decipere valisset. Nestorius Christi hostis ( utpote qui Eū-  
dem

dem, DEUM esse re vera negavit) Virginem Mariam Deiparam appellare renuebat. Ast Hæresi hæc, An: Christi 431. in Concilio Ephesino damnata, Cultus & Invocatio Gloriosæ Matris, adjectis Salutationi Angelicæ verbis: *S. Maria Mater DEI, ora pro nobis peccatoribus, nunc & in hora mortis nostræ, Amen.* longè latèq; celebrari cæpit.

215. Annò Christi 954. Impiissimus ille, & re vera magis Ethnicus quàm Christianus dicendus, Imperator Constantinus Copronymus, Edictò publicò Invocationem B. Virginis Mariæ proscripserat. Tyrannus iste, horrendas inter blasphemias, quas in Matrem DEI evomuit, (ut scribit Theosterictus in Nicæta, harum rerum Inspector) Nomen ejus ac Patrocinium prorsus oblivioni dare decreverat. Inquiens: eo quidem tempore, quo Christum in Utero gerebat, honorandam fuisse, postquam verò peperit, nihil distulisse à cæteris fæminis. Quod ipsum exemplò Marsupii nunc pecuniâ pleni, nunc vacui, sacrilegè confirmabat. Sed quantus hæreticus in Fide, quamq; scelestus in moribus, fuerit Copronymus, Græci testantur Historici. Theophanes demonstrat, eum negasse, Christum DEI Filium esse, asserendo Mariam, purum duntaxat hominem genuisse. Ostendit præterea, quàm crudelis Tyrannus, quàm luxuriosus, quibûs Artibûs Magicis, Sacrificiis ctuentis, ac Dæmonum invocationibûs, sordidissimè infectus fuerit.

216. Annò Christi 1118. Cultum & Invocationem

nem B. Virginis execratus est pessimus ille  
Hæresiarcha Basilius, habitu Monachus, profes-  
sione medicus, impiæ Bongomilorum sectæ Au-  
thor: quem & Alexius Imperator flammis devo-  
randum addixerat. Quid verò de homine hoc  
sentiendum, facile ex Doctrina ejus colligitur.  
Trinitatem Personarum in DEO negavit. Mū-  
dum ab Angelis malis creatum, & Michàelem  
Archangelum incarnatum fuisse, dicebat. Se-  
ptem tantum Divinæ Scripturæ Libros recepit.  
Sacrificium Missæ contempsit. Sanctorum Cul-  
tum, Idololatriam vocavit. Item docebat, Suos  
omnes sic concipere Verbum DEI & parere, si-  
cut B. Virgo peperit. Non aliam Resurrectio-  
nem mortuorum præter Pœnitentiam & Vitam  
Angelicam admittebat &c. En! quem Antesi-  
gnanum sectantur B. Virginis Adverarii!

217. Et ab ejusmodi hominibus Doctrinam  
suam derivârunt, quotquot cum Luthero &  
Calvino, Cultum ac Invocationem Deiparæ  
probrosè respuunt. Etenim Falsariorum, sicut  
& Calumniatorum est, eadem maledicta sæpius  
repetere. Infæcundus siquidem est Iræ affectus,  
eadem semper dicere solet. Hinc & Agamē-  
non iratus Chalcanti iisdem semper verbis cō-  
viciatur. *Impie Vales (inquit ille) mala soles sem-  
per prædicere.*

218. Sed videamus, quid recentiores Vir-  
ginis hostes loquantur. Lutherus serm: de Cru-  
ce; Melanchthon in explicatione primi Præ-  
cepti Decalogi; Centuriatores Magdeburgenses  
singulis ferme Centuriis; Calvinus e. o. lib. 3. c. 2.

Ubi

Ubi de Sanctorum Invocatione &c. Et eorum  
 Prædicantes communiter, Cultum quem Ma-  
 tri DEI tribuimus, sicut & Implorationem Pa-  
 trocinii sui, Idololatriam vocitant: omnesque  
 promiscuè Cæli Incolas, mortuos Sanctos, De-  
 os falsos, & Idola appellant. Lutherus de nata-  
 li B. Virginis Die, dixerat, se non pluris æsti-  
 mare preces Mariæ, quàm cujusvis è plebe ho-  
 muncionis, eò quòd omnes simus æq; Sancti  
 & iusti, atq; est ipsa Virgo Maria. Etiam Sacri-  
 legà illa ab impio Copronymo excogitata simi-  
 litudine de Marsupio, perlæpe utebatur. Hinc  
 impudens, suos inter Discipulos exorta est cõ-  
 suetudo, quòd scelestissimus quisq; uxorem su-  
 am Augustissimæ DEI Genitrici æquiparare  
 (quàm Angelus ipse Gratiâ plenam & Benedi-  
 ctam inter Mulieres, prædicaverat) minimè  
 vereatur. Et iterum Lutherus eadem Conc: fe-  
 sto Nativitatis B.V. In Postilla An: 1584. impressa  
 Wittembergæ fol. 40. agit Nos æq; Sancti sumus ac  
 Maria, aliq; Sancti, qualescunq; demum fuerint, mo-  
 dò tantum credamus. Et ibidem: Tua oratio tantum  
 placet quantum Mariæ Oratio, si enim credas æq; in to-  
 esse Christum atq; in Maria, jam pariter mihi opitu-  
 lari poteris. Et eadem Postillâ, Dominica I. post  
 Ephiph: En quàm graviter erravit Deipara, ignorans  
 ubinam quærendus esset Christus. Melius erat, si Ma-  
 ter ejus non fuisset, quàm quòd eum temerè amiserit,  
 Quis igitur inter homines major peccator extitit, quàm  
 Mater hæc? Verùm quàm impudens, quàm te-  
 meraria, sacrîsq; Literis manifeste recalcitrans  
 sit calumnia hæc, jam superius num: 64. indigi-  
 tavimus



avimus. In Colloquiis verò mensalibus exempli causâ fol. 50. Sic debacchatur Lutherus: *Miserâ hæc Ancilla de Nazareth Mariâ, audet etiam cum Regibus altercari, ubi inquit: Deposuit Potentes de Sede &c. Egrégiam existimo fuisse puellam, & voce saniora præditam: ego profectò non sic canere possem &c.* Et Tomò 6. Wittembergæ An: 1555. per Lufft impresso fol. 114. *Nemo magis maledicit huic Matri, quàm qui Ave Mariâ, assidue in bucca gerit. Et Et ibidem fol. 40. Canticum illud, quod Salve Regina dicitur, grâdis blasphemia est. Et fol. 27. Consilium itaq; do: Si quis Mariam salutare voluerit, nequaquam Salve Regina, & ejusmodi preces aut cantilenas Idololatricas adhibeat: Sed sic dicat: En quàm inanis & misera puella hæc fuerat: attamen DEUS respexit tenuitatem ejus. Sic enim illa prorsus denudatur, solus autem laudatur DEUS. &c. &c. Lutherum imitatur Calvinus, exempli causâ in Harmonia sua Evangelica ad o. i. Lucæ v. 34. Ut Mariam ab omnibus peccatis liberam enuntiemus, nequaquam simus solliciti. Et ibidem: Quod quidam arbitrantur, quasi Maria Votum castitatis fecerit, non subsistit, imo est quid inconueniens: infidelis enim fuisset, si desponsata Viro, vinculum Matrimoniale sprevisset &c. &c.*

119. Erâsmus Roterodamus in Colloquio, quod *Naufragium* inscripsit, Virginem Matrem per jocum Sacrilegum, Veneri, in maris Præfectura, substituit. Calvinus Inst. l. 3. c. 20. § 27. Sicut & librò, quem inscripsit: *De vera Ecclesiæ reformandæ ratione*, Omnes universim Sanctos unâ cum DEI Matre, gravissimis Opprobriis & blasphemis onerat: Mortuos Sanctos, larvas bestias,

bestias, monstra, carnifices, colluviem, injuriosissimè compellat. Hic adverte æqui amans Lector; si quis Calvinii aut Lutheri Matrem, vel Prostibulum, ejusmodi afficeret dicteriis, nonnè ægrè ferrent Adversarii? Quomodo igitur Christus Salvator noster, tantas Matri suæ illatas feret injurias? Illyricus Cent: 9. c. 10. Martinus Chemnitus in Exam. Sesi: 3. Concilii Trident. Sententiam, quæ docet, B. Virginem omnis peccati expertem fuisse, talsam & erroneam calumniantur. &c. &c. Sed *DEUS conterentes eorum in ore ipsorum*, inquit Vates Regius Psal. 57. v. 7. Quare in ore ipsorum, & non potius in eo quem rodunt? Calumniator maximè sibi ipsi nocet. *Si frater in nos dixit vel scripsit, quod non decuit, (profitetur S. Bernardus Epi. 233.) non tam nos læsit, quàm seipsum.* Et addit S. Hieronymus ad Eusto: *Apud Christianos, non qui patitur, sed qui facit contumeliam, miser est.* Multò magis idem censendum de illis, qui Honorē Divinæ Matri debitum minuere contendunt, & seipsos interim coram omnibus rectè sententibus prostituant.

220. Quoties verò hæc & similia à suis Doctoribus in Virginem Beatissimam eruçtata convicia, exhibemus Protestantibus; erubescere quidem solent nonnulli Prædicantes, ac protestari, Se Mariam ut DEI Matrem venerari; ast sub dolè fraudulenter & irrisoriè, nec non cum graviore Sanctissimæ hujus Virginis injuria. Ex emplī causâ, Non adeo pridem Minister quidam in Libello suo, *Fraustätisch Zion*, nuncupa-

to, sic differit: *Nos honoramus B. V. MARIAM, at-*  
*tamen peccatricem esse profiteamur: non quidem peccatri-*  
*cem ejusmodi, qualis fuerat Thamar, quæ publicè pro-*  
*strata est in via; non qualis illa publica in Civitate me-*  
*retrix, sed tamen peccatricem &c.* Quis non videt,  
 laudes hujusmodi, illusiones Sacrilegas esse! Fer-  
 retne homo iste, si quis eundem simili profe-  
 queretur encomiô: Ego te honoro, quia dico,  
 te non esse Latronem talem, qualis fuerat Bar-  
 rabas; non esse talem nequam, & nebulonem,  
 quales illi, qui viatorem propè Jericho, infli-  
 ctis vulneribus despoliaverant? non esse talem  
 furem & Proditorē, qualis fuerat Judas Iſcario-  
 tes! Redite; redite ad cor prævaricatores, con-  
 tēptores, irrisores! & aliquando illud Piiſſimi  
 Viri, Petri Cellensis lib: 6. Epist: 23. Effatum,  
 feridè expendite: *Mallem non habere linguam, quàm*  
*aliquid dicere contra Dominam nostram; aut eligere*  
*non habere Animam, quàm vellem ejus extenuare Gloriā.*

221. Homines, qui cultum & Patrocinium  
 Mariæ contumeliis oppugnant, Turcis, Judæ-  
 is, ipsoq; Diabolô sunt peiores. De Turcis (or-  
 dinariè loquendo) constat, quod eam non so-  
 lum scomatibus non proscindant, sed & laude  
 speciali, saltem persæpe (ut etiā superius num:  
 200. libavimus) prosequantur. Judæis, tempo-  
 re Passionis Christi Salvatoris nostri, non est  
 permissum, ut Virginem Mariam similibus con-  
 tumeliis, qualibus nunc à perversis quibusdam  
 oppletur Christianis, proscinderent. Ipse Dia-  
 bolus, capitalis quantumvis Christi & Matris  
 ejus hostis (hæc siquidem juxta DEI promissū,

Gen. 3. v. 19. contrivit Caput ejus.) etiam cùm maxime sævit, non audet, per se, sive in Energumenis, sive in sagarum congressibus, sis probrosè de B. Virgine loqui, Exempli causâ, vocitare peccatricem, aut Idolum, comparare cuivis etiam impurissimæ Mulierculæ, derogare Virginitati ejus &c. Sicut Lutherus & Calvinus cum rigidioribus sectatoribus suis faciunt; sed ad summum, rufam aut latam cognominat.

222. Omnes ejusmodi Calumniatores, Ambrosius (qvj circa An: Christi 370. floruit) sic alloquitur, Epistolâ 5. *Claudat sua ora perfidia! obmutescat! ne Matrem Domini aliquo audeat temerare conviciò.* Sicut honor Parentis redundat in Prolem, Prov: 17. sic & ignominia. De illis verificatur illud Apocalypsis 12. Ubi Draco contra mulierem amictam sole stetisse, ejusq; Filiũ devorare voluisse, dicitur: *Draco persecutus est eam, & abiit facere bellum cum reliquis de semine ejus.* Et de Bestia illa Apocalypsis 13. quæ ex Irenæo cap: 5. est Antichristus, ex aliis etiam sunt Præcursores Antichristi, sic habetur: *Aperuit os suum in blasphemias ad DEUM, blasphemare nomen ejus, & Tabernaculum ejus.* Nonne Mater DEI est Tabernaculum ejus?

223. Verùm adversus eam non proficient Adversarii. *Gaude Maria Virgo, cunctas hæreses sola interemisti in universo Mundo:* canit per multa jam sæcula Ecclesia. Et quidem hoc sensu, 1. quia Justitiæ solem genuit, qui illuminat homines, & errorum tenebras depellit. 2. Quia singulari modo Magistra Apostolorum fuerat (ut dictum superius)



perius) quorū Doctrina refellit hæreses. 3. Quia plurimæ hæreses circa Incarnationem Christi facile rejiciuntur ab illis, qui Mariam DEI Genitricem agnoscunt & colunt. 4. Quia Fidei Defensoribus, contra hæreses strenuè pugnantibus, singulariter auxiliatur, ut constat ex tot Exemplis. 5. Quia precibus suis fastum Adversariorū deprimit.

## DEFENSIO NONA

### B. VIRGINIS Mariæ,

*Inqua Cultus & Invocatio Ejus, vel ex eo defenditur, quodd non possit aliter, nisi per calumnias & impudentiam ab Adversariis oppugnari.*

224. Solent injuriæ illis præstare suffragium, quibus studium est, non de Veritate, sed de propria gloriæ victoria. In his autem, qui tota intentione cupiunt, de concepta Veritate gaudere, locum hæc penitus non habent. Inquit Maxentius Dialogo primo. Quasi dicat, qui non Veritatis sed vanitatis studio occupantur, Argumentorum pondere destituti, calumniis ac injuriis, velut Icarī pennīs supra alios evolare contendunt: De ejusmodi hominibus scribit S. Paulus: *Qui non acquiescit ei, quæ secundum pietatem est, doctrinæ: superbus est, nihil sciens, sed langvens circa quæstiones & pugnas verborum: ex quibus oriuntur invidia, contentiones, blasphemie, suspensiones malæ, conflictationes hominum mente corruptorum, & qui veritate privati sunt, existimantium quæstum esse Pietatem.* 1. Tim. 6 v. 4. 5. Quam sollicitè inter disputandum, à calumniis & conviciis,

abstinendum sit, vel ipse Angelus exemplô suo nos edocuit: *Cum Michâel Archangelus cum Diabolo disputans altercaretur de Moyfi corpore, non est ausus iudicium inferre blasphemiae: sed dixit, imperet tibi Dominus. Judæ v. 9. En! nequidem ii, qui maledictis digni, conviciis sunt oppugnandi. At, Isti Quodcunq; ignorant, blasphemant. v. 10. Proinde vel ipse Gentilis Plutarchus, naturali rectæ rationis lumine nixus, omnes hortatur: Satis est nudis explicatisq; Rationibus Causam simpliciter agere, nec congestis maledictis undiq; ac jurgiis, quasi venenô tela inficere. In Politicis ad Trajanum.*

225. Jam, ex innumeris, quibus veritatem nostram laceßere solent Adversarii, calumniis & imposturis, saltem aliquas in medium produco. Calvinus lib: 3. Instit: c. 20. D. 21. scribit: *In omnibus Hymnis & Litaniis Papistarum, nullâ unquam fieri Christi mentionem, nec unquam Papistis, in precibus, occurrere Christum. Sed figmentum est toti mundo palpabile. Numquid non dicimus in Litaniis: Kyrie eleison, Christe eleison, Pater de Coelis DEUS, Fili Redemptor mundi DEUS miserere nobis &c.! Nonne omnes hymni diriguntur ad DEUM, & per Gloria tibi Domine, aut quid simile terminantur? Nonne cunctæ Ecclesiæ Orationes ad DEUM elevantur, & concludunrur per Dominum nostrum JESUM Christum Filium tuum? Idem lib: 3. c. 20. § 22. calumniatur, nos invocare Sanctos ut DEOS, adeoq; & Virginem Mariam ut DEAM, plurimosq; habere DEOS pro numero Urbium, sicut Jeremiæ 2. v. 28. de Judæis dicitur. Verum, totum id me-*

ram calumniā esse per se patet. Quis enim DEO dicere auderet, S. DEUS ora pro nobis, quē admodum B. Virgini dicimus: S. *Maria ora pro nobis*, ? Item, nos rogare Mariam, ut Filium *jubeat facere*, quod poscimus. Sed quis Catholicorum hoc docet? Blaterat non probat. Item, nos ante Statuam Mariæ, aut Barbaræ, vel Catharinæ demurmurare *Pater noster &c.* At, si vel rudissimus interrogetur, respondebit, se Orationem Dominicam ad DEUM dirigere, id autem se facere coram Imagine B. Virginis, ut Oratio sua exaudiatur efficacius à DEO.

226. Philippus Melanchthon (sicut à suo Luthero didicerat) in Apologia Art. 21. Confessionis August: non veretur dicere, Papistas Virgini Mariæ, aliisq; Sanctis tribuere Divinitatem, id est vim cognoscendi mentium cogitationes. Sed calumnia est, cum nullus Catholicorum id docuerit unquam. Afferimus enim, B. Virginem cognoscere preces nostras, non ut sunt in mentibus nostris, sed ut sunt in DEO, quem videt, & qui easdem sibi manifestat. Reliquas calumniarum petulantias jam superius aliquoties castigavimus.

227. Secundum Oppugnationis genus in fastu quodam indignissimo, meraq; impudentia consistit. Qui enim Cultum & Invocationum DEIPARÆ morosè respuunt, consequenter loquendo, dicere debent: 1. Omnes per tot sæcula Ecclesiæ Doctores, qui unanimi consensu, salutare hoc Studium (ut ex dictis liquet) zelotissimè promoverunt, errasse graviter, nec sa-

cras Literas intellexisse! Lutherum duntaxat & Calvinū cum suis Discipulis sapere. Quod quis prudens dicat? Quis credat? 2. Omnes illos Virō Sanctissimos, qui tot signis de Cœlo, etiam Sang. ine, Christi amore profuso, Doctrinam suā confirmarunt, Idololatrias, ac proinde DEO odibiles, & æterno supplicio dignos fuisse. Lutherum verò & Calvinum, innumeris conviciis Christi Matrem proscindentes, (de quorū præterea vita & moribus aliunde constat) Viros fuisse pios, verosq; DEI Cultores: & quidem ideo, quoniam sine fronte, se esse tales, ipsimet testati sunt. 3. Omnes in Christianitate piissimos Imperatores, Reges, & Principes, etiā illos, quorum Devotione, Sapientia & Robore comparata Regna, Fortunam & Honorem, moderni Dissidentes possident, in Cultu & Invocatione Matris DEI temerè processisse, & turpiter deviasse! Eos verò solos, qui blasphemi illius Venefici, & impiissimi Virginis Mariæ hostis Copronymi, hac in parte vestigiis insistant, viā recta incedere.

228. 4. Omnes Sacerdotes Catholicos, etiam eos, qui spretis Mundi Vanitatibus, ut liberius DEO serviant, propriis se Fortunæ Bonis exuerunt! tot quoq; Episcopos & Prælatos, qui juxta statūs ac Dignitatis suæ proportionē, temporalibus abunde instructi sunt, turpis lucri gratiā, ad B. Virginis Aras, Miracula confingere, miserumq; popellum decipere. Dissidentium verò Præcones (qui corrasa Populi pecunia se suasq; proles sustentare coguntur; & nisi placen-



si placentinos agerent, de statu suo deturba-  
rentur) tā rigidos conscientiae ac Veritatis Cul-  
tores esse, ut propter nullum temporale emo-  
lumentum, suos velint decipere. 5. Omnes pro-  
miscuē in Ecclesia Catholica Politicos, adeo  
incautos, rudes, & imprudentes esse, ut se à Cle-  
ro tam faciliē decipi permittant; sic deniq̃ leves,  
ut absq̃ fundamento credant, mira sibi per Vir-  
ginis Intercessionem, à DEO præstari Benefi-  
cia; hacq̃ de causa, Aurum & argentum suum  
velut gratitudinis Tesseram, Altaribus ejus ap-  
pendant. E contra Prædicantes oppositos, ita la-  
gaces, perspicacesq̃ esse, ut quantumvis remo-  
tissime disliti, omnia hæc, vel ideo, quòd ea  
pro libito, simpliciter pernegent, falsa esse a-  
gnoscant.

229. 6. Omnes Catholicorum Scriptores  
Historicos (tametsi iisdem, in rebus Politicis as-  
sentiantur firmiter, utpote sine quibus, nullam  
prorsus Antiquitatis notitiam habere possent  
Protestantes) ubicunq̃ de B. Virginis Patroci-  
nio aut Miraculis testantur, somniatores ac Fal-  
sarios esse, ideo quòd sic dicant, sic velint,  
sic deniq̃ nugentur Adversarii. 7. etiā illa prorsus  
manifesta & indubitata Prodigia, quæ tot  
homines fide dignissimi oculis palpârunt, aliisq̃  
jure jurando retulerunt, figmenta esse propte-  
rea, quòd aliqua interdum à plebe, absq̃ iusti-  
cienti fundamento pro Miraculis reputentur.  
Quis hîc non videt, Pretiosissimæ Virginis Cul-  
tum, ejusq̃ Maternum Patrocinium, per solam  
impudentiam, petulantiam, insolentiam, atq̃  
calumniam negari & impugnari posse? DE-

## DEFENSIO DECIMA

## B. VIRGINIS MARIÆ,

*In qua Cultus & Invocatio ejus tandem per id comprobatur, quòd DEUS contemptores ac Irrisores illus, etiã in hoc sæculo, toties vindice pena severissimè affecerit.*

230. Ex innumeris paucissima duntaxat, ne fortè nimis excreſcat Opus, Exempla profero. In vita S. Domnoli Episcopi Cenoman: circa Annum Christi 581. legimus, Virum quendam nobilem & Regis Consiliarium, postquam Ecclesiã DEI paræ, præmissò jocò sacrilego, aurò argentòq; spoliasset, advertissè per quietem, Beatissimam Virginem, malleò se in fronte percutientem, feriòq; monentem, ut ablata quantocyùs restitueret. Expergefactus sensit grande vulnus in capite, quod licet accedente pænitentia, brevi sanatum sit, cicatricem nihilominus in totã vitam reliquerat.

231. An: Christi 585. Mauritii Imperatoris 2dò, cùm aliquot Græci inter prandendum, Cavillationes quasdam in Virginem Sanctissimã eructassent, illicò ab immundis spiritibus obsessi sunt. Ut testatur celebris illius ævi Historicus, Cedrenus.

232. An: Christi 775. Flagitiosissimus ille Imperator Copronymus (de quo superiùs dictũ) postquam multas, adversus Honorem & Invocationem Divinæ Matris effutisset blasphemias, in Expeditione contra Bulgaros, febris violentissima correptus, & brevi post moriens, vociferatus

ciferatus est, *Se inextingvibili igni traditum esse propter Mariam.* Referunt id cum Cedreno omnes illius ætatis Græci scriptores.

233. Paulus Diaconus lib: 21. Rerum Romanarum scribit, Virginem Matrem cuidam Iconomacho, qui Statuam ejus injectis lapidibûs contriverat, per visum apparuisse, ac terribili voce minatâ fuisse: *In Caput tuum hoc fecisti.* Paulò post homo temerarius ingenti oppressus Saxô, atq; ita contritus est, prout ipse Statuam comminuerat.

234. Evagrius lib: 1. Hist: c. 7. de interitu impii illius hostis DEI paræ Nestorii, inter alia sic loquitur: *Ipse equidem accepi à scriptore quodam, modum, quo decessit è Vita Nestorius, talem fuisse: nimirum ejus linguam vermibus exesam esse, sicq; cum hujus vitæ miseriis ad graviora supplicia, justo DEI Judiciò infligenda, eaq; sempiterna migrasse.*

235. Annò 1187. Tempore, quo Bellum erat inter Philippum Regem Francorum & Henricum Regem Angliæ, duo Brabantiones videntes ante Statuam quandam lapideam in honorẽ B. V. sculptam, in Abbatia Dolis dicta, mulierem devotè orare, multas evomuerunt blasphemias: Unus etiam lapides in imaginem projiciens, brachium pueri JESU confregit: unde prodigiosè multæ Sangvinis guttæ effluxêre. Statim in eodem loco, is qui lapidem excusserat, procidit exanimis! alter à malo Dæmone obsessus est. Scribit id Vincentius Beluacensis l. 7. specul: Hist: c. 110. & addit, *Ego qui scripsi, Sanguinem illum vidi oculis meis.*

236. Sed ne longior sim in antiquioribus Exemplis, quibûs refertæ sunt Historiæ, enarrandis, aliquot solum adhuc, & quidem recentiora, quæ publicatis jam Lutheri & Calvini, (saltem protunc in Zwinglio) maximorum hujus Sanctissimæ, Innocentissimæq; Virginis hostiû, novitatibûs, contigerunt, cunctisq; Rerum notitiâ pollentibus perspecta sunt, in medium produco. Anno Christi 1523. Bilbai in Hispania, Nebulo quidam ex advenis heterodoxis, noctu ingressus Ecclesiam, Imaginem DEI paræ Miraculîs clarâ, pretiosis Ornamentis denudaverat. Ubi verò etiam Coronam Capiti eripere tentaret, ejusdem Imaginis Manu repulsus & impeditus est. Quo tamen Prodigio minimè emendatus, sed reliquis spoliis onustus in vias suas abiit. Verùm non cū successu in campis enim, Ovium gregem obvium habuit, cujus aries tam pertinaciter eundē repressit, ut regredi, aliamq; viam inquirere sit coactus. Arripuit itaq; aliam, sed & de hac à furente Tauro absteritus est. Tandem tertium elegit tramitem, qui miserum Sentibus, densissimiq; Frutetis adeo intricavit, ut progredi non valens, ad quietem paulisper fumendam, sese composuerit. Interim Sacrilegium Civitati innotescit, Populu huc, illuc, indagaturus Reû diffunditur, moxq; sub Arbore dormientem deprehendit.

237. Annò 1525. Erfordii cū Lutherani Cathedralē B. Virginis Ecclesiā armata manu invasissent, Joannes Kulsamer Prædicans, digitò monstrans ejusdem Divinæ Matris Statuam, dicebat:



xerat: *Non recedam hinc, donec Idolum istud, prostratum ejecero.* Et ecce! Gangræna digitum hunc illicô corripuit, & hominem sequenti nocte examinavit. Vide Tympium.

238. An: 1577. Cum passim in toto pene Belgio Iconomachi in Templâ & Imagines irruere coepisset, contigit in Pago Lokeren appellato, quendam, B. Virginis Statuam invadere ac demoliri. Ubi autem magno labore Imaginem luxâisset, decidens illa, sui ipsius casu vindictam inflixit scelerato. Nam casus ejus nutu Divino sic accidit, ut puellus ille Christus Dominus, quem Virgo Mater ulnîs gestabat, alioquin blandulus, manu sua (quàm arte sculptoris protensam habebat) recta in Iconomachum impingens, maxillam ejus velut armillâ quadam acutâ perforaret. Sicut de Leviatan apud Job legimus c. 40. & Psal: 31. *In cibano & freno maxillas eorum constringe, qui non approximant ad te.* Res hæc in conspectu tot fide dignorum Virorum facta, & ab iisdem divulgata, atq; à Tilmañio Bredenbachio lib: 3. sacr: Colla: c. 22. descripta est.

239. An: 1580. Oliverius Tempelius Bruxellæ (quæ eo tempore ab hostibus Regis occupabatur) præfuit, qui & Hallense Oppidum (ubi DEI paræ Templum cum miraculosa ejusdem Imagine habetur) 9. Julii, casso licet molimine, in Potestatem redigere satagebat. Cum itaq; Copiæ ejus per viam incederent, seq; invicem hortarentur, miles quidam hæreticus, nomine Joannes Zuuyckius, ore sacrilego jactabat, se suis manibûs Hallensi Mulierculæ (DEI Matrem intelligens)

telligens) nasum abscissurum. Vix ad Oppidum pervenerant, ecce glande plumbea, ab Oppidanis excussâ, nasus eidem militi adimitur. Quare à Comilitonibus postea mirificè irrisus est, qui eum identidem, ad nasum recipiendum, Hallas mittebant. Alter in eadem Expeditione, Johannes Ryffelmannus immaniore etiam sævitia effuderat, sacratam se Statuam Bruxellâ adducturum, atq; ibi igne subiecto, publicè crematurum: qui tamen mox temeritatis poenam accepit. In ea siquidem oppugnatione, os & mentum, ac paulò post vitam, per Tormenti ictum, amisit. Lipsius de B. Virgine Hallen: c. 7.

240. Annò 1600. In Scotia, direptò Cupressi Monasterio, & spoliato Tēplō, restabat Christi, & Matris ejus sub cruce stantis effigies. Hanc ut vidit quidam Puritanus, restas adhuc hīc, inquit ridens: & comportatis instrumentis Imaginem dimovet. Quæ corruens, impium oppressit caput, & excusso Sacrilegi cerebrō, parietē ac pavimentum respersit.

241. Ibidem eodem tempore Nobilis adolescens in Provincia Fisæ, Statuam B. Virginis concidit, & foco iniecit: Unde ignis tanta vi exarsit, ut Domum omnem concremaverit, multis incendiō violatis.

242. Annò 1674. Immerii in Civitate Diæcesis Basiliensis, Prædicans quidā Calvinianus, verba è suggestu faciens, non est veritus dicere, Rem prorsus esse impossibilem, quòd Maria post Desponsationem cum Joseph, pura manferit Virgo: subjungens, Filiam suam (quæ protunc

tunc culinæ officiis distrahebatur) æq̃ mundā  
& puram esse, atq̃ fuerit Maria: Et, si res aliter  
se haberet, optabat, ut se tellus hiatu suo vi-  
vum absorberet. Vix blasphemiam evomuit, &  
nnā cum Filia sua disparuit, nunquam ampli-  
us visus ab hominibus. Ut testantur hujus sæ-  
culi Annales.

243. Annō 1698. Bambergæ Miles quidam  
Domum emerat, in qua B. Virginis Imago, an-  
tiquo Catholicorum more, depicta cerneba-  
tur. Hanc Conjux ejus hæretica pati non po-  
tuit, urgentissimè proinde apud Maritum in-  
stitit, ut calce superiniecta delendam curaret.  
Satisfactum impiis desideriis: sed Res mira! E-  
adem Imago in ipsa calce multò gratius enitu-  
it. Igitur secundo & tertio calx admota, verum  
cassio semper molimine, nam species tota viva-  
cissimis coloribûs transparebat. Efferbuit im-  
proba Mulier, & quàm calce delere nequive-  
rat, stylô ferreo eradendam mandavit. Qua de  
causa DEI vindicis Manum experta, immatu-  
rum siquidem sætum unà cum vita sua brevi post  
effundere coacta est. In Annal: ejusdem Anni.

244. Apud Pedemontanos Ecclesia B. Ma-  
riæ Virginis, Prodigis celebris habetur, ad quā  
ingens Fidelium multitudo, (ita ut non raro  
ultra 80. hominum millia numerata sint) con-  
fluere assuevit. Id ægerimè ferens quidam te-  
merarius homo hæreticus, Annō 1595. multa  
probrosè contra Veritatem de Cultu & Invo-  
catione DEI-paræ Catholicam, effutiit; inter a-  
lia, per jocum Sacrilegum dixerat, se Domi ca-  
nem



nem habere cæcum, velleq; eundem ad locum hunc Miraculosum, pro obtinenda curationis gratia, expedire. Quod & fecit, Verum DEUS Justus Judex, blaterones ejusmodi non finit esse impunitos. Canis quidem visum recepit, ast Irrisor eodem temporis momentò, oculorum usu privatus est. Ut proinde impietatem suam deslere, atq; suscepta Religione Catholica, Opem Thaumaturgæ Matris in præfato loco expetere (quàm & impetravit) debuerit. Marchant: de Laud: Mariæ. pag: 26.

245. Notandum autem hic est, DEUM non semper prodigiosè hujusmodi Contemptores castigare, ne fortè vilescant aliàs Miracula apud homines: Sed dissimulare persæpe, donec resipiscant, & si nolint, pœnam, in alteram vitā reservare atrociorē. Interdum etiam per Jurisdictiones Catholicas, (ut non adeo pridē factum) in Sacrilegia hæc severè animadvertere consuevit. Amen.





Biblioteka Jagiellońska



stdr0026495

